


JOHN CARTER BROWN
LIBRARY

Purchased from the
Trust Fund of
Lathrop Colgate Harper
LITT. D.




DE SIGNIS
S A N C T I S S I M A E
C R V C I S,

Quae diuersis olim orbis regionibus, & nu-
per hoc anno 1591. in Gallia & Anglia
diuinitus ostensa sunt, & eo-
rum explicatione,

Tractatus,

F. ALFONSO CIA CONE,
Biacensi, Doctore Theologo, ordi-
nis Praedicatorum, & Poeni-
tentiario Apostolico,
Auctore.

AD DVCEM SESSANVM
LEGATVM REGVM.



1429

R O M. AE,
Apud Ascanium, & Hieronymum
Donangelos. 1591.

RR. DD. Vicarij S. D. N. Vicesgerentis,
ac Mag. Sacri Palatij permissu.

fr. Dom. et fr. Peter Lindius

12th 1887

...

...

...

...

...



DVCI SESSANO LEGATO REGIO

F. ALFONSVS CIACON S.



MMORTALE, ac prorsus di-
uinum munimentum Christus Re-
demptor noster moriens crucem
suam nobis haereditario iure reli-
quit : cuius virtute protecti , ab
omni nos hostili incurfu , & aduer-
sarium impetu tueremur. Hâc principes tenebrarû,
& qui sub mala eorum disciplina militant haeretici,
Agareni, atque pagani, tamquam sibi infensam, acer-
rime insectantur, totisque viribus impugnant, si quo
modo euertere, atque eius memoriam de cordibus
possint fidelium funditus abolere : tot pessimis arti-
bus, & machinis ad suo eam loco deturbandam exco-
gitatis, inaniterque adhibitis. Perstabit illa semper,
consistet aeternum, sicut perstitit & constitit contra
omnium insultus victrix & triumphatrix, irritos fa-
ciens illorum conatus, & praua cōsilia, quae aduersus
ipsam inierunt. Curae est in primis Christo Deo sua
crux, imperatorium vexillum suum; nec longo tem-
pore patietur iniuriam illi irrogari. Cruciferos nam-
que suos instituit, qui illam comitentur, armis tuean-
tur, & pro eius gloria & honore vehementer pugnēt.
Dux eius militiae Gregorius XIII. nuper vita defun-
ctus, fuit; duces proinde eiusdem successores erunt
Romani Pontifices, qui pro cruce tuenda in Gallia
decertabunt. Vindex crucis existit Philippus Hispa-
niarum & Indiarum vere Catholicus Rex. Vindices
sunt multi Orthodoxi principes, qui non curuauerunt
genua sua Baal. Immo omnes legiones angelorum
huius sunt militiae ascriptae, atque obsequio & mini-

sterio inuigilant. Cōciliatis igitur in defensionem crucis caelestibus viribus ac humanis, Pontificijs, atque Regijs, hostes crucis in Gallia compescentur, ac tandem succumbent, si communibus sumptibus sacri foederis sociis suppetiae opportune ferantur; ne potentissimum ac florentissimum hucusque regnū subsidio destitutum, iuxta Saluatoris sententiam, diuisum desoletur, & domus corruens supra domum, non solum sibi pereat, sed suae molis ruina vicinas prouincias opprimat; & ignis semel conceptus, dum continuo extingui negligitur, in vastiores flammās erumpēs, proxima quaeque corripit & absumat. Ita enim fiet, vt dissidijs circa religionem compositis, & ciuilibus bellis sedatis, in vnā aliquā pacem, concordiam & vnionem populus ille tandē coalescat, & Catholicum sibi Regem praeficiat, qui sanctis legibus populos sibi subditos pie ac religiose moderetur. Coepit Deus votis suorum militum fauere, sanctissimae crucis imagines in Gallia, & Anglia, caelo terraq. ostendens, quasi tesseram suae clementiae, vt eo salutari signo conspecto, constantius & confidentius cruci adhaererent, & eo pignore sperarent haud defuturum opportune diuinum subsidium, & laetam victoriam de impijs ac sacrilegis hostibus caelitus comparandam. Subsequuta namque Hērici Lotharingij, Ducis Guisiani, admiranda libertas, haec ita se habitura cōprobauit. Quare non abs re me facturum arbitratum, si omnes per diuersas mundi aetates viuificae crucis apparitiones collegero, & earum interpretationem, & effectus explicuero subsequutos: paucaque ex multis, de eiusdem crucis praestantia, maiestate, vi, cultu, & adoratione interseruero, quae potiore valeant erga ipsam affectum excitare. Hanc qualemcumque a me nauatam operam, tibi Dux inclyte, tamquam crucis legato, & eius fidissimo ministro, dicendam censui, qui ipsius dilatationi, & exaltationi, assiduus Regio nomine incumbas; & singularem

gularē praeterea erga me beneuolentiā semper
ostenderis, tuisque beneficiis deuinxeris, & pluribus
ideo sim tibi nominibus addictissimus. Instigauit, ut
sic facerem, D. Gonsaluus Pontius a Leone, tui stu-
diosissimus, & humanitatis tuae, ceterarumque ani-
mi dotium praeco, perpetuusque declamator; & me-
rito cum singulari prudentia, consilio, animi magnitu-
dine, & rerum gerendarum dexteritate vigeas, & di-
gnissimus proinde habearis, cui maiora munia,
& prouinciae regendae concedantur. Clarissimam
namque indolem ab ipsis incunabulis sortitus, non
contentus gloria & splendore maiorum, qui Italiam,
Hispaniam, immo totum orbem fama rerum prae-
clarissime gestarum compleuerunt, propriis virtuti-
bus & litteris animum excoluisti; ut quid natura,
quid fortuna, quid studia, & recta institutio, singu-
lae contulerint, cuique innotescere possent. Hinc de
te maximam expectationem mortales cuncti habent,
& opinionem firmam concipiunt, beneficium omni-
bus futurum, & tuae gentis comodis liberalem open-
laturum, & veluti perennem fontem expositum hau-
stum & potum largiturum. Principes enim viri aliquid
habent ceteris diuinius, quod multis possint bene-
facere, & aliorum miseriis subuenire; proceras arbo-
res imitari, quae aspectu & pulchritudine delectant,
florum odore afficiunt, umbra fouent, & fructus suos
quibusque communicant liberaliter. Tu igitur perges
arborem Dauidicam aemulari, plantatam iuxta de-
cursus aquarum, cuius frondes non decidunt, & omnia
quaecumque facit semper prosperabuntur. Vale
generosissime princeps, & te diutius incolumē in pu-
blicum totius orbis beneficium serua. Romae VIII;
Kal. Nouembris, M. D. XCI.

**D E S I G N I S
S A N C T I S S I M A E
C R V C I S.**

De signis caelestibus generatim. Cap. I.

PER res corporeas, sensibusque manifestas, de arcanis & supernis a Deo mortales instruimur, siue Deo nobiscum loquente, siue Angelis, siue Prophetis, siue somniis ab ipso Deo nobis immisis, siue oraculis scripturae diuinae. Et haec quidem per sermonem fiunt, aut internam aliquam illustrationem mentis. Verum sunt aliqua signa muta quidem illa, sed quae indicia sunt voluntatis diuinae, quam latenter exprimunt: & tacito quodam modo irati, aut placati Dei, reconciliationis, aut supplicij imminenti signa sunt manifesta. Constat namque ex diuino verbo, arcum caelestem, quem irim etiam dicimus, citra effectus sibi suapte natura insitos, esse indicium tranquillitatis & serenitatis aëris, si vnicus & vespertinus contingat; contra si geminus vesperti, vnicus aut geminus matutinus, imbrem copiosum imminenti portendere, pignus existere, signaculum, & testimonium firmissimum,

simum foederis inter Deum & homines solēniter icti; quo Deus, numquam in posterum genus humanum alluvione aquarum deleturum, pollicetur. Non solum igitur praeteritae pactiois est pignus, sed quoties se varicolor & pulcher in caelis ostendit, rei antea factae fidem & memoriā refri-
cat, reconciliationis & pacis. Nec commodius, manifestius, aut venustius potuit signum adhiberi, quod diuinus sermo ar- Eccl. 50.
cum vocat refulgentem inter nebulas gloriae: & alibi: Vide arcū, & benedic Deum, Eccl. 43.
qui fecit illum. Valde speciosus est in splendore suo. Giravit caelum in circuitu gloriae suae: manus excelsi aperuerunt illum, Ergo ultra naturae conditionem suae, aliquid habet diuinius, quo foederis sit signū aeterni. Columna praeterea illa, nubem Exod. 14.
referens diuersae naturae, interposita inter duos exercitus, Pharaonicum & Mosaicum, qua parte spectabat Aegyptios, tenebris & caligine obducta; qua Hebraeos, splendida & lucens, a Deo in signum protectionis sui populi, peculiariter in humiliori regione aërea efformata, hostibus exitio, Israëlitis mare rubrum transitoris solatio & ducatu fuit. Anteierunt & aliae Exod. 13.
duae columnae exercitum Hebraeorum, quadraginta continuis annis, quibus per deserta loca contigit eum peregrinari: al-

De Signis

§ terea instar nubis lucida, quae interdum: altera ignea noctu, quae iter ostendebant, & per aua & inculta loca securos deducebant, & quo essent castra metaturi indicabant: ita vt occidēte columna nubis, ignea oriretur; & ignea occūbente, continuo per vices suas nubem referēs nasceretur. Praeter istas duas columnas, nubis, & igneam, fuit & alia ingens nubes castra sequens, quae feruentes Solis aestus sua vmbra temperabat, & a nimio calore ea protegebat;

Num. 14. cuius bis meminit ipse Moses in historia

Deut. 1. sacra, quam texuit, tamquam a columnis distinctae. Ad hanc seriem referenda est

Matth. 2. stella illa insignis denuo producta, quae Magos antecessit, longo itinere, & diuturno tempore, viam rectam ostendens, qua essent ituri, & in domicilium vsque perduxit, quo Christus Deus, & Mater virgo tūc in Bethleemitica vrbe Iudaeae incolebāt.

Diuturno autem tempore iter illos confecisse, & diutius sidus illud durasse, quod noctu

Haitho- Etu luceret, satis comprobant narrationes
nus Arme historicae Lusitanorum, qui totius Orientis
nus lib. de regiones & insulas lustrarūt, & patrias,
Tartaris atque auita illorum regna, familias, & religionis
cap. 2: Christianae vestigia apud illas retēta,
Hierony. inuenerunt. Vtcumque autem haec se
Oforins habeant, & pleraque alia, quae mihi olim
in histor. Reg. Emanuelis. referebat Hieronymus Oforius Episcopus

Sil-

Siluenfis huic eidem propositò consentanea, quae nunc esset longum referre: satis est a longinquis terris profectos Magos, longum fuisse iter emensos, & sequenter illud mirabile sidus, prolixus, atque alij censent, comitatum. Sunt qui opinentur sidera crinita, quae cometae vocantur, legatione, cum apparent, fungi diuina, & praenuncia esse malorum mortalibus proxime impendentiū, & non tam ea efficere, quam significare aëris iniquam cōstitutionē, annonae penuriam, morbos, pestem, bella, & obitus principum, aut insignium virorum, aut terraemotus. Et certe aliquid horum euenire in apparitione cometarum, & philosophi censent, & multis quotidie euentibus experimur: adeo vt rarissime impune videantur, & frequentissime isti effectus, aut eorū aliquis, huiusmodi apparitiones consequantur: ideoque dira sidera merito appellātur. Callistus III. Pont. Max. vir religiosissimus, appARENTE suo Pontificatu comete, veritus ne quicquam infaustum aut calamitosum Christianae plebi portēderet, publicas per aliquot dies in Vrbe supplicationes indixit, precatus, si quae mala sidus illud dirum indiceret, in Turcas Christiani nominis hostes Deus eius auctor impelleret, sicut & contigit. Inter omnia autē sidera crinita, nūquam memoria homi-

Platina is
vita Cal-
listi.

De hoc
admirabi-
li comete
libros scri-
pserunt
Corneli⁹
Gemma,
Hierony.
Mugnoti⁹
& alij ple-
rique infi-
gnes Ma-
thematici.

De Signis

S hominum visum mirabilius, atque astrum
ingens & splendidissimum in sede Cassio-
peiae exortum 11. Nouembris anno 1572.
ad finem vsque Ianuarij 1574. magno ho-
minum stupore, qui nouū quoddam astrū
denuo productum crediderunt. Sed trans-
eamus ad alia signa digniora, quae in re-
gione aëra per diuersa tempora diuinitus
apparuerunt.

*De sacrosanctae crucis signaculo in regione
aëra Constantino Augusto viso.*

Cap. I I.

SIGNVM sanctissimae crucis aut in
caelo conspectum, aut in terris: in
terris autem aut singulare, aut plurale.
Dicemus autem prius de crucibus singu-
laribus, quae diuinitus quibusdam appa-
ruere, deinde suo ordine de reliquis. Et
certe nūquam singulares cruces in caelo,
siue aërea regione visae, quin aliquid lae-
tum, plausibile, & hilare, atque pro tempo-
ris & negotij angustia opportunum annun-
ciarent. Praeclarissima autem & celeberrima
crucis singularis apparitio Flauio
Constantino Maximo Caesari Augusto fa-
cta fuit Romae anno Christi CCCXVI.
imperij sui VII. contra Maxentium ty-
rannum reip. hostem conflicturo, militari-
bus

bus copiis superiorem. Qui anxius & sollicitus de dubio exitu pugnae conferendae, excogitans firmiore praesidio sibi opus esse, quam quod arma ministrarent, Deum adiutorem sibi imploravit, qui parenti Constantio propitius esse soleret; & quisnam esset, sibi vellet patefacere, precabatur. Visio quaedam diuina, & in primis admirabilis apparuit. Cum enim iam Sol ad medium caelum ascendisset, die in pomeridianum tempus paululum inclinante, crucis signum ex lucis splendore figuratum in ipso caelo, manifesto oculis asperxit, in eoque inscriptionem consignatam, haec verba complectentem: In hoc vinces. Admiratio ingens tam Constantinum, quam eius exercitum, huius prodigij spectatores incescit. Rem ordine gestam ipsemet Constantinus Augustus Eusebio Paphilo, Caesareae Palaestinae Episcopo, Ecclesiasticae historiae scriptori insigni, retulit, sermonemque iureiurando confirmavit. Dubitanti postea Constantino de ostenti interpretatione, ac dormienti Christus apparuit cum signo in caelo monstrato; praecepitque, ut exemplari ad imitationem illius signi, quod in caelo apparuerat, fabricato, eo tamquam praesidio, in proelijs cum hostibus committendis, uteretur. Quod, quam primum dies illuxit,

Euseb. lib.
I. de vita
Constant.
c. 22. 23.
24.

illuxit, vexillum auro & gemmis ornatum, ut sibi fuerat ostensum, confecit, viceque labari substituit imperatorij, quod omnis exercitus solebat genuflectens adorare.

S. Gregor.
Nazian.
oratione

4. in Iulia-
nū Apost.

Niceph.
lib. 7. cap.

49.
Cedrenus

pag. 222.
Socrates

lib. 1. c. 1.
Euseb. lib.

1. de vita
Constant.

cap. 33. &
hist. Eccl.

lib. 9. c. 8.
S. Ioā. Da

masceus
de imagi-

nibus ora-
tione.

Hoc signo crucis ante acies perlato, Constantinus copias militares Maxentij tyrāni deleuit; & ipse hostis, velut lapis infelix, in profundum Tiberis gurgitem praeceps e ponte Miluio decidit, nusquam amplius ab ullo hominum repertus. Hac insigni victoria Cōstantinus parta, praeuio salutiferae vexillo crucis, statuat marmoream sibi erigi fecit loco Urbis celebri, in manu salutare crucis signum tenentem, hac inscriptione subiuncta.

HOC SALVTARI SIGNO, VERO
FORTITVDINIS INDICIO, CIVI-
TATEM VESTRAM TYRANNIDIS
IVGO LIBERAVI, ET S. P. Q. R.
IN LIBERTATEM VINDICANS,
PRISTINAE AMPLITVDINI ET
SPLENDORI RESTITVI.

Senatus autem Populusque Romanus, qui se videbat opera Constantini in libertatem assertum, ingentique formidine liberatum, arcum triumphalem ob eam victoriam marmoreum construxit atque dica-uit, cum hac inscriptione adiecta, quae hanc

hanc historiam eandem videtur non obscure confirmare.

IMP. CAES. FL. CONSTANTINO
MAXIMO P. F. AVGVSTO
S. P. Q. R.

QVOD INSTINCTV DIVINITATIS,
MENTIS MAGNITVDINE, CVM
EXERCITV SVO TAM DE TY-
RANNO, QVAM DE OMNI EIVS
FACTIONE VNO TEMPORE
IVSTIS REMPVBLICAM VLTVS EST
ARMIS, ARCVN TRIVMPHIS IN-
SIGNEM DICAVIT LIBERATORI
VRBIS, FVNDATORI QVIETIS.

Placuit hanc hoc loco inscriptionem inferre, quae non obscure innuat miraculum, & crucis apparitionem Constantino factam; idque verbis satis significantibus exprimat, cum instinctu diuinitatis proelium gestum, & victoriam fuisse partam, asseueret. Testimonio igitur Ethnicorum, gloria etiam crucis enituit. Tantum ergo ex Euseb. lib
hac crucis ostensione affectum erga ipsam 2.c. 7. 8.
Constantinus Imp. concepit, vt crucis vexilli perferendi in pugna, quinquaginta viris fortissimis, & militari disciplina instructis, cura perpetua mandaretur; & si-
cubi

cubi pars aliqua exercitus laboraret, ibi salutare illud vexillum, tamquam quoddam subsidium ad victoriam obtinendam, locari mandabat. Diuino igitur impulsu res salutare Constantinus aggressus est, & confecit: ac vexillo crucis vbique hostibus opposito, exercitum ab illo triumphantem duxit, ac contra hostes audacter processit. Crucis idem insigne proposuit in ipso palatii introitu, velut amuletum rerum aduersantium: atque interdum vultum salutare illa passionis Christi signabat nota; crucem non erubescens, sed in eius professione vehementer gloriatus. Idem supra caput imaginis suae in tabula depictae, crucem superposuit, subter pedes draconem vulneribus confectum, ut virtutem crucis significaret, qua victus & superatus daemon occubuit. Salutare igitur & vitali signo crucis, veluti terriculo propugnaculoque malorum, aduersariorum multitudini opposito, ab hostibus, daemonibusque victoriam reportauit. Idem affuecens milites, ut, sicut ipse, Deum colerent, signo crucis eorum arma signabat; &, sicut ipsemet est auctor in epistola ad Saporem Regem scripta, exercitus eius Deo dicatus, signum crucis in humero portabat. Hinc illa nobilissima & antiquissima omniū militia Constantiniana effluxit;

Euseb. lib.
3. c. 48. c.
2. & 3.

Sozome-
nus Eccl.
hist. lib. 1.
cap. 8.
Theodo-
retus hist.
Eccl. lib.
3. cap. 3.

xit, & in posteritatem Imperatorum Constantinopolitanorum iure velut haereditario transfusa est, vt milites hoc insigni ornatos armarent, & veluti nobilitatis indicio illustrarent. Quae velut emortua & antiquata, in pristinum gradum, & honorem, ac dignitatem reuocanda, & instauranda esset sub vno aliquo illustrissimo capite & antesignano. Ad illius namque instar & exemplar, reliqua ferme omnia militiarum instituta inuenta, cuius professores crucem in pectore gestant, sicut & milites Constantiniani. Immo Pontifices Maximi, qui aduersus fidei hostes, pios milites armant, adhibito crucis insigni, huius sancti & religiosi Imperatoris exemplum videntur imitati. Idem Constantinus, ne crux deinceps dedecori esse, Ethnicis videretur, qui eam stultitiae loco censebant, & sceleratorum cruciatus erat; supplicium crucis, apud Romanos frequenter vsitatum, lege vetuit, cuiquam adhiberi.

Sozomenus lib. 1.
cap. 8.

Quinetiam suam imaginē, seu in nummis expressam, seu depictam in tabulis, iussit semper hoc quoque diuino signo inscribi, cōsignarique: cuius rei etiam adhuc testimonio sunt imagines eius aureis, argenteis, aereisque nummis hac figura descriptae. Quanta autem & qualia bona ex
hac

hac crucis visione fuerint consequuta, vix explicari possunt. Ecclesia Christi, tyrannorum faeuitia & crudelitate liberata, a tot oppressiōibus erepta: Imperator summus totius orbis, fidem Christi amplexus, sacro fuit lauacro intinctus: libertas vbi-que terrarum pijs data publice profitendi, & praedicādi Euangelium: exules & Christiani, & damnati ad fodinas, metalla, & alias fordidas & abiectas operas, cum honore ad propria reuocati: proscriptiones rescissae, facultates redditae, quae fuerant illis ademptae: Pontificia dignitas summi pastoris emicuit: largitiones ecclesijs & clero copiosae datae. Basilicae insignes, & templa innumera, regia magnificentia & sumptibus condita, opibus ditata: magistratus, & honores solis Christianis patefcere coeperunt. Crux Christi Ierosolymis ab Helena Augusta prope octuagenaria, quaesita, & inuenta; & pleraque alia, quae longum esset enarrare. Tantum potuit salutare illud signum crucis diuinitus Constantino vere Maximo ostensum. Neque semel, sed ter licuit ei hac laeta visione frui, si constantia sunt, vt credo esse, quae refert Nicephorus: Constantinus, inquit, quod re ipsa sanctae crucis vim & efficaciam expertus fuerat, summopere eam semper venerabatur, atque
admi-

Nicepho-
rus lib. 8.
Eccl. hist.
cap 32.

admirabatur. Ac post Helenae reditum, tres immensa magnitudine cruces fabrefieri fecit, ad exemplum earum, quas ter in caelo viderat; primo Romae contra Maxentium depugnans; secundo, cum commisso cum Byzantijs proelio trophaeum de eis statuit; tertio autem, cum Istro, ponte iuncto, Scythas ultra id flumen subegit. Ad imitationem igitur istius triplicis visionis, tres ex aere fieri curavit cruces, eisque sacra haec imposuit nomina: *Ἰν ᾧ οὗς* *Χρῆσθς νικᾷ*, hoc est, Iesus Christus vincit. Idem alibi diffusius narrat secundam Constantino Maximo visionem factam, in haec verba: Constantinus Magnus cum Byzantinis tertio congressurus, a quibus bis eius copiae fuerant superatae, languidus, & maestus, inopia consilij, continuo oculos in caelum intendit, atque ibi rursus diei vespera, itidem, ut Romae, cum contra Maxentium bellum gereret, scripturam stellarum, ordine, atque distinctione conformatam vidit, hoc sic significantem: Inuoca me in die tribulationis tuae, & liberabo te, & glorificabis me. Stupore igitur percitus, rursus oculos in caelum sustulit; atque iterum crucem, stellis, sicut antea, effigiatam, in caelo, & inscriptionem circum ipsam conspexit, cuius haec verba erant: In hoc ipso signo hostes om-

Tertiae huius professionis meminit Cedrenus.

pag. 243.
Niceph.
lib. 7. cap.
47. & 49.

nes vinctes. Et confestim in memoriam ei, quae antea acciderant, venire. Postridie ergo classicum canere iussit, proeliumque rursus cum Byzantijs commisit: & quod trophaeum, & signum crucis praeferrī in acie mandasset, fortiter illos vicit, simulque urbem ipsam cepit. Victoriae autem eius trophaeum, & signum eo loco statuit, ubi nunc porphyretica eius columna in magnam altitudinem ampliter excurret. Haec de spectaculo, siue vno, siue tribus, caelitus Constantino Maximo ostensis: ad alias iam huiusmodi visiones referendas properemus.

*De cruce in caelo visa Ierosolymis, tempore
Cyrilli eius urbis Episcopi.*

Cap. III.

ANNO Christi C C C L I X. Imperij Constantij Augusti, filij Maximi Constantini, X I X. Nonis Maij, hoc est die VII. eiusdem mensis, festo Pentecostes, hora fere diei tertia, Cyrillo post Maximum Ecclesiam Ierosolymitanam tunc administrante, signum crucis in caelo visum, quod clare admodum resplenduit, non ut cometes solet, diffusis radijs, sed luce multa, in vnu conferta, valde denso iubare, & perlucido emicuit. Tantum se in longitudinem dif-

fun-

Sozomen.
lib. 4. hist.
Eccl. ca. 4.
Cedrenus
pag. 248.
Nicepho-
rus lib. 9.
c. 31.

fundebat, quantum est interualli inter Caluariae locum, quo Christus crucifixus, & montem Oliuarum, vbi idem caelos ascendit: ad quindecim inquam stadia, quae duo ferme milliaria conficiunt; cuius lux & splendor tantus erat, vt Solis claritatem facile vinceret, & superaret. Ad miraculum timor etiam in re tã insolita & inexpectata omnes incescit: & valde obstupuerunt: ita vt singuli aedibus, foro, & opere, quod quisque habebat in manibus, relicto, pariter cū liberis & vxoribus, in ecclesiam cōuenerint, & vno ore Christū laudibus celebrarint, & eundem laetis animis Deum verum esse confessi sint. Insigne hoc miraculum, in terras omnes promulgatum, multos ex Iudaeis, atque Ethnicis ad Christianam religionem complectendam perduxit. Factus etiam de ea re certior Imperator Constantius, tum nuncijs familiarium suorum, tum & ipsius beati Cyrilli litteris, in haec verba:

Sanctis diebus sanctae Pentecostes, Nonis Maij, circa tertiam diei horam, ingentis magnitudinis crux, quæ tota ex luce constabat, supra sanctissimum Golgothae locum, vsque ad sanctum montem Oliuarum extensa, in caelo apparuit, non vni aut duobus hominibus, sed ab vniuersa vrbe illius multitudine manifestissime visa.

Hæc epistolam Beati Cyrilli recitat Simeon Metafrastes, & ex i-meone Surius tomo 2. sanctorum, 7. Maij.

Neque, vt aliquis putaret, repente appa-
rens, statim euanuit: sed pluribus horis su-
pra terram spectantiū oculis visa est, splē-
doris fulgore Solis radios vincens. Nisi
enim splendorem suum his, qui crucem
illam aspiciebant, Solis ipsius radijs effi-
caciorem prae buisset, Solis splēdore supe-
rata, & contacta fuisset. Quamobrē vniuer-
sa Ierosolymorū multitudo, prae diuinæ
illius visionis terrore, ac laetitia, repente
ad sanctam Ecclesiam cucurrit. Itaque se-
nes, mulieres, ipsae etiam puellae, quae in
thalamis antea seruabantur, & cuiusvis
aetatis homines, tā indigenae, quam pere-
grini, tam Christiani, quam qui ex diuersis
nationibus illic erant, concordī animo, &
tamquam ex vno ore, cuncti Christum Ie-
sum Dominum nostrum, filium Dei vnige-
nitum, miraculorum effectorem, collauda-
rent, cū re ipsa & experientia edocti essent.

Decuit autem huiusmodi visiones cae-
lestes, non silentio praeterire, sed pietati
tuae, recēti adhuc eius rei memoria, signi-
ficare; vt ad fidei, quae in te est, bona fun-
damenta, earum rerum, quae nuper osten-
sae sunt, cognitionem adiungens, firmio-
rem in Dominum nostrum Iesum Christū
fiduciam assumas: simulque omni fortitu-
dine consueta vndique roboratus, vt Deū
ipsum adiutorem habens, crucis trophaeū
salu-

salutare, & omni gloria sublimius, praeferas: signum, inquam, illud, cuius figurā caelum ipsum hominibus ostendens, maxime gloriosum esse docuit. Haec beatus Cyrillus ad Constantium Imperatorem. Per id tempus idem Constantius Imp. filius Constantini Maximi, Gallum consobrinum suum, Caesarem constituit, & suo ipsius nomine dignatus, Constātium appellavit; & Antiochiam, quae est in Syria, misit, ut partes Imperij ad Orientem iacentes adversus hostiles impetus tueretur. Vbi Antiochiam cum exercitu peruenit, eodem die quo crucis venerandae signum Ierosolymis in monte Golgothaeo apparuit, & ipsis pariter spectaculum simile contigit videre in caelis. Signum namque Salvatoris in Oriente apparuit; columna, inquam, crucis effigiem exprimens. Exercitus vario labore fatigatus, tanto miraculo cōspecto, immensa crucis luce afflatus, & pariter recreatus est. Praeerat tunc supremus pastor Ecclesiae Christi Liberius, & tertius erat eius Pontificatus annus, cum hae crucis apparitiones Ierosolymis & Antiochiae contigerunt, felicitatem & prosperos belli euentus Constantio annūciantes. Suos namque duces cum maximis copijs, contra Magnentium tyrannum dimicaturos, in Gallias misit. Qui quattuor

Socrates
Eccl. hist.
lib. 2. cap.
24.
Nicepho-
rum Eccl.
hist. lib. 9.
c. 32.

annos violento imperio potitus, ad Mur-
sam Galliae castellum primo aufugit :
deinde Lugdunum adiens, matrem inter-
emit, & Desiderium fratrem, & ceteros
omnes propinquos, qui illic conuenerant:
postremo, gladio incumbens, seipsum tan-
dem interfecit. Decennius vero eius fra-
ter, Caesar ab eo creatus, laqueo se stran-
gulauit. Siluanus apud Gallos Occiden-
tales, tyrannus alter emergens, non diutur-
nus fuit, continuo namque Constantij du-
ces occidere. Ita Constantius, expeditio-
nibus militaribus ad votum peractis, &
breuissimo tempore, pacato Oriēte & Oc-
cidente, clare conspexit, virtute & laeto
omine crucium id factum, & voluisse Deū
in filio renouare memoriam, & merita pa-
rentis, qui tantopere affectus ad crucem,
ipsam summo studio ac cultu honorauit.

*De cruce, quae comparuit in victima Iuliani
Apostatae. Cap. IIII.*

S. Grego.
Nazian.
oratione

ANNO Christi CCCLXVI. & se-
cundo Imperij Iuliani Apostatae, qui
desertor & praeuaricator religionis Chri-
stianae, sacro antea baptismo intinctus,
monasterio monachorum nutritus, sanctis
litteris eruditus, cōsortio malorum depra-
uatus, assumpto in hoc commilitone sata-
na,

na, immundorum daemoniorum cultor 3. aduer-
 effectus, Imperium viuentē adhuc Con-^{sus Iulia-}
 stantio legitimo Caesare malis artibus oc-^{num.}
 cupauit: & ipso paulo post Constantio e
 viuis adempto, saeuitiam in Christianos
 exercuit, quorum hostis fuit acerrimus, &
 Christum infano odio, quem nothum &
 spurium vocabat, & eius crucem profe-
 quebatur: diuinum baptismum cruori-
 bus abominandis conatus eluere, linguam
 fortitus disertam, acuit eam contra nostri
 omnium Dominum Saluatorem Christum,
 tres conscribens libros aduersus Euange-
 lia, & contra piam Christianorum religio-
 nem, quibus multos cōmouit, & haud me-
 diocriter offendit. Aduersus hunc impium
 Apostatam B. Cyrillus Alexandrinus Epi-
 scopus decem libros doctissime de vera
 religione conscripsit, & suis eum iaculis,
 Ethnicorū inquā testimonijs, confutauit.
 Hoc idē elegantissime praestitit S. Grego-
 rius Theologus, quattuor aduersus eundē
 orationibus editis. Iulianus igitur, vene-
 ficis, & magicis artibus totus deditus, &
 oracula falforum deorum sequutus, Pon-
 tificem maximum eorum Gentilico se ritu
 constituit & eisdem saepissime sacrificaba-
 bat. Cumq. de more mactaret victimā, in-
 uentum est in extis pecoris immolati si-
 gnaculum sanctae crucis, corona circum-

S. Cyril-
 lus in epi-
 stola ad
 Theodos.
 Imp.

Theodore-
 tus lib. 3.
 hist. ca. 2.

S. Grego-
 Theol. vbi
 supra.
 Sozome-
 nus hist.
 lib. 2. c. 26

cinctum. Quod ostentū sacrificij ministros valde perterruit. Idem tamē spectaculum, Christiani, pariter atque Ethnici, in suas quique partes trahebant, & diuersimode interpretabātur: Christiani quidem aeternitatem nostrae religionis dicebant praesagire; eo quod corona, quae circumdabat crucem, victoriae esset indicium: & aeternitatem significare, quod ambitus circuli ad seipsum semper reuersus nullum prorsus constituat & determinet finem. Ethnici autem multo aliter explicabant: significare illam coronam circumplectentem crucem, angustiam, atque repagula, ceu certos carceres, quos ultra non esset amplius proferenda. Princeps ideo artis diuinandi Imperatorem bono esse animo iubebat: nam victimae mactatae res prosperas illi, & ex animi sententia fluentes indicabant. Ita crux coronata in victimae extis, Iulianū quidem deterruit, sed obdurantem in sua impietate & perfidia, velut alterum Pharaonem, non cōuertit: ita vt conspecto miraculo, nō solum non acquiesceret, sed veritatem agnitam, ardentius deinceps, & pertinacius oppugnaret. Non tamen hic scelestus erubuit, spectris quibusdam diris exterritus, frontem & pectus signo crucis munire, quam tantopere impugnabat.

S. Grego. Refert namque Gregorius Theologus, &
Naz. ora. alii.

alij, descendisse semel Iulianum in quod-
dam adytum, plerisque inaccessum, & hor-
rendum, comitem secum habentem homi-
nem in huiusmodi rebus sapientem. Apud
Magos namque, diuinationis quoddam ge-
nus est, vt in caliginoso quodam specu cum
subterraneis daemonibus ob res futuras
inquirendas congregiantur; siue quia te-
nebris magis oblectantur, vt qui ipsi tene-
brae quoque sint, ac tenebrarum vitij ar-
tifices; siue quia piorum hominum, qui in
terra sunt, societatem & congressum fu-
giunt. Vt autem egregium virum progre-
dientem terrores adoriri coeperunt, ac
subinde plures & formidabiliore sonos
quosdam insuetos, tetrosque odores, atq.
ignea spectra, & laruas sensit, rei nouitate
perculsus, & vehementer deterritus, ad
crucem, vetusque praesidium confugit,
eius se signo muniens, hocque se aduer-
sus illa terriculamenta consignat, eum quē
persequebatur, opitulatorem adsciscens.
Valuit signaculum, cedunt daemones,
pelluntur timores: respirat. Rursus auda-
ciam concipit: rursus aggreditur: rursus
ijdem terrores urgent: rursus signum cru-
cis adhibet, ac daemones conquiescunt.
Consilij inopia laborat discipulus; atque
sacrorum antistes, eius lateri haerens, ve-
ritatem sinistre interpretatur: Abomina-
tioni

tionem 3. in
Iul. Apof.
Sozome-
nus Eccl.
hist. lib. 2.
c. 5.
Cedrenus
in Annal.
pag. 246.
Theodo-
ret. lib. 3.
hist. cap. 3.
Nicepho-
rus hist. li-
10. cap. 3.

tioni illis fuimus, ob crucis signum, non terrori: iussitque, tum ut animo excelso & virili esset, tū ut postea nihil, quod ad Christianorum professionem spectaret, vel faceret, vel cogitaret. His verbis discipulum malus magister permouet, ac permotum ad exitij voraginem, & ad mysteria denuo peragēda deduxit. Sic istis imposturis elusus, daemonum particeps factus, arreptitius, & enthusiasmum patiens, furioso oculorum obtutu ex antro ascendit. Tot quae acciderunt miranda, in cruce victimae, & in manifesta per ipsam daemonū fuga, non potuerūt perditissimū hominē a malis artibus & odio Christiani nominis reuocare.

Anno etiā secundo eiusdem Iuliani Apostatae, qui fuit Christi CCCLXVI. ut iam diximus, aliud prodigium subsequutum; quod tamen, sicut neque cetera, haud potuit huius animum induratum emollire. Ierosolymis in caelo lucida crux apparuit. Arcus ingens, quem irim vocant, ad instar coronae circumfusus, crucem ambiebat, a sacro monte Golgotha, vbi Christus crucifixus, vsque ad mōtem Oliuarum, ex quo idem caelum conscendit, pertinens; splendidior, quam illa, quae sub Constantio Imperatore apparuit, ut refert Cedren^o. Quo etiam tempore cruces de caelo, vestes Christianorum, Hebraeorum, & Gētilium

con-

consignarunt, vt postea referemus, cum de pluribus simul crucibus trademus: nam nunc singularium solum visiones persequimur. Hae vero cruce, altera in extis victimae, altera Ierosolymis, conspectae, proculdubio significarunt, breui persecutionem Iuliani in Christianos cessaturam, proximeque affuturum praesidium crucis, quae eos afflictos solaretur. Si enim protractum diutius huius fuisset Imperium, vix possent tantam persecutionis rabiem sustinere. Qui per omnia Christianis infensus, & nomen & crucem Christi exosa habens, omnes artes excogitabat, quibus eius posset religionem abolere. Opportunum igitur de caelo signum crucis immissum, quod iris circuiret, velut nuncius tranquillitatis & pacis mox caelitus immittendae. Neque enim propter ipsum cruce immissae, sed ad solatium solum Christianorum, & confusionem hostium crucis, qualis erat pessimus Iulianus, qui basilicas & templa Dei diripuit, & in cultum idolorum traduxit, qui dignitatibus & facultatibus Christianos priuauit, qui sanguinem multorum sanctorum virorum vbique terrarum effudit, qui Christianos disciplinis institui lege prohibuit, qui non immolantes idolis militia & magistratibus exauctorauit. Vnde eius nece post annum vnum, menses septē,

&

Theodo-
ret. lib. 3.
hist. ca. 7.

& dies XXVII. subsecuta, magnum gaudiū
 Christiani conceperunt, & veluti a carni-
 ficis metu erepti, respirarunt, & acclama-
 bant: Diuifisti in stupore capita potentiū.
 & Antiochiae, in ecclesijs, & ad sepulcra
 martyrum, crucis victoriam & trophaeum
 praedicabant, illius magiae insultantes in
 haec verba: Maxime fatue, vbi sunt vatici-
 nia? Vicit Deus, & Christus eius. Labarum
 hic proxime, quod Imperatorē solet prae-
 cedere, & a militibus adorari, a Constanti-
 no crucis figura insignitum, sustulit, & loco
 crucis, Iouis imaginem supposuit. Carris,
 quae vrbs est a Caro Imperatore condita,
 iter in Persas faciens, speluncam quamdam
 subiit, ibique scelestā sacra operatus, fores
 feris occlusit, ac cōsignauit, apposita custo-
 dia. Eo autem, in ipso persecutionis ardore
 aduersus Christianos, extincto, fores spe-
 luncae apertae, inuenta que muliercula ca-
 pillis suspensa, extentis manibus, cuius, cru-
 delis ille, ventrem dissecuerat, vt Persa-
 rum victoriam in eius iecore inspiceret:
 ita innumeras mulieres praegnantēs in-
 terfecerat, vt in earum foetibus iecinora
 exploraret: multos subinde infantes iugu-
 latos infra simulacra defoderat. Antio-
 chiae autem in regia multae arculae in-
 uentae fuerunt humanis capitibus plenae,
 & innumera in puteos demersa corpora
 mor-

S. Grego.
 Nazianze
 nus orat.
 3. in Iulia
 num.

Nicepho-
 rus histo.
 lib. 10. ca.

23.
 Cedrenus
 pag. 247.

mortuorum . Haec ideo diffusius retuli , vt quale ac quantum beneficium Deus contulerit in extinctione huius tyranni toti plebi Christianae, singuli cogitare possint, cuius nuncium cruces diuinitus ostensae perferebant ; quibus , postquam in Gallijs salutatus est Imperator, aperte aduersatus est . Sed ad alia , hoc monstro praeterito, transeamus ,

Non est praetereunda crux illa , quam diuino miraculo Placidus patritius Romanus, dux strenuus, inter ingentis cerui cornua, quem fugientem in siluis , & ad rupem inaccessam se recipientem, persequens vidit, & in ea Christum sibi colloquentem, & exhortantem ad baptismum, & religionem Christianam complectēdam . Hoc signum sanctissimae crucis oraculo diuino coniunctum , non solum sibi, sed & vxori, & liberis , in primis extitit salutare ; cum omnes fuerint sacro lauacro intincti, & nomē Placidi in Eustachij permutatum . Felix igitur Placido illa visio crucis , felix Theopisti vxori , felix Agapio & Theopisto eorum liberis, quae de tenebris eos in caeleste lumen vocauit, & sub Hadriano Principe intra aereum taurum candentem combustos martyrio illustrauit.

Lux, Solis splendorem superās, atque in ea crux memorabilis, festo Paschatis, visa
anno

Simeon
Metaphr.
Surius 5.
tom. 8. Li-
pomanus
6.

S. Ioannes
Damasc.
oratione
3. de ima-
gin. Nice-
phorus li.
3. hist. c. 19

anno Christi MCXVIII. Hâc crucis apparitionem memoriae mandatam inueni, sed quae non bonis auctoribus fulciatur: neque deprehendo aliquid insigne eo anno vel proximo accidisse, cuius posset esse indicium.

Polydorus Virgil.
li. 14. pag.
244.

Ricardus primus, Henrici filius, Anglorum Rex, anno MCLXXIX. & regni sui primo, iter aliquando agens sereno caelo ad Dunstablum vicum, medio die, vidit, quae ei apparuerat, crucē, & in ea imaginem hominis pendentis. Quo ostento Rex rei bene gerendae spem concipiens animo, confestim florentissimum exercitum conscribens, in Normanniam profectus est, & inde per Siciliam ad Palestinam in subsidium terrae sanctae traiecit, admonitus crucis signo ad eam expeditionem suscipiendam, in qua gloriae suae immortalis consuluit, & Deum eo obsequio deuinxit.

De cruce, quae Hungo Pictorum Regi apparuit.
Cap. V.

ANNO Christi DCCCXIX. Hungus Pictorum Rex, anno sui principatus VI. aduersus Athelstanum Anglorum Regem proelium periculosum, & valde dubium conserturus, S. Apostolum Christi Andream, in cuius Pictica, Scoticaq. gens, tute-

tutela erat, frequentibus suspirijs & lacrymis, vt ppitius & auxiliaris sibi esset, precabatur. Extēplo astās Apostolus, Regi in soporem soluto, plurimam, ait, spem in diuina locaret ope; fore vt gloriosam de Anglis postera die assequeretur victoriam. Accidit mox mirum super Pictorum castra. Lucida caelo apparuit crux, illius instar, qua Apostolus Andreas, pro Christi nomine, supplicio olim fuerat affectus. Hāc Apostolus ipsi Hungo ostendit: addiditque id ostentum ante partam victoriam haud caelo defuturum. Re exercitui ostēsa, alacris pugnam conseruit; & subsidium ferēte Deo ad preces Apostoli, Athelstanus, Saxonum Occidentalium in Anglia Rex, in eo proelio occubuit, copiae eius profligatae, & ad internecionem vsque caesae sunt. Nudatis mox pedibus, Rex cum suis militibus in proximam sacram aedem concedunt, gratias de parta victoria Deo, & eius Apostolo Andreae acturi. Pollicentur, Hungo auctore, se suamque posteritatem signo crucis S. Andreae, quoties bellum gererēt, & cum hoste cōgrederētur, pro insigni deinceps vsuros, vt tā insignis victoria, parta diuinitus, grata semper recordatione haberetur. Mansit Pictis, & post eos deletos, Scotis hoc institutum perpetuū. Crux autē S. Apostoli Andreae, Christi crucē repraesentat:

Hector
Boethius
Hist. Scottorū lib.
10. pag.
190.
Ioann.
Leslæus &
gestis Scottorū li. 5.
pag. 178.

Seneca d
consolat.
ad Martiā.
c. 20.

sentat : proinde idem iudicium ferendum,
atque de alijs crucibus caelo diuinitus
ostensis . Fuerunt autem olim cruces non
vnius generis , vt Seneca tradit : Vide , in-
quiens , istic cruces non vnius quidem ge-
neris, sed aliter ab alijs fabricatas , alij ca-
pite conuerso in terram suspēdere, alij per
obscoena stipitem egerunt, alij brachia pa-
tibulo explicuerunt . Omnes autem qui
tollebātur in cruces , clauis suffigebantur,
vt idem Seneca ait in libro de beata vita .
Consequitur ergo, cruces Christi fuisse il-
las, in qua Petrus inuerso capite , & in qua
Andreas, ambo germani fratres, suppliciū
pertulerunt . Suam crucem adorauit An-
dreas, antequam in illa suffigeretur clauis,
tamquam Christi signaculum, & victoriae
symbolum .

*De alijs crucibus , quae diuinitus apparuisse
dicuntur. Cap. VI.*

GARCIAE Ximenio primo Nauarro-
rum Regi , crucem de caelo super vi-
rentem quercum ostensam fuisse, quam po-
stea in suo clypeo , vexillis militaribus , &
supellectili domestica adhibuisse, annales
Hispanici produnt, idemque accidisse refe-
runt Ignigo Aristae primo Aragonensium
Regi, quam etiam pro insigni vsurpauit:
qui

qui huius virtute & potentia multas barbarorum acies fuderunt, multa cōtra Agarenos, hostes nominis Christiani, proelia felicissime & praeclarissime confecerunt: sed quia tempora non sunt constantia, neque auctores, ut illa ferebant tempora, celebres, non valde huic narrationi insistendum duximus. Celebratur in Hispania festiuitas triumphī crucis, non ob aliquā apparitionē eius, sed ob miraculū, quod contigit proelio omniū acerrimo, & periculosissimo, in quo tres Reges, Alfonsus IX. Castellae, Petrus Aragonum II. Sanctius Nauarrae, cum Agarenis ad Nauas Tolosanas in saltu Castulonensi conflixerunt: Dominicus Paschasius canonicus Toletanus, crucem gestans, per omnes acies hostium inoffensus miraculo quidem euidenti penetravit; & vsque ad finem proelii, citra vllum detrimentum ab hostibus illatum, vexillo salutiferae crucis munitus, triumphauit. Erat autē haec crux, quae Archiepiscopum Toletanum, Rodericum tum Ximenum, qui huic pugnae interfuit, solebat antecedere. In vexillis namque regijs, imago Deiparae virginis gestabatur, quae nō solum Toletanae prouinciae, sed totius etiam Hispaniae, tutrix semper extitit & patrona. Quidquid gestum est in hac pugna, diuino praesidio solum, & crucis ad-

Hieron.
Zuric. lib.
I. Annal.
cap. I.

Roderi-
cus Tole-
tanus lib.
8. hist. c.
10.

C

mira-

mirabili virtute comparatum. Nam cum ex hostibus ducenta millia caesa fuerint, ex Christianis vix fuerunt vigintiquinque desiderati. Tanta autem copia hastarum, iaculorum, & sagittarum in castris & loco pugnae, ut biduo exercitus Christianus, ignem ex ijs fouens, dimidiam vix partem potuerit absumere. Contigit autem haec insignis, laeta, & incruenta victoria Aera MCCL. quae coincidit cum anno Christi MCCXII. feria secunda, XVI. Kal. Augusti, hoc est die XVII. Iulij, Pontificatus Innocentij III. anno XV.

Zurit.lib.
3. Anna-
liū c. 37.

Anno praeterea Domini MCCXXXV. mense Maio, cum sex duces, qui sexcentis militibus Hispaniensibus praeerant in regno Valentiae, in loco quodam montis munito, ab innumeris essent Agarenis obsessi, nullumque praeter Deum haberent confugium, eiusque ope proelium vellet cum eis conferere, & prius poenitentiae sacramento peccata sua expiarent, & sacram vellent Eucharistiam percipere, ab hostibus repente inuasi, coacti sunt, omnibus relictis, cum illis manus conferere: multitudo autem illorum caesa, pauci de multis gloriosam victoriam retulere. Cumque ad stationem rediissent, inuentae sunt sex formae Eucharistiae, magno miraculo cruentae, ac, in sanguineum colo-
rem

rem permutatae, corporalibus tenaciter
adhaerentes; quae Darocae hodie, Ara-
gonum vrbe, in templo maximo, magna
cum reuerentia asseruantur. Cumque post
hoc mysterium cētum fuissent anni elapsi,
memoriaque illius loci ob frequentes bar-
barorum excursiones fuisset omnino dele-
ta; assiduis precibus nobilis feminae, &
familiarium suorum ad Deum effusis, il-
lius sacri loci, indicio crucis caelestis, no-
titia recuperata est. Anno namque Domi-
ni MCCCXXXV. feria sexta, & Iulij die
itidem sexto, meridie, sereno caelo, crux
splendidissima ostensa in cacumine mon-
tis, vbi sex illi duces confederant, longitu-
dine quinquaginta vlnarum, latitudine
25. crassitudine quattuor palmorū, prout
aspicientes poterant iudicare: conspecta
fuit, Sole fulgentior, non solum a proxime
astantibus, verum a finitimis populis, ru-
sticis, pastoribus, & qui iter tunc per illum
agrum agebant, summa omnium admira-
tione & laetitia: quae signanter locum sa-
crum, montem conscendentibus, ostendit:
vt non solum antiquo mysterio, sed crucis
etiam apparitione deinceps esset illustris,
& duplici ratione coleretur. Ad conser-
uandum autem in posterū tantae rei mo-
numentum, coenobiū est ibi ordinis Prae-
dicatorum constructum, magna populo-
rum

Petrus
Antonius
Beuter. 2.
parte.
Martinus
Vicianz
3. parte.

rum pietate frequentatum : est autem ad Lucentum oppidum regni Valentini.

Narrat Surius ostentum mirabile anno Domini M D L X. mense Martio spectatum in ea Angliae regione, quam veteres Cambriam, hodie Vualliam appellarunt. Annosa quaedam fraxinus, per medium immani tempestate dissecta, dominicae crucis effigiem prodidit, affabre velut exsculptam, & vndique tum figura, tum coloris specie circumscripta, magnitudine pedis humani. Relicta est haec ibidem ad spectaculum pluribus annis, ad infingendam pectoribus hominum crucis memoriam tempore sceleratissimo, quoq. illius hostes atrocissimi propius imminerent. Agant inimici, insaniant, tumultuentur, ut lubet: tantum aberit, ut verae religionis stigmata, crucisque piam memoriam ex humanis pectoribus deleant funditus; quin prius caudices arborum, vel summa tempestate diuulsi, eius sint ideam summis in penetralibus seruaturi.

Idem Surius sub idem tempus, in alia quadam Angliae parte, quã Cantuam vocant, alterius fere similis prodigij meminit, crucis, inquam, effigiem in fimbria nobilioris feminae natam.

*De signo sanctissimae crucis, in vexillis ante
acies, & a militibus gestato.*

Cap. V I I.

SIGNVM venerandae crucis, non solum in publicis supplicationibus gestatur, sed & Episcopos progredientes antecedit: quod ipsa praeterita, praetereantur a Deo nostrae preces: & duces mysticae militiae expediat, aduersus aëreas potestates, hoc praeunte vexillo, pugnare. Duces namque populi Christiani, Episcopi existunt, & militia est vita nostra super terram. Signum praeterea habetur militare a plerisque gentibus, quod acies antecedit, proelium commissuris. Hispani namque insigni crucis, in vexillis militari-
bus albis, rubro vtuntur; Galli in rubris, albo; Scoti cruce S. Andreae candida, in rubris; Burgundi eadem, sed in candidis, rubra. ita eandem crucem coloribus distinguunt: & sua cuique nationi & genti veluti propria & genuina existit. Olim Hispanis insigne in militaribus vexillis Deipara virgo fuit, sed hoc peculiare Castellanis & Legionensibus: postquam autem alia his regna denuo accesserunt, in crucis signum fuit permutatum, vt omnibus, qui cruce utebantur, cohaereret: Christi nam-

G 3 que

que effigies cruci affixa, & ostensa militibus, animos auget ad futurum proelium. Mortis namque non timetur periculum, ubi tantæ reuerentiae cōspicitur signum. Hanc ideo diuersorum institutorum milites in pectore religiose gestant, quo fortiores pugnis aduersus fidei Christianae hostes conferendis, & constantiores redantur, dum praesentem memoriam Saluatoris recolunt, qui pro illis sponte & intrepide in eadem cruce mortem oppetijt: verum coloris & figurae varietas cruce signatos distinguit. Milites namque olim Templarij, sicut & nunc S. Ioannis Ierosolymitani, cruce alba eiusdem formae & figuræ vtuntur; S. Iacobi Enfigeri, Calatravae, S. Georgij, Auis, Montefae, S. Stephani, rubra, varie tamen efformata; Pereiri, Alcantarae, S. Lazari, viridi; Christi, alba rubenti inserta, Prussi nigra. Multae praeterea vrbes & oppida cruce pro insigni peculiari, sicut & pleraeque familiae, vsurpant.

De multitudine crucium, quae diuersis temporibus miraculose apparuerunt. Cap. VIII.

SINGVLARIVM crucium, quae diuersis orbis locis caelitus sunt ostensae, ex classicis & probatioribus auctori-

Atoribus hucusque summam collegimus:
nunc superest, vt de illarum multitudine
de caelo illabente in ornamenta, & vestes
sacras, & indumenta hominum familiaria,
aliquid suo ordine referamus. Occurrunt
primo loco, vt tempore anteriores, illae
quae in Iuliani Apostatae & eius militum
vestes e Gallijs redeuntis, vbi fuerat ab
exercitu Imperator salutatus, cecide-
runt, anno Domini CCCLXV. sub Pon-
tificatum Liberij Papae. Nam cum ab Il-
lyrico Thraciam versus procederet; vbi in
eius regionis montes peruenit, & post vin-
demiam Vergiliae occiderent, vites gem-
mis & vuis recentibus germinarunt, & ros
ex aëre in ipsum, comitesque eius ita dif-
fusus est, vt gutta quaelibet in sagis illorū
crucis formam repraesentaret. Et alij
quidem aliter prodigia haec & indicia ac-
ceperunt.

Niceph.
li. 10. hist.
cap. 2.

Per vuas quidem immaturas, intempe-
stium eius, minimeque diuturnum Impe-
rium, est designatum. Crux autem, Chri-
stianorum doctrinam caelestem esse, om-
nesque ea consignari oportere, portendit.
Vtrumque sane posterioribus temporibus
verum esse confirmatum fuit: hoc autem
contigit mense Nouembri. Hae cruces
portenderunt mala & calamitates, quas
verae religionis amatores essent ab hoc

impio tyranno perpeffuri, & victoriam, quam Deus de illo effet habiturus, virtute crucis, quam ludibrio & contemptui habuit, Christum Galilaeum, & eius sectatores Christianos, nō aliter quam Galilaeos vocans. Botri & gemmae vitium mense Nouēbri post vindemiam orta, ingenium huius pessimi Imperatoris significarunt, qui citra rationem, & naturae leges, importune & immature, infanda effet scelera patraturus.

*De crucibus, quae comparuerunt Ierosolymis
eodem Iuliano Imperatore.*

Cap. I X.

IULIANVS Apostata, Christianis, quos Galilaeos iniuriae causa appellabat, infensus, odio illos ingenti prosequetur: erga Iudaeos autem facilem, mansuetum, & beneuolum se praebuit, non quod eorum religionem diligeret, sed vt aduersus Christianos armaret, cum quibus implacabile odium intercedebat. In iniuriam igitur & depressionem & contemptum Christianorum, illis aperte & impense fauebat: & vt erat auidus sanguinis effundendi, sacrificijs mactandis admodum delectabatur: & cupiebat ceteros immolationi pecudum & caedi incubere. Iudaeos itaque

Socr. hist.
lib. 3. cap.

17.

Niceph.
lib. 10. c.

32. 33.

Cedrenus
in Annal.

pag. 252.

Ruffinus

li. 10. hist.

Eccl. cap.

38. & 39.

itaque primores ad se ascitos, percontatur, cur non ipsi etiam sacrificassent, cum lex eorum ita praeciperet. Non licere sibi, respondent, alibi quam in templo Ierosolymorum, quod tunc erat euersum, suas victimas mactare, & patria sacrificia peragere. Praecepit Iulianus, ut absque mora templum Salomonis de integro construeretur. Eius mandato impensae ad ea erant a publico aerario suppeditatae: omnia parabantur, ut ligna, lapides, lateres coctiles, argilla, calx, aliaque ad aedificium necessaria. Ad repurgationem faciendam, argenteis hamis, cophinis, & scaphis, & ligonibus usus fuisse Iudaeos, ferunt. cumque tanto studio ad id opus ferreretur, quoscumque in arte aedificiorum condendorum celebres viros congregabant. Tanto vero in opere, ea solertia, & alacritate processerunt, ut ipsae feminae in sinu vestibusque purgamenta exportarent; & quaecumque eis essent monilia, & mundum muliebrem omnem non grauate in eam struaturam impendebant. Iudaei per totum terrarum orbem dispersi, pecunias multas Ierosolymam ad eam impensam mandauerunt. Opportunum igitur tempus rati aduenisse eius rei, quam dudum desiderauerant, conficiendae, studio omni in id opus maturandum incubuere. Christianis ideo

ter-

terrorem incutiebant, & contra illos se insolenter efferebant, & denique minari coeperunt, se non minora illis incommoda illaturos, quam quae ipsi olim a Romanis acceperant. Et quamquam Ethnici, qui Graeci tunc communi appellatione vocabantur, alieno essent animo a Iudaeis; eorum studium tamen promouebāt, quo falsas esse Christi praedictiones, oraculaque eius intercidisse, suaderent: qui Danielis vaticinium euenturum, & effectum consequuturū confirmavit: Templū, inquam, Ierosolymorū euertendū, neque mansurū lapidem super lapidē in illo, qui non esset destruendus. Et quidem templum illud a Tito Vespasiano Caesare euersum anno Christi LXXII. die VIII. Septembris, qui fuit post eius mortem annus quadragesimus: fundamenta tamen & ruinae superfuerant, & lapides super lapides manebāt, neque erat omnino expleta praedictio Christi, quae videbatur nouo templo aedificato eludi. Verum S. Cyrillus tunc Ierosolymorū Episcopus prophetico spiritu dixit, iam tempus aduentasse, quo lapis super lapidem non maneret in templo, & oraculum Saluatoris penitus expleretur. Quae cum Episcopus dixisset, & Iudaei omnes lapides antiqui aedificij eruisent, postridie fundamenta iacturi, noctu ingens terrae-motus

Mat. 24.
Daniel. 9.

Iosephus
lib. 7. de
bello Iu-
daico. c.
18.

motus excitatus, lapides veterum templi
structurarum concussit, vnaque cum aedi-
ficijs in proximo sitis disturbavit, com-
minuit, & dissipauit. Quae res horrorem
& formidinem Hebraeis incussit: & fama
terraemotus subsequuti, etiam eos qui lon-
gius aberant, ad locum contemplandum
attraxit. Itaque cum quamplurimi adef-
sent, aliud prodigium subsequutum. Ignis
namque caelitus demissus, omnia opifi-
cum instrumenta absumpsit, malleos, scal-
pra, ferras, secures, ascias, ligones; deni-
que omnia, quae opifices habebāt ad opus
perficiendum idonea, flammae incendio
vastata. Incendium toto illo die grassatū,
res istas omnes depastus est. Globus nam-
que quidam ignis caelitus immissus subito
emicuit, & per medium plateae percurrēs,
adustis, & exanimatis, qui aderāt, Iudaeis,
vltro citroque ferebatur. Hoc iterum, sae-
piusq. & frequentissime per totum diem
illum repetens, pertinacis & obstinati po-
puli temeritatem, qui nec priori signo vi-
so se continuerat, flammis vlttricibus coër-
cebat. Iudaei igitur grauissimo timore
perculsi, etiam inuiti, Christum Deum
confiteri cgebantur. Et ne haec casu fieri
crederentur; sequenti nocte, in altarium
mappis, libris, ac vestimentis, atque indu-
mentis, non Christianorum modo, sed &
Iudaeo.

Iudaeorum, & Gētilium, tertio iam & euidētiore miraculo, cruces radiorum lumine figuratae comparuerunt, non Ierosolymis tantū, sed & Antiochiae, atque alijs multis in vrbibus, quasi impressae: quas, cum dies illucesceret, contemplantes Hebraei, & eluere delereque cupientes, nullo adhibito studio & artificio potuerunt: & quem impudēter inficiabantur, in suis vestibus impressum & signatū videbant. multae harum cruces nigri coloris fuerunt. Quare obcaecati, & obdurati, felicē, quae in manus ceciderat, sortem, Iudaismo retento, abiecerūt. Contigerunt haec prodigia anno Christi CCCLXVI. Imperij Iuliani secundo, & Pontificatus Liberij nono. Sic igitur deterriti Iudaei, atque Gentiles, locum pariter & inaniter coepta reliquerunt. Haec diffusius tractavi, vt crucium apparitionis originē clarius explicarem, & rei, vt se habuit, processum exponerem. Fuerūt autem haec cruciū signa ideo caelitus immissa, vt Christus Deus verbi sui, & praedictionis, quam illi impij traducebāt Ethnici & Hebraei, exitum subsequutum ostēderet, & sigillo suo proprio consignasse: & frustra esse eorum laborem, qui aedificationem eam tantopere vrgerent, eo quod diuina & immutabilis sententia extremam templo abolitionem decreto suo consti-

constituisset. Nisi enim Dominus aedificauerit domum, in vanum laborauerunt, qui aedificant eam.

*De crucibus, quae tempore Arcadij Imp.
comparuere. Cap. X.*

ANNO Christi CCCCVI. Imperij Arcadij IX. Pontificatus Innocentij primi, secundo, proelium eodem Arcadio aduersus Persas inituro, in militum vestibus cruces aëreae apparuere. De quibus insigni parta victoria, auream monetam cum crucis signo cudi praecepit, quae in usu extitit totius orbis, & praecipue Asiae, & nunc etiam perseuerat, & videre nonnumquam licet. Victoriā certam de Persis hae cruces annunciarunt in proelio militum Christianorum aduersus infideles, & boni ac felicitis ominis indicium fuerunt.

Prosper
par. 3. de
permiff.
cap. 34.
Gene-
brard. lib.
3. chron.
fol. 231.

*De crucibus ostensis caelitus, tempore Vigilij
Papae. Cap. XI.*

ANNO Christianae salutis DXLI. Pontificatus Vigilij Papae secundo, quo tempore Narses eunuchus copiarum Iustiniani Imperatoris dux, acri ingenio vir, & singulari pietate praeditus, & rebus gerendis aptior, quam eunuchi natura ferret,

ferret, bellū in Italia aduersus Idualdum, siue Sindualdum, vt Agathias appellat, suscepit, miraculosa & subitanea crucis signacula in Lōgobardiae & Liguriae praecipuis locis, comparuerūt, domibus, ostijs, vasis, & vestimentis hominum adhaerentia. Quae si quispiam extergere & eluere conaretur, tenacius infidebant, & splendiora fiebant. His cōtinuo subsequuta horrenda pestis, quae immaniter hinc inde grassabatur. Anno mox succedente, inguinaria lues exarsit, glandulis instar crucis enascentibus; qua multo plures, atque antea, interierunt. Intra triduū febris pariter & leto miseri homines corripiebātur. Erat autem vbique luctus, vndique lacrymae effundebantur. Fuga multi sibi consulere opinabantur, vt eam cladem vitarent. Relinquebantur ideo domus habitatoribus desertae, solis canibus ad earum custodiam manentibus. Pecora & armenta, citra pastorem & bubulcum, pro suo arbitrio in pascuis vagabātur. Cernere erat villas & castra, numeroso antea populo exūdantia, postridie habitatore vacua, commercioque hominum destituta, summum silentium tenere. Fugiebant liberi cadauera insepulta parentum, & eos morti proximos deserebant. Patres rursus geminam in filios pietatem exuentes, cum morbis ob-

lu-

luctantes, sine vlllo praesidio relinquebant. Domus corporibus exanimis, viae publicae funeribus complebantur. Si quē fortasse humanitas mouebat carum sibi quemquam sepelire, restabat ipse insepultus: & dum obsequium alij nitebatur praestare, & funus defuncto impendere, suum continuo aderat exitium, citra ministerium & opem alicuius. Non sexus, non aetas discrimine libera. Plebeios & ingenuos aequa fors & iniqua extinguebat: inter coniugū & liberorum lamenta, dum assidebant, dū deflebant, saepe eodem tumultu condebantur. Nulla vox sonabat in rure, nullus pastorum sibilus audiebatur. Sata transgressa metendi tempus, intacta expectabant mesforem. Vites, decidentibus frondibus, vuarum botros, imminente iam hyeme, integros ostentabant. Tam nocturnis, quam diurnis horis, personabat turba pallantiū. Audiebatur a multis quasi murmur exercitus. Nulla erant vestigia commeantium. Nullus cernebatur percussor: oculorū tamen aciem superabant cadauera mortuorum. Pastoralia & rustica loca, in sepulcra fuerunt hominum versa: & habitacula incolarum, in confugia bestiarum, & latibula ferarum, cesserunt. Antecesserat proxime pestilentissimum hoc contagium dira & funesta fames, & ea adeo ingens & immanis,

nis, vt homines carnibus humanis vescerentur, quod Datus Mediolanēsis praesul scripsit. Cruces igitur imminentis pestis indicium tunc fuerunt, & iram diuinam nō alio magis salutari symbolo, quam crucis, placandam, mortales docuerunt.

*De crucium caelestium visione, Pontificatum
tunc gerente Zacharia Papa.*

Cap. XII.

Lippomanus. 7. tomo.

Surius tomo 6. die 16. Decēbris.

Theodorus Studita oratione in S. Platonē.

Georg. Cedrenus pag. 379.

A NNO Christi DCCXLVIII. qui fuit Pontificatus Zachariae Papae VIII. & Constantini quinti VI. Caballini, seu Copronymi appellati, quod vndā sacram, dum ea intingeretur in baptismo, oleto foedarit, Leone Isauro Conone impio parente natus, ipse multo impietate deterior, sacrarum imaginum osor & euerfor, vnde Simulacriperdae & Iconoclastae cognomen assequutus; a quo eodem imago Christi contumeliose spreta, & simulacrū erroris appellata. Anno igitur huius scelerati Imperij VI. ira Dei in populos illi subiectos defaeuijt. Magnus namque fuit in Palestina terraemotus, & ad Iordanē, perq. vniuersam Syriā, die mēsis Ianuarij XVIII. hora quarta, innumera hominum perierūt millia, corruerunt templa & monasteria, maxime per solitudinem vrbs sanctae. Eodem

dem anno pestis, a Sicilia & Calabria sumpto initio, veluti ignis proxima corripies, Monembasiam vsque, & in Graeciam sese propagavit, insulasque circumiacentes. sed & Constantinopoli subito, & visu non obseruante, existeret in hominum vestibus, & in ecclesiae suppellectili plurimae cruces, quasi ex oleo factae, coeperunt. Quo signo quid portenderetur, cum homines non assequerentur, in magnum maerorem atque sollicitudinem inciderunt. Sed & varia mala, ira Dei immissa, populum cōfer-tim absumebant, non in vrbe modo, sed & in vniuersa vicinia. Visa quoque hominibus oblata sunt; ita vt multi hominū, mente ab alienati, putarent se cum peregrinis quibusdam, & terribili vultu praeditis hominibus, iter facere: qui occurrentes sibi tamquam amicos compellarent, ac cum ijs colloquerentur: ac cum annotassent quae ab ijs dicebantur, tum demum narrauerunt, cum ea iam exitus comprobaasset. Videbant autem eos in aedes intrare, aliosque intus suspendere, alios gladio ferire. Euentus pleraque ab ipsis dicta vera ostendit. Verno tempore primae pestis malum magis sese intendit, prorsusque exarsit aestate: adeo vt domus ferme omnes concluderentur, & deessent qui cadauera humarent: neque etiam satis esset graba-
D **torum**

torum ad ea efferenda, sed iumenta ad hoc & vehicula adhiberentur: atque illa in propugnaculis, suburbijs, cisternis arescentibus, ac lacubus sepelirentur. Quibus repletis, vineae quoque & horti effossi, vix obtegendis cadaueribus sufficiebant. Super trecenta hominum millia Constanti-nopoli ea peste perierunt. Ita vnus sacri-legi Imperatoris impietas in caussa fuit, vt tot familiae vastarentur: quo, quicquid delirant Reges, plectantur Achiui. Significauit proculdubio hoc diuinum ostentum, iniurios in venerandam Christi crucem, & in sanctorum imagines, cruce ipsa plectendos, & excrucianos fore, & impietatis praemium cruce ipsa accusante & indicente relatu-ros.

De crucium apparitione sub Imperium Caroli Magni. Cap. XIII.

Eginhar-
tus in vita
Caroli
Magni.

ANNO Christi DCCLXXXIII. cru-ces in vestibus Francorum apparuerunt. Pontificatus Hadriani I. Papae anno XIII. Tassilo Dux Baioariorum, vectigalis antea Carolo Magno Imperatori, rebellis ipsi factus, irritare eius animum, & ad bellum prouocare, in fauorem suum ascitis Hunnis, tentabat. Cuius rei indignitate, & Ducis perfidia commotus Augustus, colle-cto

Et o numeroſo exercitu, ad ripas Lechi am-
nis, qui Baioarios ab Alemannis diuidit,
caſtrametatus, per legatos tandem, ante-
quam cum hoſtilibus copijs cōgrederetur,
pacem conciliat, obſidibus a Taſſilone fi-
lio & duodecim primoribus alijs ipſi datis.
Subacta igitur & in poteſtatē redacta Ba-
ioaria, ad Francos victor incruento bello
reuerſus. Et hunc quidem felicem expe-
ditionis exitum cruces antea viſae ſigni-
ficarunt.

Anoni-
mus Mo-
nachus
Benedicti-
nus in Ca-
roli Ma-
gni Anna-
libus.

De cruce iterum, Carolo Magno regnante.

Cap. XIII.

ANNO Chriſti DCCLXXVIII. Pon-
tificatus Leonis IV. Papae primo, ſignū
rubeum dominicae crucis, & multae in
caelo haſtae apparuerunt. Sequuta Caroli
Magni in Agarenos Hispaniam occupan-
tes expeditio. Pōpeiopolim ac Caefarau-
guſtam, primores & regias, illā Nauar-
reorum, hanc Aragonenſium, vrbes, multa
praeterea inſignia oppida, & arces, eis fi-
nitima cepit, quae in poteſtate eorundem
Agarenorum tenebātur: obſidibusq. ab eis
acceptis, laetus cum victricibus copijs in
Galliam redibat. Superatisque Pyrenaeo-
rum montium iugis, a Vaſconibus, qui vul-
gariter Guafcones dicuntur, populis Aqu-

Anonim⁹
in fascicu-
lo tēporū.
fol. 47.
pag. 2.

D 2 taniae,

Eginhar-
tus in vi-
ta Caroli
Magni.

Anonim⁹
Benedicti
nus Mo-
nachus in
Annalib.
regū Frā-
corum.

taniae, valde sibi infensis inuaditur. Hi in-
fidijs collocatis (est enim locus, ex densita-
te siluarum, quarum maxima est ibi co-
pia, parandis infidijs peropportunus) im-
pedimenta & nouissimum agmen exerci-
tus adorti, penitus deleuerunt. In hac pu-
gna, plerique aulicorum, quos Carolus
Imperator copijs suis praefecerat, Eghar-
tus regiae mensae praepositus, Anselmus
Comes palatij, & Rutlandus Britānici lit-
toris praefectus, & non pauci alij primo-
res viri occubuerunt. Vascones autē, noctis,
quae imminebat, beneficio, & locorum pe-
ritia, intra densissimas siluas se abdentes,
securi oībus impedimentis potiti, atque
immani strage edita, euaserūt: a quib. nul-
la tūc potuit sumi, aut sperari vindicta. Hu-
ius accepti vulneris recordatio, altius mē-
ti Imperatoris insedit, & rerum feliciter in
Hispania gestarum gloriam vehementer
imminuit. Loco proximo, vbi pugna con-
serta, templum erat cōstructum, & Dei ge-
nitrici dicatum, de Ronces Valles popula-
riter nuncupatum, canonicis qui illi infer-
uirent institutis: in cuius coemiterio, qui
in illo fuere proelio caesi, sepulti. Contigit
autem haec pugna anno Domini 778. XIII,
ante, quam in Chronologia Genebrardi
assignatur. Sunt qui historiae & rerum ge-
starum ignoratione, ab Hispanis eam cla-
dem

dem illatam Gallis, mentiantur; cum Galli aduersus tunc Gallos pugnaverint. Crux igitur caelo ostensa, victoriam de Agarenis pactam significauit; hastae autē, hostilia arma, quae essent contra crucem, & copias Christiani nominis, perfidi illi Vascones vibraturi.

De signo crucis in Luna ostenso.

Cap. XV.

A NNO D.MCLVII. Pontificatus Hadriani III. Papae III. Frederici primi Imperatoris, cognomento Aenobarbi, vulgo Barbarossae, V. crucis figura in Luna publice visa est: quae non obscure significauit, imperatoriam potentiam aduersus Catholicam Ecclesiam, & eos qui illi vniuersaliter praesunt, Romanos Pontifices, dimicaturā. Luna enim a Sole lumen suum mutuatur, sicut Imperator auctoritatem a Papa. Proinde Luna Imperatorē, crux Ecclesiam, & Pontifices Romanos, qui eius sunt praecipui antesignani, innuit; quod idem portendit & Sol. Hoc igitur symbolo significabatur, Imperatorem Ecclesiā oppressurum, vt qui crucem arcte concluderet; crucem tandem eum superaturum. Fredericus namque summus fuit Pontificum & Romanae Ecclesiae persecutor: vt

Matth.
Palmerius in
Chron.

D 3 qui

qui quattuor schismaticos, legitimis, Honorio inquam IV. Anglo, & Alexandro III. Senensi, Pontifices substituerit: Spoletum diruerit, soloque aequauerit: Mediolanum euerterit, saleque consperferit. Quem fugiens Alexander III. ad Venetos concessit. Veneti maritima classe, proelio inito, imperatoriam superarunt, eius filio capto. Reconciliatio dein sequuta, filio restituto, & ipse ad pedes Pontificis supplex procubuit, absolutionē excommunicationis petijt, & poenitentia salutari iniuncta obtinuit. In rapido tamen Armeniae amne tandem submersus, poenas violatae religionis exoluit.

Nicetus
lib. 7. de
gestis Ma-
nuelis.
Tyrius.
Naucle-
rus.

De signo crucis in India viso. Cap. XVI.

REGNANTE in Lusitania Manuele, & Alfonso Albuquerque, duce, si quis alius, praestantissimo, praefecto classi, & orae maritimae Aethiopiae, Arabiae, Persiae, & Indiae, ad Camaranum insulam intra fauces Erythraeas semel magna cum classe ipse peruenit. Qui dū ibi hyemaret, ad Solē occidētem, qua Regis Abyssinorū imperium est, purpureae crucis in caelo signum praefulgens aliquandiu apparuit, in primis admirandum ostentum. Quo viso, Lusitani omnes venerabundi procubue-
re;

Annales
Lusitani-
ci.

Maffei-
us
lib. 5. hist.
Indicarū.

re:& Albuquerque, vt erat eximia pietate, sublati ad eam manibus, clara voce effusus in preces; O crux, inquit, nostrae redemptionis argumētum, o signum Christianae victoriae , o decorata pretiosissimo sanguine Domini Iesu, o diuina arbor, cuius vitali fructu, letalis quondam plantae repensus est fructus: In te spes omnes habemus repositas: te profitemur, agnoscimus, adoramus: ac suppliciter petimus, nobis inter tot pericula, terra, marique praesidio sis. Ab ea precatione obortae omnibus lacrymae, & indicium fidei, ac religionis clamor ad astra sublatus. Tum consono clangore, hinc inde tuba cōcrepuit, & omnia tormenta displosa. Dein candida nubes conditam crucem, sine fine defixis in caelum oculis Lusitanorū, eripuit. Neque Albuquerque praetermisit, quo minus rē, sicuti acciderat, testato conscriptā ad Emmanuelem Regem, primo quoque tempore, mitteret. Hoc crucis signum proculdubio significauit, sub Alfonsi praefectura, Christi fidem per vniuersum ferme Orientem propagandam, & regna, vrbes, & insulas plures virtute crucis Regi Emmanueli ceterisque Lusitaniae principibus subiiciendas: sicut & accidit fortitudine & felicitate tam strenui ducis.

De crucibus caelitus immissis tempore VII. Synodi vniuersalis. Cap. XVII.

Georgius
Cedren⁹
pag. 123.
& 125.

CIRCA tempora septimae vniuersalis Synodi, quae fuit Nicaena secunda CCC L. Episcoporum, Tarasio Patriarcha Constantinop. anno Christi 778. vel vt Panuinius supputat, DCCLXXXIX. qui fuit XIX. Hadriani primi Papae, sub Imperium Constantini septimi Porphyrogeniti, & Irenes matris Catholicorum principū: Solis splendor diebus compluribus obscuratus est insigniter, & crucis figurae in vestibis visae, ceciditque imber cruentus. Varias hinc & atroces calamitates longo tempore affligerunt genus humanum toto terrarum orbe, bello, fame, & pestilentia, subsequutis. Imber autem cruētus, & Sol caligine tot dies obductus, indicium fuerunt manifestum mali ominis, & infestae cladis subsequētis. Cruces autem citra alia dira ostēsa visae, victoriam & laetum aliquid significarunt: sed alijs signis aduersis distractae, tristes futuros euentus quandoque enunciant: & ad hoc potissimum immittuntur, vt mortis & crucis Christi memores, patientius pericula toleremus, & mortem cum ipso in cruce fortius subeamus. Admonitio praeterea

terea est ipsius Dei irati paterna, quo illū nobis per poenitentiam conciliemus, & mala impendētia eo propitio auertamus: ita enim Regius Propheta enunciat: Dediti metuentibus te significationem, vt fugiant a facie arcus, vt liberētur dilecti tui.

Psal. 59.

De crucibus, quae comparuerunt sub finem

Pontificatus Ioannis XII.

Cap. XVIII.

ANNO salutis humanae 963. sub finem Pontificatus Ioannis XII. a Platina appellati XIII. Imperij Othonis primi anno XXV. lapis e caelo mirae magnitudinis cecidit, saeuiente ventorum atque imbriū procella: & in vestibis multorum signum crucis, ac quidem cruētae, diuinitus apparuit. Quae quidem portenta indicare magnas clades & calamitates Ecclesiae, multi interpretabantur. Erant etenim maximi concitati in Italia motus, ob diuersas Pontificū electiones. Ioanne namque XII. Pontificatus anno sacerdotij sui VII. mense XII. die XXVII. a Concilio Romano abrogato, Leo VIII. in eius locū suffectus: & schisma etiam subsequutum, inuadente sedem Apostolicam contra Leonē VIII. Benedicto V. Antipapa. Otho Imperator Romanis iratus omnia circa Vrbem depopulari & deuastare, ferro &

flam-

B. Platina, Panuinius in horū Pontificū vitis.

Hermānus Contractus in Chroni. Sigebertus.

Genebrardus Chronologiae lib. 4.

Vviri-chindus in Chronico.

flammis est adortus: Benedicto Pseudopapa sede deiecto, & secum in Germaniam abducto, Leonem VIII. legitimum Pontificem restituit, anno 964. Lapis igitur ingens e caelo cadens, insue tae ventorum atque imbrium procellae, & cruces cruentae, rerum Ecclesiasticarum detrimentum & iacturam significarunt: quae mox consequuta est, abrogatione vnus Pontificis, & schismate excitato a Benedicto V. sedis Apostolicae inuasore contra Leonē VIII. Quae tamen mala breui fuerunt sopita, & auctoritate Othonis prudenter repressa, & instar ventorum & procellarum praeterierunt, & beneficio crucis, non tamen absque cruore Romanorum, composita.

De crucibus insignibus, multis locis, & eodem tempore visis.

Cap. XIX.

A N N O Domini MCCXVII. & II. Pontificatus Honorij III. Papae, & VI. Federici II. Imperatoris, biennio post celebratum magnum Concilium Lateranense ab Innocentio III. sexta feria ante Pentecostem, in Gallijs tres cruces aëreae lucidae diuinitus comparuere, auctore Corio in historia Mediolanensi: quarum vna candida versus Septentrionem, alia similis

similis versus Meridiem, media dilutioris coloris erat: in cuius intimo homo conspiciebatur cruci suffixus, brachijs sursum erectis, manibus clavis perforatis, & capite demisso. Et in oppido, Frisie, dicto, dum Cruciata aduersus Christiani nominis hostes praedicaretur, crux caerulea magno splendore Solem antecedere visa: & in dioecesi Traiectensi apparuit ingens crux candida, ex duabus veluti trabibus compacta: quae gradiebatur ab Aquilone versus Meridiem. Quae caelestia indicia permouerunt animum Honorij III. Papae, vt Christiana militia cruce signatorum in Aegyptum mitteretur. Eo Ioannes Columna Card. Romanus, Legatus ab Honorio destinatur. conuenere Caesareae Palaestinae Andreas Vngariae Rex, Ioannes Ierosolymorum, Henricus Comes Niuernensis, & Gualtherus Regis Franciae camerarius. Qui anni sequentis initio Damiatam Aegypti primorem & munitiorem urbem obsederunt. Heliopolis haec ciuitas quodam appellata est, quam Aelius Pertinax Imp. triplici muro cinxit, & ducto Nili riuo, urbem insulae in formam redegit. Exercitus igitur Christianorum vi Damiatam cepit, copias Soldani fudit, eiusque castra opulenta diripuit: & tandem foedere cum ipso icto, lignum fan-

ctissi-

Bernard.
Corius
hist. Me-
diolan.
par. 2. fol.
1.

B. Platina in vita
Honorij
III. Papae.

etissimae Crucis, quod 30. annis ante Saladinus in expugnatione Ierosolymorum abstulerat, Christianis fuit restitutum. Cruces profecto discurrentes exercitum hunc cruce signatorum, varijs ex militibus, & diuersis gentibus conflatum, terra marique in Palestinam & Aegyptum confluentem, & victoriam aduersus barbaros, & sanctae Crucis ligni de manibus hostium recuperationem significarunt.

*De crucibus, quae super corpus B. Iordani
ostensae fuerunt. Cap. XX.*

A NNO Domini MCCXXXVI. & X. Pontificatus Gregorij Papae IX. & XXV. Friderici II. Imperatoris: B. Iordanus Saxo successor S. Dominici in magisterio & praefectura ordinis Praedicatorum, vir sicut & impense doctus, ita sanctitate & miraculis clarissimus, summo desiderio tentus inuisendi & adorandi loca sancta, & visitandi monasteria quae in Palestina sub sua cura habebat; e Germania profectus, nauem in Italia conscendit, quae antequam ad portum appelleret, prope Acconem vi tempestatis scopulis allidens, confRACTA est: & ipse cum duobus socijs pelago submersus, & nonaginta pariter hominibus alijs, qui eadem naui vehabantur. Plerique, qui ex illo naufragio incolu-

Columnes euaserunt, & proprijs manibus B. Iordanum & duos eius socios sepulturae tradiderunt, testati, quandiu corpora fuerunt eorum inhumata, luminaria de caelo super eadem visa fuisse noctibus illucescere; sed & cruces multae a plerisque con- spectae eorumdem cadauera comitan- tes. Ad quod miraculum loci vicini inco- lae confluentes, tanta fuerunt odoris fra- grantia perfusi, vt decem post continuis diebus, quibus vel eorum corpora contre- ctarūt, aut sepulturae tradiderunt, suauis- simus & iucundissimus adhaeserit, nec eos illo tempore deseruerit. Sed ex eorum tu- mulis similis odoris suauitas spirabat. Gottifredus & Reginaldus in Palestina Apostolici poenitentiarij, ordinis Prae- dicatorum, per litteras suas praesidenti coenobij Parisiensis significarunt, quae di- uinitus gesta erant, & testimonium ex vi- su, sicut plerique alij, reddiderunt. Lumi- na igitur noctu diuinitus micantia, cru- ces super horum corpora ostensae, odoris fragrantia ex eorumdem cadaueribus & tumulis vndique sparsa, caelestia vtique fuerunt indicia, horum virorum probita- tem & innocentiam attestantia. Placuit namque diuinae clementiae, inertis & im- periti vulgi sententiam confundere, qui soleat de violenta morte peremptis ini- quius

Leander
Alberti
in vita B.
Iordani
lib. 1.
Tomo 7.
de vitis
SS. ex scri-
ptis Su-
rij colle-
cto. 13. Fe-
bruarij.

quius aliquid iudicare, veluti de ijs irato Deo vindicta sumatur, quasi aliquod crimen atrox admiserint. Iusti autem siue sint vndis absorpti, siue a feris laniati, vel ruina oppressi, vel hostili gladio caesi, vel aliquo finistro casu sublati, semper illorum memoria, vita, & mors pretiosa est ante Deum.

De crucibus, quae Toleti in vestibus Iudaeorum comparuerunt.

Cap. XXI.

Alfonfus
conuers.
lib. de bel
lis Dei. c.
27.

Alfonfus
Spina lib.
3. fortali-
tij fidei
fol. 222.

ANNO Christi MCCXCV. Ferdinando III. Alfonsi IX. filio principatum in Hispania tum primum ineunte, & Pontificatus Bonifacii VIII, Papae anno primo, Astulphi Imperatoris III, Toleti regia vrbe, Hebraei, qui vicos aliquot eius ciuitatis incolebant, sicut contingit nunc Romae, Venetijs, Ferrariae, & alijs etiam Italiae locis, die 10. mensis septimi festum expiationis de more iuxta constitutam olim legem celebrabant: cum inexpectato, repentinae cruces, caelitus immissae, in ipsorum aedibus, vestibus, & lineis telis, quae seruabantur in eorundem apothecis, comparuere. Quo miraculo stupefactos, & terrore nimio concussos, traditum est. Plerique illorum fide Christi com-

complexi, sacro baptismo intincti & regenerati, Iudaismo relicto, fuere. Voluit Deus in gratiam religiosissimi Regis Ferdinandi, initio eius Imperij, cuius vita sanctissime acta, & miraculis multis clarissima extitit, perfidis istis Iudaeis caelestis crucis signaculum impartiri, & velamen de cordibus eorum tollere: & docere eos non in rebus inanibus, vacuis, & egenis elementis, & ritibus, salutem & expiationem quaerendā, sed in sola cruce Christi, & sacramentis spem omnem nostram collocandam, & veram expiationem inde conquirendam.

*De crucibus ostensis in Heluetiorum
pagis. Cap. XXII.*

ANNO Christi MCCCCLXXVIII.
Pōtificatus Sixti IV. Papae VIII. Fri-
derici III. Imp. XXXIX. in varijs Heluetio-
rum locis, acies militares in aëre pugnare
visae; diuersi generis cruces, ac globi
ignis in terram cadentes, vestigia conspi-
cientibus quibusque relinquebant; quod
est in Basiliensium eius temporis annalibus
annotatum. Prosperitatem huiusmodi si-
gna Heluetijs portenderunt. Eodem nam-
que anno feliciter cum Mediolanensibus
& Burgundis pugnarunt: deletisq. eorum
copijs,

*Annales
Basilien-
ses.*

copijs, insignem victoriam adepti, opulentissimaque praeda potiti, ad propria cum magno triumpho redierunt.

*De crucibus admirandis in Germania
visis. Cap. XXIII.*

Naucle-
rus vol. 2.
generat.
51. fol.
992.

Cōtinua-
tor ano-
nimus ad
Palmeriū

Episco-
pus Leo-
dien. in
epist. ad
Maximi-
lianū Cae-
sarem.

ANNO Christi MDI. Alexādri VI. Papae X. & Maximiliani primi Imperatoris XV. in Germaniae plerisque locis, a festis Paschalibus, & deinceps, notae dominicae crucis, & insignia passionis Christi, vestimentis & corporibus tam virorū, quam feminarum, inopinato apparuerūt: praesertim in aliquot oppidis dioecesis Leodiensis, nōnumquā in templis, nōnumquam in plateis, quandoque etiā in priuatis cuiusque aedibus, etiam in cubiculis, & secretis penetralibus signum perfectum crucis, & id aut nigrum, aut rubicundum, deprehensum; ita vt in aliquibus verus sāguis esse, cum medulla & sanie effusus, putaretur. Fuerunt plurimum cruces simplices, quandoque etiam duplices, formam & figuram insignis sepulcri dominici per omnia imitantes. Apparebant autē maxima ex parte & frequētius super capita mulierū, & praecipue puellarum, & earum pepulis superno vertice. Inquisitionem diligentissimam super ea re Episcopum Leodiensem

sem fecisse, ex litteris eius XVI. Maij ad Imperatorem Maximilianum missis, satis constat; vt nec dolus aut fraus vlla subesse, aut intercedere potuisse, intelligamus. Scribit idem praeterea de quadam puella eiusdem dioecesis, aetatis 22. annorum, valde pudica, quae quadam die comperit, admonita a matre, signum crucis magnum & amplum in peplo, coloris aurei, & in singulis quattuor angulis internis eiusdem velaminis singulas cruces paruas eiusdem coloris, perinde atque arma sunt Ierosolymitani Regis: inque eius medio maiorem aliam crucem cruetam. Territa hinc puella, reuerenter peplum deposuit, & loco decenti recondidit, & aliud purum capiti imposuit; mox tamen in eodem crux grandis apparuit. Accurrunt plerique rei nouitate perculsi, in quorum conspectu iterum atque iterum amicula illa mutauerat: factum que vt nouem dierum spatio tredecim velamina cruce signata renouarit. In mento eiusdem & sinistra manu similes cruces aliquando visae, quae post duarum horarum tempus euanuerunt. Post haec non solum signum crucis apparuit, sed veluti hasta quaedam, nonnullis characteribus inscripta: cruenta quidem omnia, concludantur intra circulum viridem, totum ambientem caput: qui veluti aculeos,

spinarum instar, proferebat. Apparuerunt etiam sanguinolenta crucis signa in mariti subuculis. Hortatus est parochus puellam suam, ut Episcopum Leodiensem, qui tunc in Traiecto superiore agebat, adiret, peccataque illi sua confiteretur, remque eam ordine enarraret. Assensit mulier: & non solum Episcopo, sed & insigni cuidam ad S. Seruatium Theologo conscientiam suam & rem detegit. Iussa post haec, iuit in chorum, deinde ad inuisendas SS. reliquias ducta est in sacristiam: ubi allato ei nitido velo, rogata est, capiti imponeret, ne tanto cum horrore per plateas & vias publicas incederet. Acquieuit femina, nouumque velamen capiti applicuit. Mox erupit in ipsa velaminis parte anteriore sanguinis tanta copia, ut in extremam usque fimbriam ad vnus digiti longitudinem, & prope duorum latitudinem, defluerit. Qui aderant, adeo stupefacti, ut e canonicis vnus animi deliquio protinus in terram ceciderit. At illa inde abscedens, publicum cunctis spectaculum & mirabilius exhibuit. In ipso namque recenti & puro peplo, versus scapulam dextram, magna denuo vis sanguinis orta, in figuram ferme crucis se porrigens, & dilatans. Quibus signaculis intincta ad eundem Episcopum iterum deducta est, recenti adhuc & madenti cruore, adeo

adeo ut in conspectu eius attrectatus, digitum illius, adhaerescens, intinxerit; multis qui aderant, admirantibus, & diuinum ostentum aliquid magni portendere conijcientibus. Haec ferme ex epistola Episcopi Leodiensis ad Caesarem Maximilianum scripta habetur, quae etiam a Nauclero & alijs recitantur.

Significasse has cruentas cruces pestem teterrimam, quae per totam Germaniam est grassata anno sequenti, exitus videtur comprobasse. Non enim solum in lineis vestibus etiam abditis, & arculis inclusis, sed nudis etiam corporibus hominum impressae cruces fuerunt, qui eodem anno maxima ex parte peste absumpti interierunt. Subsequuta statim conspiratio rusticorum contra clerum & nobilitatem; quae totam esset Germaniam vastatura, nisi opportune fuisset repressa. Quae, procedente tempore, anno D. MDXXV. in superiore Germania, cis & ultra Rhenum, noua rusticorum seditione renouata fuit; per quam intra menses quattuor, plusquam centum hominum millia, fontium pariter & insontium, perierunt. Cruces igitur cruentae, vel sanguinis profluuio coniunctae, dirum omen esse solent, pestis, famis, aut belli cruenti imminentis. Significasse illam puellam, Germaniam ipsam, peste afflictam, & ciuili bello

rusticorum, sanguine perfusam, non abs re
erit coniectari.

*De crucibus iterum per Germaniam
visis. cap. XXIV.*

Anonl-
mus con-
tinuator
ad Pal-
merium.
Nicolaus
Baselius
i
auctario
ad Nau-
clerum.

ANNO D. MDIII. cruciculae in ve-
stibus hominum & panibus etiã simi-
lagineis per totam fere Germaniam denuo
apparuerunt, sed non proditur qualis colo-
ris & formae eae fuerint. Subsequuta eo-
dem anno, posteaquã dirae seruitia pestis
epidemiae humanum genus supra menses
duodecim grauitè oppressisset, adeo vt
tertiam in plerisque locis hominum partẽ,
in quibusdam mediam fere absumpsisset,
noua quaedam & teterrima mortalibus
aegritudo; febres, inquam, pestilẽtes, inter-
ni aestus, capitis intolerabiles dolores,
pituita, catarrhus, & foetor quidam anhe-
litus grauissimus, quorum omnium tabe
& dysenteria multa millia hominũ perie-
re: totusque demum annus nimium cala-
mitosus, nihil aliud nisi infaustum & dirũ
praeferebat. Eodem praeterea anno,
Alexãdro VI. Papa Romae vita defuncto,
& Pio III. eius successore intra XXVI. dies
crepto, Iulius II. Ligur Pontificiam sedem
obtinuit.

De cruce in India ostensa. Cap. XXV.

ANNO D. MDLVIII. in insula Iaponensi Bonzius quidam idolorum sacerdos tanto odio in Christianos exarserrat, ut eius hortatu multi Gentilium ad seditionem aduersus eosdem excitandam adeo fuerint inducti, ut crucem Christi, in coemiterio positam, audacter effregerint. Deus autem nihil illorum sceleribus commotus, sed antiquarum miserationum recordatus, pro flammis atque fulminibus, quae sacrilegos exurerent, signa misit e caelo ad eorum tenebras effugandas perquam clara & illustria. Etenim in media aëris regione species crucis, aliaque prodigia valde conspicua apparuerunt. Verum usque adeo densa caligine mentes eorum obductae, ut insolitam lucem intueri nequiuerint, sed potius in sua pertinacia obfirmatiores, neophytos a Christi cultu reuocare conati sint: neque secus eis acciderit, atque Iudaeis & Graecis, qui crucibus de caelo super eorum vestes illapsis, deterri- ti, non tamen Iudaismum & Ethnicismum miseri deseruere.

Gaspar Vilela ad societate suam Iesuitarum Goae agerem.

Masseius Selectarū epist. lib. 2.

*De crucibus Andreanis in Anglia
visis. Cap. XXVI.*

ANNO D. MDXCI. IX. Kal. Maij, hoc est, die 23. Aprilis, natalibus S. Georgij Martyris, inter horam 21. & 22. in Anglia, comitatu Nortfolciae, circulus magnus in caelo apparuit cū alijs duobus minoribus, & tres Soles, quorū medius lucidior & splendidior erat, alij duo obtusioris lucis, sed talis, quae posset mediae noctis tenebras illuminare. Solem mediū circulus minor versus Occidētem ambiebat, maiorem secans. Maior alium circulū continebat, in cuius medio crux similis illi apparebat, in qua S. Andreas Apostolus suffixus, mortē pro Christo subiit; hinc Septentrionem, illinc Meridiē prospectās. Ex aduerso Solis medij, opposita circuli maioris portione Orientem versus, crux alia S. Andreae ingentior priori se ostendebat; brachia duodecim, vt videbatur, longa, medium circulū veluti diuidens. Circulus maior hemisphaeriū cingebat latitudine qua solet apparere arcus caelestis. Duo alij circuli & duae cruces Sanctandreae albae erant in pallorem quemdam desinentes. Haec signa diuinitus in caelo ostensa, clare visa ab ijs, qui Nordouici, vrbe comitatus

tus Nortfolciae, vel finitimis locis adfuerunt. Quidam tamen intentius contemplantes tres Soles, & circulum maiorem, crucem mediam non animaduerterunt, nec circulum minorem: sed a plurimis tamen conspecta & considerata fuere, qui multis ad Londinenses litteris scriptis, haec eadem testati sunt. Et ex epistolis multorum Londino datis die 23. Iunij, Romae receptis die 10. Augusti, natalitio S. Laurentij Martyris, series & ordo rei gestae & narratio nunciata. Quam mihi Iosephus Cresquillus presbyter Societatis Iesu, Londinensis, Collegio Anglicano in Vrbe praefectus, vir magni candoris & probitatis, humanissime, cum exacta figura eorum quae Nordouici in caelo visa sunt, donauit. Quam, vt melius percipi possit, in aes incidendam curauit, & hoc loco spectandam subieci.

A. Circulus est minimus candidi coloris.

B. Sol medius lucentior & splendidior.

C.D. Duo Soles inferiores situ & lumine priori; quilibet tamen eorum media nocte caelum poterat sua luce illustrare.


E.F. Circulus medius albus cōplectens medio crucē Sanctandreanā eiusdem coloris, ad pallorem tamen vergentē, inter Meridiē & Septentrionē sitam.

G.H. Duo circuli albi fuerunt lucentes, qui nihil intus continebant.

I. Crux maior Sanctandreana duodecim brachia longa.

Circulus omnium maximus hemisphaerium cingens, instar arcus caelestis, latitudinem referens. Cuius autem coloris is fuerit, in litteris non scribitur, cum reliqui duo albi fuisse dicantur.

Duo globi inferiores candidi itidem erant, veluti Luna.



Annus hic praesens, ostentis & signis caelestibus vndique plenus, mirabilis existit, & expectationis ingentis: praegnans namque, partus insolitos pollicetur, quos Deus, pro sua clementia, salutare & felices velit esse Christianae Reipublicae. Coniectari autem nobis liceat interpretationem & explicationem huius nouissimi ostenti Anglici.

Circulus maior, quantum ego consequi possum, prouincias & insulas refert, quae Helisabetae Pseudoreginae Angliae utcumque parent, siue ad Orientem & Occidentem, siue ad Septentrionem & Meridiem eae sitae sint. Ab Oriente namque Hollandia & Zelandia iacent, quarum imperium tyrannicum arripuit, ut usurpatrix eorum, quae sua non erant. Populi autem illi, ipsi se sponte dediderunt, quo tutrix esset & protectrix suorum errorum & impietatis, subterfugientes scholam & disciplinam Catholicam. Ab Occidente habet Anglia Hiberniam, versus Septentrionem autem vergunt XLIII. Hebrides insulae. Has igitur terras subiicit oculis circulus ille maior, qui in caelo apparuit.

Soles autem duo collaterales & momentanei, medio, qui permanens existit, veluti oppositi, & in vnum tandem coeuntes versus Occidentalem plagam, signant certamen

tamen vnus aduersus alterum imminere,
& proxime, super possessione regni An-
glici, ab Hibernia initio coepto, quae Oc-
cidentalis Angliae existit, caede vel obitu
Pseudoreginae praecedente. Sol namque
ad occubitum tunc vergebat, & ideo euen-
ta breui effectum suum fortitura signifi-
cantur. Cum autem Sol vnicus sit in or-
be, neque vllum alium secum admittat;
ad vnum aliquem legitimum successorem
illud regnum iure & armis deuoluetur:
sicut illi duo momētanei Soles, euanesce-
ntes, cedunt tandem superiori. Regnū nam-
que impatiens est consortij, sicut Sol alte-
rius Solis. Circulus autē cingens legitimū
Solem, Hibernia existit, quam Sol occum-
bēs propius respicit. Sed mediam magnus
circulus secat, quod non tota Hibernia He-
lisabethae pareat, sed pars illius imperiū
detrectet, Christi iugo se subdens. Igitur
tres Soles in magno & paruo circulo ostē-
si, certamen, sanguinis effusionem, conten-
tionem procedentem ab Hibernia in An-
gliam, mortem violentam Pseudoreginae,
vel obitum, aut captionem, siue fugam, &
regnum a legitimo successore iure & po-
tentia occupandum, ex signis caelestibus
diuinitus ostensis colligo. Neque tamen id
ex meo cerebro & pro libidine iudico, sed
obseruantia motus multarum apparitio-
num

num similia, quae pares effectus designarunt: quas hic multas infererem, nisi prolixitas, & finis propositus reuocarent. Sed ad alia explicanda huius ostenti pergamus.

Circulus in medio magni constitutus, habens intra se crucem S. Andreae, Angliae regnum designat, ad crucis verum cultum, & religionem Catholicam Romanam, reducendum. Et non citra mysterium crux Sanctandreae potius, quam alterius formae, apparuit; ut renouaret memoriam alterius, quae eiusdem figurae, Hungo Pictorum Regi anno Christi circiter 819. caelitus ostensa fuit in Anglia: salutaris namque, & victoriae symbolum fuit in proelio, quo Athelstanus Saxonum Occidentaliū in Anglia Rex occubuit, & copiae eius deletae fuerunt, ut antea diffusius tradidimus: & ut aliud etiam beneficium refricaret Anglis, reductionis, & reconciliationis Ecclesiae Catholicae, quae a Iulio III. Pont. Max. per Reginaldum Polum presbyterū Card. eius a latere Legatum factae, absolutione impartita a censuris ijs, qui religionis fuerāt desertores, & poenitentia illud crimen eluere testabantur, praesentibus Philippo & Maria pijsimis Angliae Regibus, anno Christi MDLIII. post vigesimum quo infustum illud ab Henrico VIII. coeptum schisma fuit. Incidit haec reconciliatio in
diem

diem S. Andreae pridie Kalen. Decembris, hoc est, die ultimo Nouembris. Vnde synodico postea decreto constituit Illustriss. Legatus Polus, nō ita multo post factus Cantuariensis Archiepiscopus, vt ad tanti beneficii immortalem memoriam, solennius atque antea, festiuitas S. Andreae celebraretur. Crux igitur S. Andreae Apostoli idcirco speciatim a Deo ostensa caelitus nūc fuit, vt victoriam sibi Catholici de haereticis breui parandam, & reconciliationem proxime expectandam, exemplo vtriusque commemorati euentus, sibi suaderent: subsidiumque diuinum instare, quod a tot eos malis solaretur: memoremque Deum eorum lacrymarum fore; & tot persecutionum, immensique martyrum sanguinis effusi, proscriptionis bonorum, ac tandem beneficio crucis, eorum misertum, cuncta sedaturum.

Magna autem crux Sanctandreana, duodecim brachia longa, duobus alijs minoribus circulis hinc & inde sociata, maiorem circulum versus Orientē secans, duas provincias Hollandiae & Zelādiae significat, huiusmodi cruci, & verae pietati, ac religioni subijciendas: ac earum reconciliationem & reductionem ex Anglica dependere, & crucem sanctissimam in illas ex alia Angliae propagandam, quae Oriētales ipsi exi-

Nicolaus
Sanderus
lib. 2. de
schismate
Anglica-
no.

Polyd.
Virg. lib.
19. histo.
Anglicae

si existunt, sicut situs crucis & circulorum.

Nec vacat mysterio, die natalis S. Georgij Martyris haec ostenta contigisse; cum sit Angliae tutelarior, & Garterius ordo sit illi, ut bellatorum praefidi, dicatus. Quare equites quotannis diem ei sacrum multis caerimonijs concelebrabant in templo ad Vindelisorium castrum, ubi loci eius collegij Garteriorum est. Quapropter Rex Edouardus ibidem instituit celebre sacerdotum collegium, qui res curarēt diuinas.

Haec autem quae scripsi, non demonstrationes, nec reuelationes sunt diuinae, sed coniecturae non omnino contemnendae, non astronomicis aut astrologicis rationibus innixae, sed Theologicis, quibus ut contemplator rerum diuinarum & eius clementiae vtor: & ex obseruatione similium apparitionū caelitus ostensarum, & exemplis per multas aetates experientia comprobatis, haec praesentia praesagire, & diuinare licet. Signa enim sanctissimae crucis in Gallia & Anglia ostensa, praeter naturae ordinem omnino sunt, & continent quid diuinum. Neque enim ante Constantinum Maximum, signum aliquod crucis in caelo umquam visum, memoria extat Christianorum aut Gentilium. Proinde miraculosae sunt huiusmodi apparitiones, & ad indicandum futura, vel homines solandos,

dos, aut deterrendos, & a peccatis auocandos, caelitus ostensa a Deo speciatim creduntur. Sed de his fatis.

De crucibus in Gallia nouissime ostensæ.

Cap. XXVII.

HOC praesenti anno a Christo nato MDXCI. ex multis ad principes viros & familiares fide dignorum litteris, Bituri seu Auarico, vulgo Burges vocata, die XXV. & XXVIII. Maij, & Lutetiae Parisiorum, & alibi scriptis, intelleximus, multas & paruas cruces caelitus illapsas, non citra miraculum, in diuersis Galliae locis manifesto apparuisse: easque non solum in templis conspectas, ornamentis altarium, & sacerdotum vestibus, sed in priuatorum etiam consuetis, quibus amiciebantur, indumentis. Priores visae sunt Corbie, vrbe Gallice ita appellata, post necē Domini a Rambur, patritij ordinis, familia valde nobili & antiqua, & Catholicae religioni impense addicti. Qui cum in manus hostium incidisset, vulnere letali in capite accepto, sancte occubuit. Posteriorius in multis Picardiae vrbibus, veluti Ambianis, & Montdidier, simile spectaculū oblatū in sacris corporalibus & mappis altariū, superpelliceis sacerdotum, & vestibus multorum ciuium. Eadem crucis
simu-


simulacra post vigiliam Paschae, die 14. Aprilis, ostensa fuere Parisijs, in plerisque templis, & alijs multis locis, super corporalia & altarium mappas, ecclesiasticorū & laicorū vestes. Vt nemo autem haesitare de hoc miraculo posset, & naturae vires excedere hoc ostentū omnes clare cognoscerent: denuo Burges nouae cruces exortae, quae piorum fidem confirmarent, sicut ex doctorum illius academiae epistolis constitit: coloris autem fuerunt ligni alicuius vulgaris. Est vero Burges, quae Latina appellatione Bituris, & Auaricum a Caesare nominatur, Galliae Aquitanicae antiqua vrbs, Biturigum metropolis, multitudine ciuium, frequentia mercatorum, publicis & ijs insignibus scholis, paucis ciuitatibus in vniuersa Gallia cedens. Sed de apparitionibus S. crucis in Lutetia Parisiorum speciatim dicamus.

XXIII. Maij, die Ascensionis Dom. in tēplo S. Ambrosij, vbi quadraginta horarū continuae preces a populo Parisiensi tunc effundebantur ad altissimū pro illius regni calamitatibus reuocandis, & seditionibus ac dissidijs religionis diuina ope componendis; apparuit crux super podere sacerdotali, camisum Itali, aluam Hispani vocant. Die sequenti 24. Maij in ecclesia S. Mariae, quae est collegij Iesuitarum, magno

gno numero cruces aliae comparuerunt super lintheamina altarium, & mantilia, quae supponuntur sacrae communioni percipiendae; & superpelliciū concionatoris.

Quae res cum diuulgaretur, totus populus conferto agmine vndique confluit, ut cruces spectaret. cum autem turba per duas horas magna contentione concurreret, ecce nouus rumor ad eorū aures peruenit, similes alias cruces multis in alijs templis denuo comparuisse, in aedibus inquam sacris Deiparae virginis a Furscio, S. Vrsini, S. Petri, S. Hippolyti, S. Ostrilli, & sacratis alijs pluribus locis. Deserta igitur ecclesia Iesuitarum, ad alias festini conuolant ciues, sese prae multitudine conculcantes & premētes, maiori contentione, quam prius: praesertim ad illā Deiparae virginis a Furscio, aut rectius, Furni calidi (sic enim vocata ob insigne quoddam miraculum, circa infantem Christianum a Iudaeo in fornacem ardentem coniectum, & a Deipara virgine illaefum ibi seruatum.) ubi apparuit crux duplex, magna & admiranda, instar crucis, quae Christo ei suffixo supponitur; eiusdem lignei coloris, cuius & paruae; longa tres pedes; brachia autem transuersa tam superiora quam inferiora, ex vna parte semipedem, ex alia paulo productiora & longiora existunt,

stunt, ita ut semipedis mensuram aliquantum excedant. Longior & rectior pars crucis, & brachia transversa lata sunt sesquidigitum. Super angulos superioris crucis fertum est, seu corona spinea, instar eius quae hic proponitur.



Sed quod maiorem admirationem auxit, id fuit; crucē illam, quae in Deiparae virginis sacra aede super lintheamen altaris Crucifixi apparuerat, quia locus erat angustus, & tam innumero populo recipiendo, qui confluebat ad eam videndam, non sufficebat, e situ illo leuatam, & muro suffixam prope fenestram, quae lucem copiosam intra aedem immittebat, vt facilius & cōmodius ab vniuerso populo spectari posset, euanuisse statim ferme totam, & pauca vestigia crucis relicta: sed intra horam & semis priori loco restitutam, iterum in eandem formam, integritatem, & colorem rediisse, quibus prius fuerat visa, multis qui adfuerunt, vtramque apparitionem oculatim contemplantibus. Haec narratio ex litteris diuersorum collecta, opera Illustrissimi Cardinalis Senonensis, Archiepiscopi Remensis, Galliarum primatis, viri vt docti, ita religiosissimi, S.D. N. Gregorio XIII. Pont. Max. porrecta, & mihi etiam ab Henrico Alberto I. V. doctore, eiusdem Cardinalis familiari, communicata. Per aliorum etiam epistolas certiores reddimur, alias cruces apparuisse in mappis altaris apud S. Dionysiu de Sarcere, tres in vno corporali apud S. Germanum Altisiodorensem, alias quidem simplices, alias vero duplices, ligni, siue ferri

rubigine confecti , colorem referentes : quae adeo quandoque firmiter & tenaciter inhaerebant , vt nulla arte ac diligentia elui, aut extergi possent.

Quale iudicium ferri possit de istis crucibus in Gallia conspectis .

Cap. XXVIII.

SVNT in rebus quibusdam sua miracula , quae praeter solitum & consuetum naturae ordinem hominibus sese ostendunt: inter quae crux est, futurarum rerum non infida praenuncia. Saepe enim in illa descripta reperiuntur veluti diuina manu, quae non temere & casu esse, vel se-ra posteritas deprehendat: loquitur enim , quando homines tacent . De istis autem Galliae crucibus, quantum humanae coniecturae assequuntur, non possum nisi prospera, fausta, & laeta sperare. Confidendum namque est de diuina benignitate & clementia , quae non solet suos deserere , sed tempore iniquioris calamitatis adesse: opem laturum sacri foederis socijs , qui pro eius obsequio, & auita religione tuenda, decertant . Fidelis namque est Deus , qui non patietur suos milites tentari & affligi supra id, quod possunt, sed faciet cum tentatione prouentum, vt possint diutius & constan-

stantius sustinere. Si enim Deus praeu-
ricatores & desertores fidei orthodoxae
patienter tolerat, & non cōtinuo gladium
suae iustitiae aduersus eos exerit, & arcum
ac sagittas suae potentiae corripit, & de
caelo, vt commeriti erant, tangit, sed sup-
plicium in aliud & aliud tempus differt, &
regnare facit hypocritam propter pecca-
ta populi; cur suos fideles non magis eum
protegere credamus, & tempus eis post
tot erumnas concedere velle respirandi?
Quis enim nescit, quanta & qualia subie-
rint Parisienses mala, quam longam & du-
ram obsidionem, quae inter memorabiles
& celebriores, quae in orbe vñquam con-
tigerunt, perpetuae merito debeat memo-
riae mandari? quantam rerum omnium
caritatem, & annonae penuriam, qualem
famem, quot incursiones & vastationes ho-
stilis exercitus, qualem formidinem, ne ea
vrbe, omni praesenti auxilio destituta, &
ad summam inopiam redacta, potiretur?
Omnia tamen strenue & spōte tolerarunt,
ne detrimentum aliquod fidei Christianae
subesset: fortunas omnes, libertatem, vxo-
res, liberos, & vitam ipsam exponentes, ne
vera religio, falsa inducta, in illo regno abo-
leretur: martyrij imaginem quamdam ve-
luti exhibentes, & fidei suae integritatem
& testimonium posteritati commēdantes.

Quod & aliae Galliae ciuitates sacro foedere sociatae, gloriose praestiterunt: ab hostiū exercitu obsessae nōnullae; quaedā incursiones, insidias, & deuastationes hostiū, & caedes etiam piorum ciuium passae, specimen virtutis & verae fidei dederunt; antesignanam & ducem Lutetiam imitatae, quae velut mater, magistra, princeps, & propugnaculum est totius Gallici regni. Cū autem ea omni humana ope destituta videretur, & praeda hostium facta, continuo lumen caelitus illuxit, & velut Castores nauigantibus, adfuerūt duo exercitus, sacri foederis inquam, & Catholici Regis Hispaniarum Philippi; quorum conspectu & hostis territus ac fugatus, & tempestas sedata, amota fames, & tranquillitas subsequuta: & cū Christus videbatur dormire, tunc primum dexteram porrexit, & bono animo esse iussit obsessos. Dissimulat namque Deus nōnumquam, & differt suis suppetias ferre, delectatus videre pugiles & athletas egregie decertantes, vt potiori illos praemio, victores, & triumphatores coronet. Post tot igitur plagas inflictas, tot labores, & aerumnas pro Christi nomine superatas, numquid obliuiscetur misereri Deus, aut continebit in ira sua misericordias suas? Conuertet nunc demum flagellum suum in Pharaonitas, Amalechitas,

tas, & Philistaeos huius temporis, & victoria certa sui potentur; & post noctem, dies; post tenebras, lux; post tempestatem, tranquillitas; post nubes & imbres, serenitas; post aestum, frigus; post nauigationem, securus portus; post luctum, hilaritas subsequenter; & post captiuitatem, libertas: exauditis Parisiensium precibus, qui pondus portarunt diei & aestus, & aliorum sibi foederatorum populorum, miserebitur Deus, & a iustitiae seueritate sinum eis clementiae aperiet; cum hae virtutes, ceu sorores geminae, se numquam seiungi amplexu mutuo patiantur. Licet enim Deus has cruces caelitus immiserit, non tamen quid significaret explicuit, nec est qui certo earum eventum possit iudicare. Vult enim Deus admonitam, sed ambiguam esse mortalium mentem, & peculiaria quaeque aeternae ipsius prouidentiae nos cuncta concredere: incomprehensibilia enim sunt iudicia eius, & inuestigabiles viae eius: coniecturas tamen nobis ipse permittit, & de praeteritis multis, nonnulla futura iudicare. Non sum propheta, neque filius prophetae: audeo tamen mihi de diuina clementia & liberalitate polliceri, cruces in Gallia ostensas, futuras esse laetas, felices, & Catholicis salutares, & hostibus sacri foederis funestas & luctuosas. Semper enim crux signum est vi-

etoriae ijs, qui sub cruce militāt, si caelo diuinitus immittatur; inimicis autē crucis, symbolū est iacturae, detrimenti, & cladis.

Coepit iam lux crucis, diuinitus in Gallia ostensae, se pādere, & solatium interim aliquod sacro foederi, tādīu afflicto, exhibere, Henrici Lothoringij Ducis liberatione subsequuta, triennium ferme post eius captiuitatis initium, & Hērici parentis, & Aloysij patruī Cardinalis Guisianorū caedem Blesis anno 1588. perpetratam. Qui cum in Turonēsis vrbis arce arctissima sub custodia captiuus teneretur ab Henrico Vendosmēsi, & ab eo saepe tentatus, vt vel errores suos, vel saltem Catholicus existēs suas partes sequeretur, numquam blandicijs, precibus, aut promissis potuit eius animus emolliri, aut minis vllis deterreri, quo minus virtutes & religionem parentis & patruī constantissime sequeretur, libertatem animi potiore ducens, quam corporis, & spem omnem in Deum collocans, largitorem omnium bonorum. Diuino igitur instinctu actus, facinus excogitauit generoso & excelso eius animo dignum, libertatē etiam cū vitae periculo moliri: & fune clāculum parato, & familiaribus suis ad eam rem instructis, per eū e fenestra arcis, quae sola patebat, & ferreis non erat clatris impedita, se demisit. Funis autem a
suis

suis familiaribus sustentatus , ante viginti pedes, quam terram contingeret, eum deseruit, siue quod breuior esset quam oportuisset; siue quod pueri, qui eum tenebant, metu tormentorum, qui in magna copia a militibus arcis explodebantur, perculsi, tandem remiserint. Erat tunc dies XVIII. Kalendarum Septembrium, & exaltationis seu assumptionis Deiparae virginis Mariae, quo caelos triumphans ascenderat: ad quem usque, ceu sibi & maioribus propitium, poenitentiae & Eucharistiae sacramentis munitus, recto consilio fugam distulerat. Casu illo nonnihil laesus, vires continuo resumpsit, & cursu quam potuit velociori, non in flumē arcis proximū se proripuit, vbi tormentis facile potuisset discerpi; sed muros circuiens ciuitatis, quando meridiano tempore omnes eius portae erant occlusae, suburbia penetrauit, non sine periculo insequentium: tandem equo a rustico, quem obuium habuit, per vim adempto, miraculose fluuium tranauit, qui continuo niuib. eliquatis ita intumuit, vt nullus cuique patuerit transitus. A suis, qui eum ultra annum expectabāt, summo cum gaudio exceptus & lacrymis, in loca tuta se recepit: & tandem Aurelianum incolomis, vbi nunc agit, peruenit. Quis non videat, quantumuis stupidus, progressum & proces-

processum totius huius negotij, non tam humana industria, quam crucis & Deiparae virginis patrocinio & subsidio peculiari peractum, & miraculum intercessisse? Proinde crux, quae huius liberationis fuit indicium, futuros euentus alios feliciores etiam pollicetur: & maiora in dies & potiora ab ea speranda. Quod si aliquando cruces caelitus ostensae, pestes, terraemotus, & alia mala indicarunt, id factum aut haereticis principibus populos sibi subiectos pessimo eorum exemplo euertentibus; aut alia pariter prodigia visa, quae significationem crucis deflectere, & alio distrahere, annuente Deo, valuerunt. Et tunc etiam cruces forte significatrices fuere temperamenti & moderationis malorum, quae proxime imminebant: ne totam Deus iram effunderet, & in cunctos mortales defaceret. Itaque crux vniuersim, aut laetum aliquid, aut malorum temperiem, caelitus ostensa, significauit. In crucibus autem per Galliam ostensis nullum triste prodigium comparuit, quod posset, laeta, quae portendunt, turbare: consequitur ergo, victoriam, crucis symbolo, & felicem rerum exitum portendi sacri foederis sectatoribus. Adde, quod in templo Deigenitricis Furni calidi, ubi crux illa ingentior apparuit, formam & figuram expressit illarum crucium, quas
olim

olim milites in pectore gestarunt , qui
terram sanctam expugnarunt , & de ma-
nibus barbarorum infidelium receperunt:
& eandem vniformem , supra vestes ple-
rique milites sacri foederis , pietatis er-
go , & antiquae expeditionis memores ,
collocarunt. Sicut ergo , virtute illius signi,
cruce signati ingentes victorias de Chri-
stiani nominis hostibus retulerunt , & lae-
tos egerunt triumphos ; ita nunc idem vi-
ctoriae signum comparuit , vt admoneret,
in eo hostes , non aliter quam Constanti-
niano , superandos , & penitus fore delen-
dos. Accedit , coronam , quae super crucis
brachia est visa , victoriae etiam esse sym-
bolum , & laeta nunciare , & in cruce pro-
speros euentus polliceri . Quod spinea sit,
bellum significat quod antecedit victoriã.
Quod autem ex vna parte contractiora &
breuiora brachia ostendat , significare non
obscure videtur , aliquam tandem regni
imminutionem futuram , & non ita late , vt
antea , fines eius propagandos . Ceterum
videtur crux illa Catholicos consolari , &
bono animo esse iubere , breui adfuturum
diuinum subsidium , & ipsam interim pi-
gnus rei bene gerendae e caelo demissam ,
& constantes mirabili victoria & corona
potituros . Memini me aliquando legisse ,
S. Euthymium , Patriarcham olim Con-
stan-

Eustathi^{us}
presby. in
eius vita .
Simeon
Meta-
phrastes .
Surius to.
2. die 6.
Aprilis .

stantinopolitanum, vitae innocentia & sanctitate clarissimum, ab Aetherio, conuenticulo malignorum fauente, illius sedis inuasore, contra ius & fas in exilium missum, ecclesiaq. sua pulsum fuisse. Qui dum in insulam, Princepo, dictam, die Sabbati, nocte profunda, vi tempestatis appulisset, quam primum illuxit, vidit crucem in pariete pictam, cum hoc elogio: Christus nobiscum est: state. Qua quidem re vehementer laetus, gratias egit Deo, qui hanc sibi consolationem attulisset.

Nicephorus lib. 17
cap. 3. &
libro 14.
cap. 34.
Cedrenus
pag. 303.

Simile quippiam tradunt Nicephorus, & Cedrenus, Ecclesiasticae historiae scriptores. Anno Domini DXXIX. Iustiniani Imper. II. Antiochiae, quae & Theopolis, id est Dei ciuitas, est appellata; die penultima Nouembris, terraemotus ingens, & grauissima tempestas oborta, totam ferme urbem vastauit, adeo ut vniuersi nudis pedibus supplicatum processerint crebris eiulatibus. Cum Deus religioso & pio cuidam viro visione & oraculo indicauit, ut pro foribus, vel liminaribus superis domorum, inscriberent: Christus nobiscum: state. Quo facto, ira Dei resedit, & terraemotus cessauit.

Non solum Euthymio, & Antiochenis haec salutaria verba, sed vobis etiam Parisiensibus & foedere iunctis socijs fiunt, & ijs sua propria manu Deus subscribit, & genui-

genuino signo crucis chirographum munit; quo metum secludatis, & soluat pectore curas. Hanc, si sapitis, pro symbolo & amuleto in vexillis, signis militaribus, armis, & clypeis gestare sententiam debere-
tis, signo crucis coniunctam: ut prospere vobis & ex animi sententia omnia cedant, sicut cuncti qui pietatem colimus, vobiscum optamus. Durate igitur, & vosmet rebus seruate secundis. Noua res oblata, timorem lenit. Hic primum sperare salutem ausi, & afflictis melius confidere rebus, ut Ethnici Virg. 2.
Aeneid. poetæ verba in nostrum institutum commodè transferamus. Habetis Deum propitium & fauentem, qui praesto vobis in quacumque pressura aderit. Habetis eius vicariam curam in terris agentem Gregorium XIII. qui totus suppetijs vobis ferendis incumbit, & ut verus pater, & pastor, sollicitus est de vobis. Habetis Philip-
pum Hispaniarum Regem Catholicum protectorem & tutelarem vestrum: habetis multos principes finitimos, qui pro vobis decertant. Habebitis praeterea legiones Angelorum, qui vestra castra sequuntur. Non est igitur, cur formidatis, & pauore concutiamini. Si enim Deus pro vobis, quis contra vos? qui enim non est vobiscum, contra Deum est; & qui non colligit vobiscum, dispergit. Negotium Dei agitis:
iura

iura & leges sanctas eius ac inuiolatas tue-
mini, res communis & publica a vobis tra-
ctatur, quae tantū interest Italiae & Hispa-
niae, quantum & Galliae: sua enim cuique
res agitur, paries cum proximus ardet. Ser-
uate igitur Italiam & Hispaniam in Gal-
lia, vt ambae hae prouinciae perpetuo
pro tanto sint vobis beneficio deuinctae,
& obsequio obligatae. Salus enim harum
trium ex religionis obseruantia pendet;
qua neglecta, omnia in praeceps ruunt, &
dissipantur monarchiae, imperia, regna;
& quicquid sub Sole est, firmum consiste-
re nequit, sed continuae mutationi subia-
ceat necesse est. Religio namque Catho-
lica Christiana, quam a maioribus veluti
haereditariam accepimus, a sanctis patri-
bus confirmata, vinculum est pacis, con-
cordiae, vnionis; quam qui abiecerint, &
alia falsa suffecta, deseruerint, tenebras
sibi offundunt, Babylona conciliant, & se-
mina perpetuae discordiae nutriunt. At de
hac re hucusque satis: ad alia multa, quae
de cruce supersunt dicenda, transeamus.

Quid significarint cruces inter sese con-
cussae. Cap. XXIX.

TEMPORE Phocae Imperatoris, qui
coepit regnare anno Domini 595. cum
in

in oppidis quibusdam, quae Siceis erant finitima, supplicationes de more fierent, & cruces, quae gestari solent, horribili mirandoque spectaculo per se cōcuterentur, & commouerentur; interrogatus S. Theodorus Siceorum Archimandrita, quid sibi id vellet? respondit: Deum, o filij, precibus placate, quoniam magnae mundo imminet calamitates. Idem a Thoma Patriarcha Constantinopolitano, multis precibus exoratus, & abiuratus etiam, vix illi dedit responsum. Tandem dixit, eam crucium concussione, multa Christiano populo graua, molestaq. praenunciare: plurimos, inquam, a Christiana religione defecturos, barbararum gentiū incursiones, & magnam sanguinis effusionem, & ingens exitium, & in vniuerso orbe seditiones futuras, & sanctas ecclesias deferendas, & diuini cultus atque imperij interitum, & aduersarij aduentum appropinquare. Quae omnia, ita vt sanctus Theodorus praedixerat, euenerunt, imperante Phoca, qui a Cedreno in annalibus, vinosus, mulierosus, sanguinarius, rigidus, in dicendo ferox, a miseratione alienus, moribus feris, & haereticus describitur. Eo tempore, quo cruces sunt cōcussae, Hebraei, qui Antiochia degebant, seditionem aduersus Christianos mouentes, interfecerunt Anastasium, magnum

Georgius
presbyter
in S. Theo-
dori vita.

Simeon
Metaphr.

Surius to-
mo 2.

22. April.

& tom. 3.

5. Maij.

Cedren^o
pag. 334.

Cedre-
nus pag.
334.

magnum Patriarcham eius vrbis, pudendis eius in os ipsius etiam insertis, pariterque cum eo multos ciues trucidarunt: idq. factum anno Phocae VIII. qui fuit Christi 603. in praecedenti autem fuerant cruces concussae. Scribit idem Cedrenus, quemdā sanctum monachum ante Phocae caedem, cum Deo veluti disceptasse, & quaesivisse, cur tam impium Christianis imposuisset Imperatorem? responsumque per vocem accepisse: Deteriorem alium inueniri potuisse nullum: sed hoc meruisse Constantinopolitanorū flagitia. Heraclius ob huius tyrannidem Imperiū occupauit: & Phocam ignominiose solio deiectum, Imperatoria veste spoliatum, atraque indutum, manibus & pedibus primum, mox capite & pudendis trūcatum; quod reliquum fuit militibus tradidit, qui illud in foro Bouis combusserunt.

Sunt, qui dicāt, in mutatione Gallici regni de Merouingis ad Carlouingos, & de Carlouingis ad Capetingos, cruces caelitus visas in Gallia, pisces, & coronas: verū hoc nullo fundamento, aut auctore, quod hucusque sciam, comprobatur, & ideo ab illis describēdis abstinui. Nunc reliqua de cruce prosequamur. Tractaturi sumus post hac de materia crucis, de mensura, de tempore, & caussa quare fuit occulta, de eius-

eiusdem inuentione, exaltatione, usu, & rebus tandem eius admirandis: & ita finem huic libro seu tractatui imponemus.

Quae fuerit materia Crucis. Cap. XXX.

QVAE fuerit materies, ex qua Crux Christi fuit confecta, in qua pependit, & suffixa est nostra salus, certo non constat; sed coniecturis non leuibus ducti, inuestigari eam, & explicari posse speramus. Fuit Gottefridus Viterbiensis, sacris Imperatorum scrinijs praefectus, qui referat somnia quaedam: Hiontum Noë filium, a patre edoctum, amoenitatem & delitias paradisi concupiisse illum videre, a Deoq. per ecstasim mentis illuc translatum, compotem factum sui desiderij: in regressu autem tria germina plantarum nobiliorum legisse, abietis, palmae, atque cupressi; quae diuersis locis plantata, in vnā se miraculo contraxerunt, & ex tribus vna coaluit, naturam & vires singularum referens; hocque arborum postea genus copiosū in saltu Libani prouenisse, quibus vñs Salomon in construendo templo Domini, ac ex ijsdem Crucem paratā & confectam Ierosolymis, in qua Christus pateretur. Sed quis nō videat haec fabulis esse proxima, & narrationes somniorum,

Gottefridus Viterbiensis chronico-
rū par. 14.

& Noë non habuisse filium, qui Hiontus diceretur, & nobiliores alias plātas ac rariores potuisse in paradiso legere, quae non essent adeo vulgares, & toti orbi communes? Quare figmentis his reiectis, veritatē ex subiectis venari studeamus. Crux Christi, quantum consequi possum, & firmis rationibus, & verisimilibus argumentis deducere, non ex alia materia, quam quer-
na fuit confecta; cum copia, color, duri-
ties, firmitas, & integritas, & alia his adiuncta, & consequentia, quae hodie in sanctissimi ligni Crucis particulis visuntur, cum quercu exactissime cōueniant. Quod & ante nos sensit Ioannes Goropius Becanus lib. 5. Gallicorum. In Iudaea profecto nullum lignū isto cōmunius, nullum alere tellurē illam copiosius, diuersa sacrarum litterarum testimonia demonstrant. Quin etiam id obseruare licet, valles quasdam a quercu nomen concepisse, eo quod in huiusmodi locis quercus quondam luxuriarent; vt vallis Mambre, vbi quercus fuit Ogygis, iuxta quam Noë & Abraham in Hebrone habitarunt. Querceta item iuxta Ierusalem frequentia, & inter alia Bethel, quercum fletus nobilissimā habebat. Quid commemorem Samariae montem, Basam nomine, quercetis celeberrimum? Nunc etiam ea regio nulla planta magis abundat,

*Ita Lysius lib. 3.
c. 13. fol. 04.*

dat, quam quercu, siue ab Ioppe maritima vrbe pergas Ierosolymam, siue ad radices montis Sion prope eandem, siue ab ipsa ad Galilaeam, siue Samariam vltius progrediari. Quo fit, vt quercus per omnem Iudaeam, Galilaeam, & Samariam, sicut extitit olim, ita & nunc sit copiosissima, cedrus in saltu Libani, castanea vbique frequens, pinus rara, terebynthus & sycomorus rarissimae. Ex quercu igitur verisimilius est carnifices crucem parasse, & a lignarijs vilius ceteris emisse. Ex qua enim materie communiore, & emptu vi-
liori, crux Christi, quam ex querna parari potuisset? Nec credibile est, carnifices, cedrina, cupressinaue ligna, quorum penuria & caritas Ierosolymis erat, & non nisi in ditiorum vsus veniebant, voluisse nimia fisci liberalitate comparare, praesertim in tanta temporis angustia, quanta intercessit inter Pilati praesidis sententiam, & productionem Christi ad crucifixionem. Nisi forte artifices in promptu haberent cruces confectas, pro ijs, qui frequenter eo supplicij genere afficiebantur. Nulla igitur materia adeo praesto esse potuisset, nulla promptior, & consuetior, nulla minori vendibilis, ex qua Christi crux compingeretur. Ad crucifigendos praeterea homines, materia opus erat, quae clauos firmis-

fimo nexu teneret. At hoc nulla arbor melius, quam quernum robur, praestat: est enim firmissimum, ac solidissimum ex ea lignum. In terra nihil firmitus, in mari nihil perennius. Ad omnes ferme usus adhibita, ceteras cunctas excedit. Ad pondera ferēda, eius materia aptior, ad fabricas aedium solidior, ad structuram fundādarum nauium excellentior; ad ignes alendos, omnium citra controuersiam praestantissima. Tyrios, quercus de Basam dolasse in remos nauium, Ezechiel profitetur: & Amos Amorrhæum, fortem, quasi quercum vocat, quod nullum lignum robustius ac fortius eo agnouerit. Crucem, Plutarchus in vita Coriolani, eam currus partem definit, cui temo innititur, quam firmissimā robustissimamq. esse oportet. Qua de re colligere licet, e quercu ea fieri solere, quae ut firmissima essent, & tenacissima, usus postulabat. Italici certe, Hispanici, Gallici, ac Germanici hactenus ad hanc currus partem robur deligitur quernum, ubi eius copia datur: non enim ubique ea materia suppetit: alias vecordis esset hominis, deterius lignū praeferre meliori. Hinc Plinius quercus robustae materiae laudem super omnes tribuit. Accedit, quod crux Christi grauiſſima gestatu euaserit, oportueritque eam, quam ipse ob ingens pon-

Ezechiel.

27.

Amos 2.

Mat. 26.

Marc. 15.

Lucæ 23.

pondus portare nequiuerit, a conductitio
Simone Cyrenaco, homine rustico, & viri-
bus pollente, in destinatum Caluariae lo-
cum vehi. Consequitur ergo, grauissima
illam ex materia confectam, nullaque ma-
gis, quā querna, quae nostratum arborū
ligna vincit pōdere omnia. Color praeter
ea ligni quercini cum colore Crucis adeo
consentit, vt nullū discrimen inter vtrum-
que deprehendatur: contuli namque quer-
cini ligni fragmenta cum particulis san-
ctissimae Crucis, quae tam in Basilica S.
Crucis Romae, quam alibi locorum asser-
uantur, deprehendique nō esse aut aquam
aquae, aut ouum ouo similia, quam ea
inter sese sint. Sed, quod praecipuum est,
nullum lignum quercino diuturnius, nul-
lū, quod sciatur, inter nostratia viuacius,
adeo vt quercum vnā duo mille quingē-
tos annos superasse compertum sit: quod
& mox docebimus. Certum est, quernum
robur, sub terrā defossū, in ebani tum du-
ritiē, tum colorē trāsire, nec vllō vñquam
tempore corrumpi, aut sub aquis vitiari.
Hinc quercus vitae, vel liberationis a mor-
te symbolum habetur, quod viuacissima
ceterarum arborum ea sit. Hinc in Septen-
trionali plaga, Herciniae siluae roborum
vastitas, intacta aeuis, & congenita mun-
do, a Plinio censetur. Vnde Graecis *δρῦς*, & *Plin. lib. 16. cap. 2.*

Latinis tam quercus & ilex, quam robur etiam dicta, tum quod genus arboris graue ac durum sit, tum adeo quod in ingentem euadat altitudinem. Quercus illa in Mambre ab Abrahamo, usque ad Constantium Imperatorem, Constantini Maximi filium, culta perdurauit, & in Abrahami tabernaculi loco nundinae celebri mercatu quotannis habebantur, ut B. Hieronymus refert, & Isidorus. Quo fit, ut annos vixerit 2260. qui ab Abrahamo ad Constantij Imperium fluxerunt: cum antequam ab Abrahamo coleretur, Ogygis etiam, hoc est Noë, qui in Hebrone aliquando habitauit, possessione teneretur. Ut annosissima haec quercus 2500. vitae annos excesserit, nullo, quod homines norint, exemplo, canescens utique seculis innumerabilibus, multo certe vetustior, quam Mariana illa, quam Cicero dixit duraturam tamdiu, quamdiu Latinae loqueretur litterae. Cum autem sanctae Crucis membra, & particulae multae per totum orbem Christianum integrae & illaesae, & citra ullam cariem & corruptionem usque hodie perseuerent; credendum ex querno ligno constare. Nullum namque lignum, citra miraculum, tot seculis incorruptum perdurasset, summaque praeditum esset duritia, praeter istud, quod vix nescit ullo

tem-

Hierony.
9. in Gen.
& lib. 3. in
Zachar.

cap. 11.

Isido. lib.

Orig. 17.

cap. 7.

Cicer. ad
Attic. lib.
13.

tempore aut mori, aut deficere: cum cetera ligna teredinem & senium sentiant, tempusque illa absumat. Nulla praeterea, quercu, religiosa magis arbor, sacratiorque habetur, subter quam tot sunt celebrata a Deo ipso & angelis eius mysteria. Subter illam namque, quae in loco Mambre erat fata, foedus cum Abraham pepigit Deus Gen. 17. vniuerso generi humano salutare, circūcisio indicta, promissiones diuinae sobolis factae, Isaac ipsi & sacrae cōiugi annūciatus, Dominus peregrini habitu visus, angeli hospitio excepti: vt omnium ferme arcanorum glandifera haec quercus conscia, testis, & veluti a secretis extiterit. Subter aliam quercum in Sichem Iacob Gen. 35. Patriarcha idola cum suis inauribus, a familiaribus suis sublata, effodit. Sub eadē, Iosue imperator post Mosē Israēlitarum, Iosue 24. foedus inter Deum & populum Hebraeorum denuo innouauit, ab illa ingrata gente iam iam abolitum, & antiquatum: vt ipse esset suus Deus solus, & illi suus peculiaris populus, vt illi hic vitae suppeteret necessaria, & post mortem vitam largiretur aeternam: in cuius rei testimonium saxum ingens subter quercum recondidit. Ab eo namque tempore, quo Iacob illic simulacra terra obruerat, locus hic sacer esse coepit. Falsi namque dij & infana simulacra

hic alta sub humo fuere depressa, & perpetuis tenebris condemnata: sicut pater idolorum sub cruce perpetuis tenebris est sepultus. Atque idcirco Iosue voluit in eadem quercu extare, foederis, quo Iudaei idola abiurarant, monumētum, vt rursus recordarentur, quondam a Patriarcha Iacob, hic omnem idolomaniae apparatus defossus, obrutusq. fuisse, & se numquam ad idolorum cultum descensuros solemniter iurasse. Quercus igitur symbolū fuit, quo admonebātur Hebraei stare Dei promissis, & omnem eorum vitam constare in abiurandis & detestandis idolis, diuinoque se cultui & obsequijs mancipandis. Et foedus, quo firmitus maneret bono omine, initum fuit sub quercu, sub qua multis antea aetatibus promissionē acceperat generis sui, in semine benedicto, omniūq. gentium consecrationem. Quercus igitur veteris legis signum fuit, & symbolū crucis Christi, Ambrosio & Augustino attestantibus, tam quae fuit in Mambre, quā quae in Sichem, ab Abraham, Iacob, & Iosue celebrata; tum etiam sub qua Angelus Gedeoni apparuit; & illa itidem ad radices Bethel, sub qua Debora nutrix Rebeckae fuit sepulta; quam Synagogam adumbrasse, sub cruce Christi sepeliendam, iidem fatentur. Super quercum etiam crux primo Aragonum

Ambros.
prologo
de Spiritu
sancto.

August.
in Iudic.

q. 30.

Iudic. 6.

Gen. 35.

num Regi apparuit, vt ante diximus. Nec conturbet quemquam, quod subter terebynthum Iacob legatur idola defodisse: pro quercu enim terebynthus scribitur: cum tamen ex scriptura sacra cōstet, eamdem prorsum hanc cum Sichemica fuisse, sub qua Iosue foedus percussit, & Iacob idola defodit; & vbiq. Elah, id est quercus, in Hebraico exēplari habeatur. Sed haec, quae hucusque in mediū produximus, coniecturarum fines non excedunt: habemus autē firmiorem propheticum sermonem, Esaiiae inquam vaticinium, quod litem hāc dirimat, mirabile illud quidē, & quod nostram sententiā clarissime exprimat, quercum fuisse lignum, in quo Christus pependit: de populis Hebraeorum & gentium in haec verba loquens: Longe faciet Dominus homines: & multiplicabitur, quae derelicta fuerat in medio terrae, & adhuc in ea decimatio, & conuertetur; & erit in ostensionem, sicut terebynthus & quercus, quae expandit ramos suos. semen sanctum erit, quod steterit in ea. Praedicat namque hic Esaias, partem populi Iudaici indurandam, partemque diuino lumine illustrandam; vastandos Iudaeos a Romanis, atque decimandos, reliquias tamen eorum seruandas per crucem quernam, semen benedictum, & totius humani generis salutem.

Esaiiae 6.

Certe

Certe est locus insignis, & animaduersione dignissimus, ad ligni Crucis certam materiam austruendam. Et iam non coniecturis & argumentis, sed veritate & certitudine rem ita esse definiri forte posset, & illud Virgilianum possemus canere, veluti vaticiniū quoddam a poëta mysterium ignorante praedictum.

Virg. Ec-
cloga 4.

Et durae quercus sudabunt roscida mella.

Solet enim nectareus & caelestis ille ros in quercum praecipue & robur influere, sicut Christi diuinus sanguis in crucem.

Quod si diuersitas materiae admitteretur in Cruce, erecta trabs citra dubiū quercu statutuenda esset, trāsuersaria ex alio ligno assignāda; ita vt solida Crux duobus tantum contineretur generibus. Nam index, seu titulus, a Pilato adfixus, Crucis pars neutiquam fuit, & alia ex materia cōfectus dignoscitur, quae cariem & vetustatem sensit: quamquam non citra miraculum ad nostram vsque aetatem seruatum censuerim, cū materies pinea videatur. Si aliqua tamen materies cum quercu societatem deberet inire, oliuae ea esset, cum qua quercus odium gerit adeo implacabile, vt iuxta se satam extinguat. At quercus, quod asperis, spinosis, seu aculeatis frondibus sit, seueritatis, duritatis, & acerbitatis insigne habetur, sicut e contrario olea, pacis,

cis, mansuetudinis, ac lenitatis indicium.

* Quare recte excogitari posset, quernos ramos, frondes, & fructus, cū oleaginis complicare: cum iracundia, summaque seueritas, summa cum humanitate & clementia coniunctae significantur: & asperitas ad lenitatem benignitatemque inflexerit, & a prisca illa rigiditate fuerit alicubi tēperatum. Discors igitur vtriusque symbolum, in concors aliquod, foedere inito, posset isto modo copulari. Sicut enim corona ciuica ex quercu nulli magis quadrat, quam Christo, qui non vnum & alterum, sed cunctos Romanos ciues, immo totius orbis gentes, ab interitu sua nece in ligno querno seruauit; ita nec fertum ex quernis, & oleaginis frondibus & fructibus concinnatum, appositius quemquam decet, ac Christum, qui seueritatem veterum temporum sanguine fuso noua gratia mitigauit; & quae procul aberant, prope constituit: inimicitias aeterni Patris cum hominibus, populi Hebraeorum cum Gentili componens; totque modis discordes, in vnum foedus contraxit: duritatemque acerbam multis humanitatis condimentis mitigauit, & ad hilariorem statum conditionemque traduxit. Sicut igitur Christum salutis nostrae auctorem spinea corona in cruce ornauit, ita resurgentem, & in caelos conscenden-

* *Pierius Val. l. 53.*

Tic. Quiritia emol.

lita fol. 560.

et lib. 51. tic.

Ina delimita

fol. 545. Plin. l.

24. c. 1. Theo.

phras. l. 3. c. 8.

et 9. Sixt. Plane

scendentem, tam ciuica, quam quernum & oliuaceum permistim fertum, eius diuina tempora debuissent cingere, redimere, & exornare. Vt quercus videatur iam continuisse spinas, oliua in copiosius & vberius misericordiae oleum se totam effundere, quercusque amicitiam non vt olim detrectare. Haec diffusius aliquanto tractui, quia non potui me Crucis cōtinere materia, quae velut impetu quodam in sui affectum pertraxit.

De mensura Crucis Christi. Cap. XXXI.

Brocard.
Christia-
nus Adri-
chom.
Antiquae
traditio-
nes.

EX antiquis traditionibus & monumētis constat, & a tempore Helenae Augustae, quae crucem inuenit, obseruatū, Crucis erectam trabem quindecim pedum fuisse, transversarium autem lignum octo pedes patuisse; cruceſque latronum eiusdē prorsus fuisse magnitudinis, materiae, formae, & figurae. Quod fuit in caussa, vt Helena inuentas omnes tres, citra miraculum distinguere nequiuisset, quae Christi, quae latronum existerent.

*Quantum temporis Crux Christi deli-
tuerit. Cap. XXXII.*

ANNO natiuitatis Christi XXXIII.
nondum expleto, sed per tres menses
&

& dies decem tantum inchoato, quartade-
cima Luna, quae incidit in feriam sextam,
III. Aprilis, Christo de Cruce deposito, in-
terim dum corpus aromatibus cōdiretur,
& lintheaminibus ritu Iudaico tegeretur,
sepulturae tradēdum, carnifices in vallem
monti Golgotheo subiectā cruces praeci-
pitant Christi & latronū cum illo concru-
cifixorum, terra tantisper obruunt; ne li-
gna cruore madentia, & supplicij damna-
torum memoria horrorem incuterent, &
festiuitatē Paschalem simili spectaculo vio-
larent. Super quae egestis ac exoneratis ci-
uitatis sordibus, vallis tādē tota fuit op-
pleta: atque hac ratione triumphale illud
Crucis lignū, sub magno sordium aceruo,
CCXCVI. annos alte sepultum iacuit,
ac mensem vnum. XX, namque Constan-
tini imperij anno, Helena Augusta, pij Im-
peratoris pia mater, in somnis oraculo ad-
monita, reque cum filio communicata, Ie-
rosolymam petijt, ad illa sancta loca in-
uisenda, quae Christi fuerant praesentia
consecrata, & preces efundendas pro filij
& nepotum incolumitate, ac Imperii fe-
licitate, quod administrabūt; & ad inuesti-
gandā Christi crucē & sepulcrū, quae ter-
rae defossa latitabant. Non longi itineris
fastidiū & labor, non senectutis molestia,
ab ea profectioe suscipienda illam auo-
carunt.

Eusebius
in vita Cō
stantini
lib. 3. cap.
42. 43. 44.
45.

S. Hiero-
ny. tom. 1.
epist. 13.
ad Pauli-
nū. & tom.
3. in loc.
Act. Apo-
sto. littera
H.

Ambros.
tom. 3. in
oratione
funebris
Theodosij
Imp.

Ruffinus
in Euseb.
hist. Eccl.
lib. 10. c.
7. & 8.

Socr. lib. 1.
hist. Eccl.
cap. 13.

Cedrenus
in Annal.
pag. 234.
243.
Theodor.
lib. 1. cap.
18.

Sozome-
nus histo.
Eccle. lib.
2. cap. 1.
& 25.

Niceph.
lib. 8. hist.
Eccl. cap.
28. 29 30.
& 50.

Petrus de
Natalibus
in Catal.
sanctorū.
lib. 4. cap.
117.

carunt: erat enim tunc prope octuagena-
ria. Sed veluti adolescentula, & virili robo-
re praedita & animo, iter illud adorta, feli-
citer confecit. Erat tunc annus Christi na-
ti CCCXXIX. & sequenti Constantino-
polim ad filium est reuersa, qui fuit XX I.
Imperij eius & Christi CCCXXX. Olim
quidem viri, impij & scelerati, & istorum
subsidio & ministerio vniuersum daemo-
num genus omni studio incubuit, vt illa di-
uinae immortalitatis monumenta, Crux,
& sepulcrum, tenebris, & obliuione, & cae-
dibus hominum abolerentur; terra extrin-
secus etiam aduecta, quo altius obrueren-
tur. Diuino tamen consilio & prouidentia
factum, vt Crucis & Dominici sepulcri
thesauri, tempore, quo in Christianos &
Crucem Iudaei & Gētiles adeo saeuiebāt,
reconditi & occulti fuissent, ne ab ipsis fu-
rentibus sepulcrum dirueretur, & Crux
aut imminueretur, aut exureretur, quod
in ipsa superstite passio Christi coleretur a
fidelibus. Cum autem pax fuit reddita Ec-
clesiae, thesauri detecti, sanctum sepulcrū
patuit, Crux denuo emicuit; & quae diu-
tius delituerant, rursus sub aspectū mor-
taliū venerunt. In crucifixionis namque
loco Veneris statuam ac fanum dedica-
rant; sicut in sepulcri, Iouis; & in Beth-
leem ad praesepe Saluatoris, simulacrum,
delu-

delubrum, & lucum Adonidis, impudici Brocard,
Veneris amasij, collocarant, vt fideles ^{itin.6.}

Christum ijs locis adoraturi, ea potius si-
mulacra colere & adorare viderentur. Ce-

terum non est sapientia, non est prudentia, <sup>Salnia-
cus tom.
7. cap. 3.
4.5.6.7.&
tom. 8. c.
3.</sup>
non est consilium contra Dominum, qui
passionis suae trophaea in manibus perfi-
dorum seruauit illaesa, quae Christiani ob
diuersas persecutiones aegre custodire

possent, tanto maiori gloria & honore a
pijs exaltanda, quanto maiori ignominia
ab inimicis & impijs hominibus fuerant
olim affecta: & vbi detestabiles victimas,
super impuras aras, & omni nequitiae la-
be pollutas, immolauerant, ibi Constan-
tinus verum Dei cultum restitueret, Deo
adiutore inuocato, urgente eam religionis
operam Helena Augusta, sancta femina,
sancti Imperatoris procreatrice, & institu-
trice, Qui communi consensu, diuino spiri-
tu afflati, illam terrae portionem, hostium
scelere contaminatam, perpurgari in pri-
mis iusserunt; & aedificia falso cultui con-
secrata, vna cum statuis & daemonibus,
disturbari, dirui, & ad solū prosternei prae-
ceperunt, Et materia eorum quae erant
deiecta, siue lapidea illa esset, siue lignea, &
terra ipsa ad ingentem altitudinem defos-
sa, vt impura daemonum contagione infe-
cta, extra loci fines, quam longissime ex-

por-

portari voluerunt. Sordibus igitur solo egestis, praeclarissima illa Crux, cum alijs duabus latronum, & titulo Crucis Hebraice, Graece, & Latine a Pilato praefide scripto, III. die Maij, anno Christi labente CCCXXIX. a tempore Crucis sepultae CCXCVI. comparuere, maximo cum gaudio Helenae Augustae, & fidelium, qui tunc magno numero conuenerant. Ambiguum tamen & anxiam mentem reddidit Helenae, crucium paritas, & vniformitas, qua argumento humano vera crux Christi ab illegitimis latronum distingui nequibat. Sed diuino numine inspirata Regina, Macario Ierosolymorum Episcopo etiam suggerente, rem omnem diuino consilio & prouidentiae committunt: & miraculo res indicata. Effusis namque ad Deū precibus, feminae indigenae, honesto loco natae, iā moribundae, omnique ope & spe vitae destitutae, cruces latronum adhibentur, quae nihil profecerunt; vt autē vera crux Christi admota; continuo a portis mortis reuocata, incolumis surrexit. Idem praestitit sacrosanctum illud lignum, super mortuo impositum, qui mox eius contactu reuixit, vt testatur S. Paulinus Episcopus Nolanus, aetate Augustini florens, Sulpitius Seuerus, & Sozomenus, & Nicephorus, & Paulus Diaconus. Compos igitur voti facta

Bea-

Sozome-
nus histo.
Eccl. lib.
2. cap. 1.
S. Paulin⁹
episto. 11.
ad Seuerū
Sulpitiū.
Paulus
Diaconus
lib. 11.

B. Helena, maximā partem Crucis, argētea theca inclusam, Macario asseruandam concedidit, opportuno loco & tēpore, vt decebat, collocādā, in memoriam posterorū templo illo, omnium quae erāt in orbe, augustissimo & celeberrimo, LXXIII. marmoreis columnis ingentibus suffulto, marmoribus varicoloribus, aureis & argenteis ornamentis decorato, a Constantino filio denuo magnis sumptibus, & regia liberalitate constructo, ad excipiendum & continendum sanctum sepulcrum Christi, & locū crucifixionis eius in mōte Golgothaeo, quod Ierosolymam nouā nuncupauit. Partem alterā Crucis eadē Helena Augusta ad filium Cōstantinopolim misit, simul & coronam spineam, & clauos intra sepulcrum Christi repertos. Portionem etiam aliam cum titulo ipsius Crucis, Romam ad basilicam S. Crucis a filio in atrio seu palatio Sessoriano conditam, cum aliquot spinis coronae Domini, & plerisque alijs instrumentis passionis eius, transportandam curauit. & quae prius S. Crucis, deinceps ad imitationem magni templi Caluariae, in Ierusalē appellari coepta est. Multas praeterea naues, terra onustas, ex agro Acelde-
ma, siue sanguinis, illuc trāsmisit: quam ad coemiterium, quod hodie ideo Campum sanctum vocant, e regione basilicae Vati-
H canae

Niceph.
hist. lib. 8.
cap. 29.
Sulpitius
Seuerus
hist. lib. 2.

canæ exonerarunt: & multo plures, quæ undique ex locis sanctioribus collectam terram transueherēt, & per basilicas alias, templa, & coemiteria celebriora Urbis, iis quibus cura data fuit, ex præscripto ipsius Augustæ distribuerent. Ita Roma sanctitatis cognomen meruit, ut alma Vrbs diceretur, non solum quia sedes est vicarij Christi, materq. & caput ac magistra omnium Ecclesiarum, & sanguine tot martyrum intincta, corporibusque tot sanctorum veluti gemmis pretiosissimis ornata, sed quod terra sancta, ex sacratioribus locis congregata, sit in eam comportata, quā Christus Deus, & B. virgo eius mater, Apostoli & discipuli, sua præsentia illustrarūt, & pedibus calcauerunt, sed de his hucusque satis.

Quid tandem actum est de præcipuis partibus

ligni S. Crucis. Cap. XXXIII.

MA G N A illa pars Crucis, quæ Constantino Maximo Imp. obtigit, dono suæ pijsimæ matris, summo cum gaudio ab ipso excepta, Fide autem, qua erat præditus amantissimus Dei Imperator, concepit, & secum ipse reputauit, ciuitatem quæ pretioso illo ligno frueretur, & in suo thesauro sacro cōtineret, saluā & felicem semper futurā: eā igitur statuae suæ inclusit, & super columna collocavit porphy-

Niceph.
lib. 7. hist.
cap. 49.

phyretica, quam ipse magnis sumptibus
erexerat, in eo, quod dicitur Constantini,
foro: vt ita ab iniurijs imbrium libera, &
a sectione & partitione esset immunis, &
integra & intacta isto modo seruaretur.
Aduecta autem fuerat ea columna por-
phyretica Roma Constantinopolim, val-
de maxima; & statua ipsius aerea suprapo-
sita, elegantissima erat; quae dextra manu
globum aureum continebat, cui veneran-
da crux erat infixata, cum hac inscriptione
subiecta: Tibi Christe, Deus, urbem,
hanc commendo. Sub basi duodecim co-
phinos, & septem sportas, nec non reli-
quias septem panum, quibus Christus be-
nedictione sua consecratis, multitudinem
hominum pavit; praeterea dolabram Noë,
qua ille arcam diluuii imminente constru-
xit, Imperator manibus ipse suis, sigillo
suo obsignata, reposuit. Statua item eius-
dem aerea extabat Constantinopoli, quae
orbem dextra teneret, cum crucis simula-
cro infixato, quod symbolum erat, orbem
maris & terrae per crucis virtutem deui-
ctum & subiectum fore. Quod & succe-
dentes postea Imperatores & Reges, pro
signo Imperij, beneficio Crucis parti, per-
petuo usurparunt. Hanc statuam, vetusta-
te imminutam & deformatam, Emanuel
Palaeologus instaurauit. Ceterum portio

Niceph.
in dedica-
tione ope-
ris histo-
rici.

illa Crucis, quam Helena Augusta ad basilicam S. Crucis Romam misit, secta in multas partes, vt ecclesijs intra & extra Urbem & Episcopis & principibus viris particulae donarentur: tres nūc solum portiones eius supersunt, quae trium digitorū humanae manus vix aequāt magnitudinem, in sacratione illius tēpli parte reconditae cū aliquot spinis coronae Christi, & clauo vno crucifixionis, & cum dimidiato titulo Crucis Hebraice, Graece, & Latine, iubente Pilato, conscripto: nam altera medietas sub altari recondita fuit, quae in sacello S. Helenae nunc religiosius extare creditur.

Maxima & praecipua portio Crucis, quae Macario Ierosolymorum Episcopo ab Helena Augusta, theca argentea clausa, consignata fuit, vt sacrationi templi nouae Ierusalem loco, simulatque dedicatum & consecratum fuisset, reponeretur: inuitatis Constantinus Imperator cunctis Patribus qui ad Synodum Tyro conuenerant, vt quamprimum Ierosolymam pergerent, & templum illud a se denuo constructum, super Golgothaeum montem & sepulcrum Christi, solemni ritu consecrarent: sicut & fecerunt die XIIII. Septembris, collocata solemniter Cruce in sanctiore eius basilicae loco, & constituto vt dies ille esset anniuersarius & perpetua reli-

religione recondendus, in memoriam exaltationis Crucis, quae de fordido ad gloriosum fuerat locum translata. Hic dies deinceps celebris, & peculiari cultu religiose seruatus ab Ecclesia Graecorum: populoque crux ostendebatur statis anni diebus, ab Episcopo, praesertim Paschatis & exaltationis festiuitate, & octiduo sequenti, confluente ad hoc tam pium & religiosum spectaculum infinita hominum vtriusque sexus & conditionis multitudine, adoratura illud Christi victoriae signum cultu latriae, qui debetur soli Deo, & rebus quae suo pretioso sanguine cruentae aliquando fuere. Testatur autem Paulinus Nolanus Episcopus stupendum plane ac perenne miraculum de ligno sanctae Crucis toti orbi notissimum. Nam cum vndique, ex remotissimis etiam regionibus, Ierosolymam religionis ergo Christiani confluere consueuissent, acciperentque de ligno sanctae Crucis particulam; illud, diuina quadam virtute operante, nullam sentiebat ex diminutione & diuisione iacturam. S. Cyrillus etiam affirmat, totum terrarum orbem ligno sanctae Crucis, Ierosolymis accepto, esse locupletatum. Quo profecto fieret, ut si omnes particulae, quae ex hoc ligno sanctae Crucis aliquando excisae & decerptae fuerunt, in vnum coalescerent, maio-

S. Paulinus
episto. 11.
ad Severum
Sulpitium.

S. Cyrillus
Catechesi 10.

rē multo crucem, quam olim, essent formaturae; operante & augente diuina clementia pretiosum illud lignū, in fidelium multorum solatium, & vt votis piorum & affectui illorum sancto posset respōderi, & hoc miraculo satisfieri. Perstitit sanctissimum Crucis lignum Ierosolymis in templo nouae Ierusalem a Constantino fundato, loco quo prius fuit repositum, annos CCXL. qui fuit Heraclij V. iuxta supputationem Cedreni. Eo namque Persae, Iordane occupato, Palaestinam & urbem sanctam vi expugnarunt, & in ciuitate Ierosolymorum per Iudaeos interfecerunt ad XC. (vt fertur) hominum millia. Iudaei namque, pro facultatibus suis quisque, Christianos a Persis emptos necauerunt. Zacharias tunc Patriarcha Ierosolymitanus, & veneranda Crucis ligna, cum ingenti praeda, ac captiuorum numero, in Persidem sunt abducta, anno Christi 613. sub Pontificatum Bonifacij Papae IV. Cum autem Heraclius a Chosroē Persarum Rege saepe pacem sub honestis conditionibus impetrare tentasset, saepe repulsam a barbaro passus, multisque fraudibus circumuentus; diuino potius subsidio & ope confusus, quam viribus & potentia humana, quibus sciebat Chosroē longe inferiorem esse, stipendiarias & auxiliares copias cōtrahit, & iustum exercitum

citum strenuo milite conscribit, ac profecti-
onem in Persas suscepit. Sexennio inte-
gro id bellum dilatum, in quo Heraclius
saepe proelio commisso victor semper eua-
sit, caesis & fugatis hostibus, strenui &
praestantissimi ducis obies munus. Siroes
autem Chosroes filius natu maximus, quod
se praeterito, Merdasam iuniore, regni suc-
cessorem pater declarasset, exitium parentis
coepit moliri, in carceremq. eum conijcit &
vincula, fame enecat, Satrapae quoque ac-
citi in faciem Chosroes oes conspuerunt,
sagittis demum transfigendum dedit, Mer-
dasam & filios eius coram occidit reliquos,
& Persarum omnium consensu Rex acclama-
tus. Pacem dein cum Heraclio perpetuam
componit, anno eius Imperij XVIII. &
XIX. sequenti Constantinopoli Ierosoly-
mam profectus, aduehens secum, venera-
bilia ac viuifica Crucis ligna, quae a Siroe
pacis conditione redemerat, ab exilio & ca-
ptiuitate XIII. annorum vindicata, suo lo-
co votis Deo persolutis restituit, cum Patri-
archa eius sedis Zacharia. Omnes porro
Habraeos ea vrbe exegit, edicto cauens, ne
ijs intra tertium milliare accedere liceret. *Cedrenus*
Post longam autem peregrinationem, & in *Annal.*
moram inter hostes, postliminio ad pro- *pag. 334.*
prias sedes reuersa Crux fuit, anno Dom. *& 345.*
DCXXVII. sub initium veris, & Pontifi-

catus Honorij primi Papae anno VI. cum
 Heraclius exorsus Imperium fuerit anno
 DCIX. Graeci namque 14. Septembris
 ante Heraclij tempora exaltationē S. Cru-
 cis celebrabāt, quae illum in diem incidit.
 Nam illa Heracliana sub initium veris (ut
 diximus) facta est. Et a Latinis Constanti-
 niana celebrari etiam solita ipsomet die,
 tanta deinde ab Heraclio parta victoria,
 auctior deinde reddita, ex eiusque rei me-
 moria illustrior habita; & gemina exalta-
 tio eodem tempore, quo & prior, culta. Sed
 nouem post annis, Christi DCXXXVI. ab
 Agarenis in Aegypto regnantibus Ieroso-
 lyma capta, in aliud exilium longius crux
 Dominica concessit, annis CCCCLXIII.
 quibus ea vrbs a barbaris possessa est. He-
 raclius namque, audita Agarenorum licē-
 tia, capta praesertim Antiochia, veritus ne
 Ierosolymam occuparent, crucem Domini
 Constantinopolim deferendam curauit, ne
 iterum in infidelium manus deueniret, ut
 Platina refert in vita Seuerini Papae. Dein-
 de anno Christi MXCIX. idibus Iulij, feria
 sexta, hora nona, eadem. f. die 6. & hora,
 qua Christus in cruce mortuus est, a Chri-
 stianis, duce Godefredo Bullionio, expu-
 gnata est: Crux reducta, & LXXXVIII.
 annis vrbs retenta fuit. Dissidentibus au-
 tem postea inter se Christianorum prin-
 cipibus,

Theopha-
 nes i hist.
 Miscella.

Vuilelm⁹
 Tyri Ar-
 chiepisc-
 pus hist.
 belli sac.
 lib. 8. c. 5.
 18. 19. 20.
 21. & lib.
 9. cap. 1.
 2. 9.

Barth. Sa-
 ligniacus
 in epistol.
 ad Ioan. 2
 Lothorin-
 gia Card.
 Mat. Pal-
 merius in
 Chroni-
 cis.

eipibus, a Saladino Aegypti Sultano capta,
& sanctissimae Crucis lignū iterum erep-
tum fuit. Quod postea a Sultano Aegypti,
anno Domini MCXC. cum Damietta
Aegypti vrbs a Christianis expugnata,
quae olim Heliopolis dicebatur, ipsi resti-
tueretur, pariter & Richardo primo An-
glorum Regi lignū Crucis restitutum est.

Polud.
Virg. lib.
14. histor.
Angliae.

Anno autem MDXVII. sub Heracho
Patriarcha, a Selimo Turcarum Imperato-
re Ierosolyma expugnata, & in hunc vsque
annum MDXCI. Turcarum imperio pa-
ret. Sed ad alia transeamus.

*De nonnullis alijs insignioribus portionibus
ligni sanctae Crucis, quae aliubi ex-
tant. Cap. XXXIIII.*

MAIOR, quam alibi, portio nunc Cru-
cis reperta, ea est, quam S. Thuri-
bius Palentinus, Episcopus Asturicensis, S.
Leoni I. Papae in primis carus, veterique
necessitudine cōiunctissimus, Priscilliani-
starum acerrimus persecutor, in Hispa-
niam inuexit anno circiter CCCCL. cum
plerisque alijs insignibus sanctorum reli-
quijs, vel ab ipso Leone Papa ob mutuam
beneuolentiam donatis, vel ex Ierosolyma,
vt alij tradunt, vbi rebus sacris templi Ie-
rosolymitani praefuit, abductis. Veritus
nam-

namque a barbaris eam urbem diripien-
dam fore, & sacrum lignum Crucis in infi-
delium manus aliquando peruenturum,
bonam ipsius partem, ab Ierosolyma ab-
scedens, & patrium in solum remeans, secū
detulit, regnante tunc in Hispania Thu-
rismundo ex Gothico sanguine principe.
Qui cōstructo ad Astures coenobio insigni
sub memoria S. Martini, ibidē Crucis par-
tem collocavit: quod S. Thuribij postea ab
eius nomine appellatum, a monachis Be-
nedictinis nunc habitatur, in Episcopatu
Legionensi, Lieuana regione, duobus mil-
liaribus distans a Pontes oppido finitimo,
corrupte Potes vocato; nunc vero S. Thuri-
bij de Lieuana appellationē vulgarius reti-
net. Lignum autem S. Crucis quinque pal-
mos longum, quattuor digitos latum, ses-
quidigitum crassum, ex transuerso brachio
altero sectum fuit, foramen retinens, quo
clauus penetrauit, manui Christi suffixus.
Quidam Abbas, satis imprudenter, vt in
formam crucis redigeret, medium secuit,
quasi ipsum lignum non eadem adoratio-
ne qua crux, imo qua ipse Deus, esset ado-
randum & colendum. Clauus Christi, qui
in basilicae S. Crucis in Ierusalem sacra-
tiori loco asseruatur, exacte respondet fo-
ramini illius ligni S. Crucis; quod nō pauci
mensura vtriusque accepta, comprobarūt
Argen-

Argentea theca illa crux recōdita, crystal-
linis speculis per spatia interiectis, vt re-
ctius conspici possit; quando statis anni
diebus maxima celebritate populo osten-
ditur. Ad huius sacri ligni conspectum &
contactum multa miracula quotidie fiunt;
& multi daemones ex corporibus, quae
obsident, expelluntur: qui, crucis solo
aspectu, vehementer torti, e brachio sini-
stro crucis Christi, illud lignum fuisse fe-
ctū asserūt: sed vtrius sit, dextri, an sinistri,
parum obesse potest illius vel mendacium,
vel veritas. In sacello istius templi S. Thu-
ribius sepultus, & ad latera eius monumē-
ti duae arcae venerandae antiquitatis pē-
dent, ferreis catenis fultae & vinctae, reli-
quijs insignissimis Sāctorū plenae. Foramē
autem illud Crucis patens relictum, per
quod transmittuntur ligna, quibus cruci-
culae conficiuntur, & alia pleraque, quae
religionis ergo collo appensa gestantur.

Sergius Papa, dum basilicam S. Petri
renouaret, inuenit, Domino reuelante, in
sacrario B. Petri Apostoli, capsam argen-
team, quae in angulo obscurissimo diutis-
sime iacuerat, & in ea crucem diuersis ac
pretiosis lapidibus adornatam, & portio-
nem Dominicae crucis interiorius repositam
deprehendit: quam ad oratorium S. Lau-
rentij, Sancta sanctorum appellatum, in
basili-

Beda in li.
de tēporū
ratione.

Anasta-
sius Biblio-
thecarius.
Et Plati-
na in vita
Sergij Pa-
pae.

basilica Lateranensi, transferendam cu-
rauit. quae die exaltationis S. Crucis po-
pulo ostendebatur, & adorabatur. Hanc li-
gni sanctissimi portionem, in direptione
Vrbis sub Clemente VII. a militibus qui-
busdam, thecae argenteae cupidine ille-
ctis, praeda ablatâ, Pontifex prodigiose, &
non citra peculiarem opem diuinam, re-
cuperavit: & aurea, crySTALLINAQUE cru-
ce inclusam, in palatio Vaticano, vbi est
sacristia Pontificia, seruari deinceps iussit,
sicut & hodie fit.

In basilica praeterea B. Petri Apostolorum
principis Vaticana, crux extat, donata a
Constantino Imp. S. Siluestro Papae, in qua
intus inclusa est alia parua crux aurea cum
portione ligni sanctissimae Dominicae cru-
cis. Sunt & multae aliae particulae eiusdem
ligni distributae per alias basilicas, templa
& oratoria vrbis Romae, & per alias eccle-
sias, Episcopos, principes, ac priuatas pso-
nas orbis Christiani, vt numerari nequeant:
sed de huiusmodi minutis particulis nunc nobis
haud sermo est, sed de insignioribus por-
tionibus ligni Crucis narrationem teximus.

Petrus Iu-
stinianus
lib. 1. re-
rum Ve-
netorum.

Tempore Angeli Participatij, noni Du-
cis Venetorum, qui coepit eam rempubli-
cam gubernare anno D. 809. Leo Imp. ei-
dem dono misit S. Zachariae corpus, &
Dominicae crucis lignum: isque S. Zacha-
riae

riae ideo aedem construxit Venetijs, ubi corpus Zachariae, & lignum Crucis repositum: angustam quidem tunc & exiguam, nunc autem amplam & spatiosam.

Ethelstanus, Anglorum Rex, ab Othone Magno, primo Imperatore huius nominis, anno Christi 963. ensen Constantini Magni, cuius in capulo clauus Christi haerebat, lanceam, qua latus eius transfossum, partem S. Crucis, & spineae coronae, impetrauit: quorum partes aliquot idem Rex Malmesburiensibus donauit, ut auctores sunt Ranulphus & Genebrardus.

Ranulph.
lib.6.c.6.

Genebrardus
Chro-
nolog.lib.

4.

Anno itē D. circiter M L X X X V. Alexius Comnenus Imp. Constantinopolitanus, fama commotus Alfonsi Regis in Hispania VI. qui Toletum expugnauit, & ab hostibus Christiani nominis Agarenis regiam illam urbem captam imperio suo adiecerat, crucem magnam ex ligno sanctae Crucis cōfectam, munere ei donauit: quam ille Benedictinis monachis coenobija Sahagum pro magno fuit thesauro largitus. Quae non solum daemones ab obsessis expellit, & pleraque miracula ad eius conspectum altissimus operatur: verum per eandem fines illius oppidi tuetur, & protegit a locusta, brucho, grandine, vredine, & gelu segetes, & vineas incolarum; & tempestates,

pestates, subito in publicū producta auertit. Quare multū frequentatur eius cultus a fidelibus, & sūma religione obseruatur.

Gaguinus
lib. 7. in vi
ta S. Ludo
uici.

Genebrar
dus Chro
nol. lib. 4.

Anno D. MCCXLIII. Balduinus Imperator Dominicae crucis partem cū spongia, & lanceae ferro, Venetis pignori obligauit; quae postea S. Ludouicus Francorū Rex IX. potestate redimendi accepta, regio sacello Lutetiae condidit, institutis ibi sacrorum ministris. Nec repugnat, lanceā, qua Christi latus apertum, in potestatem Athelstani Anglorum Regis venisse, deinde ad Venetos & S. Ludouicum, & Henricum II. Imperatorem a Rudolpho Burgundionum Duce magnis pollicitationibus eandem impetrasse, atque id munus non tantum auro & argento copioso, sed & magna Sueuorum prouinciae parte compensasse, vt Luithprandus testatur. Neque obest, Antiochiae eandem in templo S. Andreae olim repertam, quo minus potuerit Baiasetes Turcarū Imperator idem lanceae ferrum Innocentio VIII. Romanam transmittere anno Dom. 1492. quo item titulus S. Crucis repertus. Nam cunctarum rerum cōtinua mutatio, successio, & permutatio est; & quod in manu alicuius aliquando fuit, ad alios mox transit, & rursus hos & illos successores habet.

Luithprā-
dus ca. 4.
c. 12.
Genebrar
dus Chro
nol. lib. 4.

Anno D. MCCCCXCVII. Helena Dauidis

uidis auia, quae ob tenellam ipsius Dauidis aetatem administrationem Abyssinorum & Aethiopiae habebat, quēdam Matthaeum Armenium, virum multarum rerum, atque linguarum peritum, ad Emanuelem Lusitaniae Regem legatum misit, communis amicitiae & foederis ineundi gratia. Is orator detulit ad Emanuelem crucem insignem, ex ligno, quo Christus Ierosolymis pependit, concinnatam. Fuerat enim Abyssinorum Regi magnum fructū ligni Crucis ex Ierosolyma aduectum: quo dissecto, duas cruces formauerat, alteram apud se retinuit, alteram dono Emanueli Regi per hunc Matthaeum oratorem suum misit. Haec de insignioribus portionibus ligni sanctae Dominicae crucis, quae ad notitiam meā peruenere. Toleti namque, Hispali, & Oueti, sunt etiam magnae cruces ex hoc eodem pretioso ligno confectae, sed longum esset omnia persequi: haec, quae diximus, attigisse sufficiat.

Damianus Goës
de morib.
Aethiop.

*De admirandis quibusdam signis Crucis.**Cap.**XXXV.*

IN Indiae oris Narfinguae regnum constitutum, in quo vrbs Malipur appellata corpus habuit S. Apostoli Thomae, ubi & martyrium subiit, multis miraculis clarens.

Translatū
S. Apostoli Thomae
corpus ex
Malipur
Cocinū.

deinde
Goã tépo
re Io. III.
Lusitaniæ
Regis.
Hierony.
Oforius i
fin. lib. 3.
hist. Reg.
Manuel.

Maffei
lib. 12. hi-
stor. Indi-
carum &
lib. 2. & 8.

rens. A Rege, qui tunc illi prouinciæ præ-
erat, portio terræ illi donata, vbi tēplum
construeret. Haec nunc Malipur vrbs, ob
memoriam eiusdem Apostoli; S. Thomae
ciuitas a Lusitanis nūcupatur. Erat in colle
facellum aedificatum, ea propter quod as-
fererent incolae in eo loco Thomam fuisse
a religionis hostibus interfectum: vbi Lusi-
tani magnificentius illi templum extrue-
re cœperunt. Erat autem hoc solemniter
institutum, vt in eo facello octo diebus an-
te natalem Christi res diuina fieret, & om-
nes Christiani eo conuenerent: tribus in-
quam ante Apostoli natalem diebus, cum
ab Ecclesia celebratur expectatio virginis
partus. Fuerat quoque ante XIV. annos in
illo suburbano colle, vbi nouo Apostolo fa-
cello extruendo fundamenta aperiebant-
tur, crux inuenta in lapide quadrato inci-
sa, in cuius fastigio columbae imago insi-
debat. Tam basis, quam vertex, & brachia
crucis, in liliorum formam desinebant: lae-
tae ab imo herbae luxuriabant. Arcus
quidam ex eodem lapide factus crucem
cingebat. In arcu erant incisae litterae,
quas nemo legere poterat. Totum hoc in-
tegrum opus, quod erat satis magnum, fuit
super altare eiusdem sacelli, multorum la-
bore collocatum: intentiore cura proinde
fabricam noui sacelli absoluunt. Noua in-
de

de loco frequentia, nouus honos accessit. Sed miraculo mox euidenti mirum in modum aucta religio. Nam cum die natali S. Apostoli Thomae Christiani de more intra eam aediculam rei diuinae causa conuenirent, & sacerdos Euangelium inchoaret; mirum dictu, cuncto spectante populo, crux in nigrum colorem versa, & liquor ex illa incredibili copia dimanauit: deinde niger in caeruleum colorem permutatus. In loco autem, ubi notae sanguinis seu guttae extabāt, rosei coloris splendor illuxit. Sequentibus postea annis, idem natalibus Apostoli solum eueniebat, nō vllō alio die. Fuit tamen aliquo tempore eius miraculi intermissio. Anno autem Dom. MDLXI. cum Christiani in eundem sacrum locum, cum eadem pompa & celebritate, diuina audituri cōuenirent, eodem die, quo crux, dum sacrificium fieret, stillare solebat, & sacerdos Euangelium inchoaret (id enim etiam admirandum videbatur, quod nunquam prius, quam Euangelium legi coepisset, ea crucis mutatio fieret) crux repente nigris maculis, splendidis tamen, incipiebat, donec tandem alijs atque alijs subeuntibus tota nigresceret. Ita vero splendebat, atque si oleo fuisset delibuta. Tum, instar roris, guttae defluere coeperūt, quae paulatim grandiores effectae, totam cru-

cem humore largissimo compleuerunt. Peregit sacerdos cum multis lacrymis & crebris siugultibus sacrificium. Deinde ascendit in altare; & linteis, quibus in rebus sacris utebatur, crucem extersit. Linthea maculis sanguineis tincta repente sunt. Ciuitatis praefectus, & populus qui cōfluxerat ad solemnitatem, manus in caelum tendebat, Christi nomen implorabat, flagitiorum veniam pectus tundendo postulans, & ad pietatis studium illorum animi vehementer accensi: miraculum namque ingens, atque adeo cunctorum oculis patens, altos gemitus, pias acclamationes, & vim ipsis lacrymarum exciuit. Crux autem postquam multo liquore fluxit, clarius splendere coepit: & color sanguineus euidentius eluxit. Et eo tempore singulis ferme annis, eadem festiuitatis die, Euangelij inchoationis momento miraculum recurrit. Quod si quando intermissio istius miraculi fit, ipso doctus euētu, dirum aliquod portendi, populus existimat. Quaesiti diligenter, qui illas litteras interpretarentur. Accersitus primum Brachmanas, litteris, eruditione, & multarum linguarum peritia insignis; litteras esse dixit priscas, quibus antiqui sapientes utebantur; negligentia hominum, factum esse, ut illarū cognitio interiret: quin, linguam, qua erant descriptae

scriptae, a paucis admodum teneri. Admonetur Brachmanas, ut altare ascendat. Resistit ille, nefarium facinus esse dicēs, altare, in quo res diuina fieret, humanis pedibus conculcari. inuitus tamen subijt, & litteras perlegit, quarum vim eam esse dixit, ut vna nota decem, & quindecim, & viginti litterarum officio fungeretur. Sententia vero litterarum in summa haec erat: Thomam diuinum virum, fuisse a Dei filio, cuius erat discipulus, in eas oras, Sagami Regis tempore, missum, ut Dei summi notitia gentes illas erudiret: ibique templum extruxisse, & res admirabiles effecisse: atque tandem, cum genibus flexis ad crucem illam affixus, orationem ad Deum funderet, a quodam Brachmana fuisse hasta transfixum. Crucem vero eiusdem viri sanctissimi cruore tinctam, ad memoriam virtutis illius sempiternam, relictam fuisse. Haec fuit demum sententia litteris illis contenta. Fecit autem maiorem fidem alius eiusdem sectae vir, aliunde euocatus, grandis admodum natu, & sapientiae opinione praestans, qui easdem litteras in eadem prorsus sententiam interpretatus est. Ac ne quis apud nos in tali tantaque re dubitandi foret locus, totam dein & facti feriem publicis litteris consignatam, & crucis exemplum, & inscriptionis antiquae, e lapide ip-

fo diligēter expressam, Cōcinenſis Episco-
pus anno Domini M D L X I I . ad Hen-
ricum Cardinalem, poſtea Luſitaniae Re-
gem, tranſmiſit. Cuius rei fides tantis tunc
argumentis explorata fuit, vt nemo poſſit
de tam clariſ atque teſtatis monimentis
ambigere.

Neque omittenda eſt hoc loco praecla-
riſſima illa crux, angelicis manibus & ar-
tificio fabrefacta, in gratiam Alſonſi II.
Hiſpaniae Regis, qui ob caelibem vitam
ſemper actam, cognomē Caſti promeruit.
Hic cum inſigne Oueti, vbi tūc Regia erat,
templum S. Saluatoris maximum aedificaſ-
ſet, & vellet multis id & exquisitis orna-
mentis, prout loci dignitas & maietas po-
ſtulabat, inſignire; ex gemmis, quas plu-
rimas & pretioſas habebat, crucem aureā
magnam excogitauit adornare, & peritiſ-
ſimos artifices conquirere, qui huic operi
conficiendo egregiam operam nauarent.
In eam namque eccleſiam tranſtulerat re-
liquias, quae ex Toletō & reliqua Hiſpa-
nia in Aſturias fuerāt delatae: ſimul & ar-
cam reliquiarum, quae ab Ieroſolymis tē-
pore Mahometis Hiſpalim naui aduecta,
inde Toletum translata, demum poſt an-
nos ſexagintaquinque in Aſturias aſpor-
tata fuerat. Vt igitur pietatem & ſanctita-
tem huius optimi Regis miraculo teſtare-
tur &


tur, & religionem circa illum sacrum locū gratam sibi esse Deus manifestaret: ecce egredienti semel e palatio duo iuvenes illi occurrunt, & sese esse primarios aurifices exponunt; proinde si sua opera & ministerio indigeret, praesto se futuros, & in cunctis quae imponeret, regiae eius voluntati pro virili satisfacturos. Excepit Alfonsus iuvenes pergrato animo, ut qui peritissimos artifices, qui aureā illā crucē perficere, quae votis suis respondere posset, summo desiderio expetebat. Re igitur cum iuuenibus communicata, tradidit illis tantum auri, quantum ipsi necessarium fore dixerunt; & multitudinem gemmarum omnis generis, ad crucem conficiendam & exornandam, habitacula & officinā intra palatium assignavit, ubi ministerium suum secreto exequerentur. Die mox sequenti, familiares aliquot suos misit, qui obseruarent, uti opus coeptum procederet. Renunciarunt Regi, domum reperisse desertam, aurificesque non comparere, verum crucem vidisse perfectam, tantam lucem & splendorem ex sese iaculantem, ut non possent fixis eam oculis intueri. Rex nouitate rei permotus, continuo aulicis pluribus comitatus, cubicula aurificum adiit: eos abscessisse comperit, & crucem ibi relictam miro fulgore micantem, tan-

Rodericus Ximenius Archiepiscopus Tolletanus lib. 4. c. 9. Lucas Tudensis Episcopus in Chronicis Hispaniae. Alfonsus a Carthagina Episcopus Burgen. in Anacephalaeosis Hispaniae. Basseus in Chronicis Hispaniae. Ambrosius Moralius li. 13. Historiae Hispanicae, in vita Alfonsi Casti, cap. 38.

to praeterea artificio confectam, quanto non poterant multis annis mortalium manus absoluere, neque eo venustatis, gratiae, ac pulchritudinis, citra diuinum miraculum humana industria peruenire. Materiam superabat opus. Tantaque erat praestantiae, & excellentiae, ac subtilitatis, ut multa oculos subterfugerent, paucissima imitanda superessent. Pius Rex Alfonso, Dei erga se benignitatem admiratus, in gratias & preces se totum effudit: cōuocatoq. Episcopo, clero, & populo, solemni pōpa, e palatio regio crucem in templum S. Saluatoris deduxit, ipseque proprijs manibus in ara illius sacrae aedis maxima collocauit: in reconditioriq. eius sacrario hodie asseruatur, populoque statim diebus visenda & adoranda, magna cum religione, proponitur. Huius rei gestae multa hodie vetusta monumenta & traditiones supersunt, & auctores graues etiam, qui eandem cōfirment. Fuit autem haec Angelicis manibus crux cōfecta anno Dom. DCCCXXVI. regni vero eius XXXV.

Succurrit opportune hoc loco maxime admiranda, & celeberrima, decantatissimaeque per vniuersam Hispaniam Carauacensis crux, ante 400. annos, Carauacae, nobili vrbe prouinciae Carthaginensis, quae hodie popularius, Regnum Murciae
appel-

appellatur, magna religione asseruata;
non vlllo humano, sed Angelico dumtaxat
artificio confecta: lignea illa quidem,
sed cuius peculiaris arboris materia, igno-
tum: nisi ex quercea, vel alia paradisiaca
constet. Eius formam, imagine hic subie-
cta, exacte expressimus.



Est autem Carauaca ciuitas mediterranea, aspero & montuoso iugo incumbens, quae militibus S. Iacobi Enfigeri subest, arcem habens munitissimam, praesidio & ar-

mis satis instructam, & subtus multas specus & latibula continens saxo ipso excavata. Quae olim, cum Agarenorum imperio pareret, ergastula erant tuta, continendis captiuis Christianis, quos in praedam continue abducebant. Hanc Agareus Rex aliquando ingressus, artem inuisit, & captiuos iussit Christianos proferri, qui intra ergastula tenebantur. Quos ut macie confectos, & pallido eos esse vultu conspexit, sortem hominum & conditionem feruilem miseratus, ne deinceps ergastulis restringerentur edixit: ac singulos benigne patriam, parentes, & artem quam nossent, percontatus, in eadem eos exercendos instituit, ut reip. frugi, & liberius atque hilarius suo quisque muneri vacaret. Oblatus est inter alios presbyter. Hunc Rex, quam artem profiteretur, sciscitatus; sacerdotem se esse Christianorum respondit, & omnes artes, & Regum quamcumque potentiam suum ministerium superare. Rex se intueri velle istiusmodi mysterium, & ut illud in suo conspectu celebraret, mandauit. Sacerdos contra respondit, destitui se vestibus sacris, & ceteris necessarijs ad sacram rem peragendam, quae apud Christianos in promptu esse solerent. Rex continuo iubet, ut e proximo Christianorum oppido omnia peterentur, quae ad hoc
mini-

ministerium celebrandum opportuna esse videbantur. Ara intra arcem erigitur, lapis sacratus illi superponitur, vestibus sacris presbyter amicitur: calix aderat, panis & vinum consecranda: & V. tunc Nonarum Maij illuxerat, quo solemnis S. Crucis inuentionis festiuitas agebatur. Orsurus Missam sacerdos constitit. Caussam cūctationis Rex sciscitatus: crucem deesse dixit, quae consueffet huiusmodi ministerio & ritibus illo die praefertim adhiberi. Vix haec fuerat effatus; cum, fornice, qui altari imminebat, dehiscente, magnus splendor effulsit: & per illum hiatum duo Angeli de caelo illapsi, crucem ligneam bipalmarum deferentes, super altare paratum deposuerunt. Stupet Rex Agareus cum suis aulicis, tanto miraculo conspecto: & Christianis qui aderant, lacrymae obortae, & singultus imo pectore eruperunt & gemitus: pectus tundunt, clamorem attollunt: & gratias de tanto beneficio vix poterant Deo, prae gaudio admirabundi, intonare. Rex cum suis aulicis Christianam fidem complexus, Christianos libertate donauit: & sacello intra arcem constructo & dicato, Angelicam illam crucem intra pretiosam arcam asseruandam reponunt, tribus hodie seris & totidem clauibus obsignatam: quarum vnam arcis praefectus, secun-

secūdam templi maximi primarius sacerdos, tertiam Senatus Carauacensis habēt. Singulis quibusque annis, die III. Maij, quo Crucis inuentio recolitur, & illa crux ab Angelis fuit deportata, insigni pompa, publicis supplicationibus ex arce ad fontem copiosissimum, lacum suis fluentis efficiētem, ferreis clatris obseptum, deducitur, & ter intra illas vndas submergitur, eiusq. sacro contactu illae sanctificātur, ita vt multis morbis & aegritudinibus degustantium subueniant, & multis alijs rebus euadant salutare. Ad hoc spectaculum innumerae gentes & populi ex omni vndique Hispania confluunt, sanctae crucis lignum illud adoraturi. Tantum thesaurum ordo sacerdotum primoris ecclesiae illius vrbs voluerunt sibi vendicare, in templum suum inferentes: sed eum locum crux dedignata in proprium arcis sacellum concedebat. ideo non nisi iureiurando interposito, Clero Senatuq. Carauacensi conceditur: qui peractis de more supplicationibus, continuo se restitutos arcis praefecto pollicentur. Mirādum profecto est, C C C C. & eo amplius annos vixisse illud lignum, citra cariem & teredinem, aut vllū vitium, illaesum perdurasse. Infestatur maxime Carauaca tēpestatibus frequentibus, tonitruis & fulminibus, grā-
dine

dine & lapidibus, quibus pluit: atque his caeli iniurijs arcendis, & auertendis, datum illi singulare illud praesidium crucis. Quae mox vt e sua theca extrahitur, & hiatum illum contingit, per quem fuit primum ab Angelis transmissa, continuo omnia conquiescunt, & tempestas sedata, tranquillitas & serenitas subsecuta. Timent namque mali daemones crucis signaculum, tamquam exterriti & omnino per eam subacti.

Gloria Crucis, non solum in Italia tempore Constantini Maximi Augusti, & Ierosolymis in Asia, & in Hispania aetate Alfonsi Casti, & in India nostro seculo, sed etiam in nouo orbe peculiarius illuxit, & nouis miraculis manifestata est: vt nulla esset mundi ora adeo remota, quam non virtus & diuinitas Crucis impleret, & speciatim illustraret. Anno namque Domini MCCCCXCIII. Christophorus Columbus noui orbis repertor, secunda quam suscepit ad Hispaniolam insulam, nunc Sancti Dominici dictam, nauigatione; cum primum eius littus tenuit, lignum e silua proxima excidi iussit egregium, ex quo crux XVIII. pedes longa, proportionem lata confecta fuit; & in agro proximo vrbi, Cõceptionis appellatae, collocata demum eiusdem imperio extitit. Hanc insulani aegre

gre ferentes, deturbare nixi, nihil effecerunt. Funibus deinde admotis, multitudo collecta, totis viribus contendens, euellere, aut loco dimouere nequiverunt. Cuius rei admiratione vehementer perculsi, & aliquod cruci diuinum inesse rati, a coepta opera destiterunt, non ausi deinceps quippiam aduersus eam tentare: immo, cum viderent tanta circa ipsam Christianos reuerentia teneri, eandem ipsi etiam venerari, & se coram illa submittere & inclinare coeperunt. Compertissimum fuit, multa Deum admiranda & insignia miracula per hanc crucem edidisse. Expositam namque furiae ventorum, qui in ea insula mari terraque solent esse saeuissimi, & imbribus copiosis, tanto annorum cursu, neque disiectam, neque corruptam, aut quidquam detrimenti umquam perpessam fuisse, constat. Eiusdem etiam virtus inuocata, multis praesidio fuit, multis morbis opem praesentissimam tulit. Hinc religione tacti non solum indigenae, sed etiam aduenae illuc appellentes, particulas ex ea cruce disiectas, in patrium cuiusque solum deferentes, remedium plurimis malis eius subsidio implorarunt. Diuina igitur prouidentia in propagatione Christianae religionis per Imperium Romanum, instauratione eiusdem in India, & plantatione in nouo orbe,

orbe; a trophaeo & victrici Crucis signo exorsa, ostendens nullam viam patere, nullum subterfugium malorum occurrere potentius posse, quam Crucē, ex qua salus, vita, & resurrectio nostra pendet, & per eam saluari & liberari speramus.

De Crucis mysterio, per omnem mundi aetatem ante Christi mortem, praenunciato.

Cap. XXV I.

ARBOR illa insignis, manu Dei in paradiso voluptatis confita, vitam pro- Genes. 2. & 3.
ducens, & immortalitatem largiēs vescen-
tibus eius fructus, typus fuit ligni Crucis ab exordio mundi, & vmbra quaedam illud praedicens: & sicut alia planta ob abusum liberi arbitrij funesta fuit, & mortem primo homini, & cunctae eius posteritati induxit, sic alia reparauit, & damna illata refarciuit. In ligno namque illo natura humana victa & superata fuit, in isto victrix & triumphans; per illud in seruitutem sub daemonis potestate redacta, per istud tandem in libertatem asserta, & de eius dominio erepta extitit tandem. Lignea praeterea machina, intra quam Noë, cum vxore Genes. 7. & 8.
re, filijs, & nurubus totidem, vniuersale diluuium & cladem communem euasit, Crucis lignum signauit, cuius beneficio huma-
na

- na erat a communi exitio seruanda natura.
- Sap. 10. Diuino namque testimonio dicitur: Cum aqua deleret terram, sanauit iterum sapientia, per contemptibile lignum iustum gubernans. Et iterum: Vt non essent vacua sapientiae tuae opera: propter hoc etiam & exiguo ligno credunt homines animas suas, & transeuntes mare per ratem liberati sunt, vtroque reconditiore sensu Crucis lignum insinuante Spiritu sancto,
- Gen. 22. Isaac praeterea ligna in sacrificiū vehens, quibus erat victima adolendus, sicut ipse Christi, ita & ligna Crucis figura fuere, quam idem Christus suis humeris vexit, & super eam victima fuit aeterno Patri pro
- Gen. 48. nostris peccatis oblata. Iacob moriturus, cancellatis manibus, benedixit Ephraim & Manasse nepotibus, crucis formam brachij exprimens, & mysterium signans. Sacrificia praeterea omnia Deo olim adolita, & holocausta quaecumque, non nisi lignis suppositis fiebant: & sicut sacrificia atque holocausta Christi necesse, ita & ligna Crucem eius, quandiu vixit ritus Iudaicus, adumbrarunt. Signo etiam crucis, Hieronymo tradente, postes domorum Aegyptiacarum, ne percuterentur ab exterminatore, signati; & Aegyptijs pereuntibus, soli Iudaei seruati. Lignum praeterea
- Exodi 15. a Moyse proiectum in amaras aquas, quod
- dul-

dulcescerent, Crucem signauit, qua amara
vertuntur in dulcia: iugū enim illius sua-
ue est, & onus leue, Hieronymo id adnotan-
te. Lignum Crucis monstratum est pari-
ter in expansione manuum Moyfi, qua ini-
mici prostrati. Quando enim Moyses ex-
pandens manus in formam crucis, ora-
bat vt Iesus vinceret Amalech, Crucis tūc
in eo sacramenta pandebantur: cum au-
tem deprimeret manus, crucisque signum
solueret, Amalech superabat: vt victoria
non solum oranti, sed crucis signo cessisse
credatur. Crux enim non secus atque pas-
sio Christi, antequam essent, operabantur,
mente & fide atque vaticinio cōcepta pijs
ab hominibus.

Hierony-
mus in
Ezechiel.
cap. 47.
Exodi 17.

Hierony-
mus in
Osee c.
12.

Serpens praeterea aeneus super stipitē
vel lignū aliquod a Moyse erectus, in quē,
velut in signū, morfi a venenosis animal-
culis aspicientes sanabantur, quem Eze-
chias sub initium regni sui, post octingen-
tos & eo amplius annos, quod superstitio-
sus populus Iudaicus diuinos ei honores
deferret, comminuit & contriuit: procul-
dubio Christum significabat; sicut stips, vel
lignum, in quo pendeat, Crucem: quam
figurā Saluator Nicodemo Phariseo, viro
docto, explicuit: Sicut Moyses exaltauit,
inquiens, serpentem in deserto, ita exalta-
ri oportet filiū hominis, vt omnis qui cre-
dit

Num. 21.
4. Reg. 18.

Ioan. 3.
Tertullia-
nus lib. 3.
aduersus
Marcionem.

dit in ipsum, non pereat, sed habeat vitam
Esaiæ 9. aeternam. Esaias etiã lignum sãctae Cru-
 cis clare praedixit, cum ait: Cuius imperiũ
 super humerum eius. Quis autem omnino
 Regũ insigne potestatis suae humero prae-
 fert, & non aut capite diadema, aut manu
 sceptrum, aut aliquam propriam vestis no-
 tam? Solus namque nouus Rex Christus Ie-
 sus, nouae gloriae potestatem & sublimi-
 tatem suam, Crucem humero extulit. Hoc
 idem significauit Thau, super gementes &
 dolentes impressum; quo qui notati erant,
Ezech. 9. apud Ezechielem, manus vastatoris & ex-
Hierony. terminatoris euadebant, vt docuit Hiero-
in Esaiæ nymus. Thau namque, & figuram crucis
c. 56. antiquam, quam in sancti Antonij & manu
Tertullia & penula cernimus, eandem prorsus esse,
us lib. 3. Ezechielis testimonio, ac S. Hieronymi ex-
aduersus plicatione non obscure indicatur, & cõue-
Marcion. nire cũ hieroglyphicis Aegyptiorum no-
 tis. Tau quippe Gallicum positum inueni-
 tur pro cruce apud celeberrimos aucto-
 res; quam ad eum construere modum Gal-
 li consueuerant: & crux ad formam litte-
 rae Tau Graecorum facta est. Quo nihil
 dubitationis reliquum superest, quin dica-
 mus antiquissimam Tau figuram, eam ip-
 sam esse, quam Graeci & Latini seruarunt.
S. Hieron. Et cum S. Hieronymus dicat, sua etiam
in cap. 9. tunc aetate, Samaritanorum Tau, crucis
Ezechiel. figu-

figuram habuisse, & Samaritanorum characteres olim etiam Hebraeorum fuisse; necessaria collectione concluditur, Tau, crucis genuinum fuisse signaculum. Non solum autem Tau in vetustis Samaritanorum, quibus tunc temporis utebantur, litteris, sed etiam Indorum, crucis formam expressit. Crucis praeterea figuram facit antenna e malo ad angulos rectos suspensa; facit & avium volatus, alas extendentium; natatus item hominis, cuius brachia transversarium crucis lignum imitantur. Regius item Propheta multo ante id praedixerat, Regnum Christi Dei, a ligno initium *Psal. 95.* sumpturum: Dicite, inquit, in nationibus, quia Dominus regnavit a ligno: sicut in psalmodia Romana cantatur, & Tertullianus vertit lib. 3. contra Marcionem, & in versu, qui solet memoriae Crucis praemitti tempore paschali iuxta versionem quorundam, & sententiam Fortunati Episcopi, siue Theodulphi Aurelianensis, in illo celebri & pio hymno tempore passionis Christi ab Ecclesia decantato: Impleta, inquit, sunt quae concinit David fidelis carmine, dicendo nationibus, Regnavit a ligno Deus. Immo Hieronymus, alios locos *Hierony. in Esaiam cap. 56. Psal. 59.* psalmorum de Cruce interpretatur. Qualis est ille, Dedisti metuentibus te significationem, ut fugiant a facie arcus: & alter,

Psal. 4.
Hieron.
ad Fabio-
lam de ve-
stibus sa-
cerd.
Lucae 2.

Sozome-
nus lib.
hist. lib. 2.
c. 1.
Suidas.
Nicepho-
rus lib. 8.
c. 29.

Signatū est super nos lumen vultus tui Do-
mine: per significationem vtique, & illu-
minationem vultus, impressionem sanctae
crucis & consignationem intelligens. Eo-
demque modo propheticum oraculum Si-
meonis, suis vlnis Christum infantem cō-
plectentis. Hic erit in ruinam & resurre-
ctionem multorum, & in signum cui con-
tradiceretur. Signum ibi aduersantiū, cru-
cem, interpretatur. Nō solum autem crux
& eius veneratio testimoniū recepit a prae-
dictione sacrorum scriptorum, sed etiam
Gentiliū. Sibylla enim multo ante oracu-
lū de S. Cruce cecinit in haec verba, vt So-
zomenus, Suidas, & Nicephorus testantur.

O lignum felix, in quo Deus ipse pependit.

A doctrina namque nostra alieni, prae-
stantiore quadam Dei ordinatione, futura
de Christo praedicarūt. Ipsi namque Gen-
tiles, ingenue fatentur, hoc esse Sibyllae
carmen. Quare necessario fateantur oport-
et, & lignum crucis, atque adeo eius vene-
rationem ab ipsa Sibylla praesignificatam
longe ante Christianorum tempora fuisse.
sed & antiquitus Tau, in Aegyptiorum no-
tis, pro vitae venturae tessera exprimeba-
tur. Signum namque hoc nostrum Domi-
nicae crucis, inter illas, quas dicunt *ἱερὰ τιν-
κὰς*, id est sacerdotales litteras Aegyptij ha-
buisse dicuntur velut vnum e ceteris litte-
rarum,

rarum, quae apud illos sunt, elementis: Cuius litterae, seu vocabuli, hanc esse asserunt interpretationem, Vita ventura. Theophilus namque Alexandriae religiosissimus Episcopus a Theodosio Magno Imp. impetrauit, omnia falsorum numinum fana deiici, & simulacra conflari, ac eorum pretium erogari in pauperum usus. Templo autem Serapidis destructo, sacrae litterarum notae inuentae sunt, crucis forma. Has cum vidissent Graecae religionis homines, fidem fuere Christianam complexi, dicentes hieroglyphico sensu crucem designare vitam superuenientem. Pagani autem, qui admiratione rerum gestarum conuertebantur ad fidem, ita sibi ab antiquis traditum testabantur, quod ea quae nunc coluntur, tandiu starent, quandiu viderent signum istud venisse, in quo esset vita. Vnde accidit, ut magis hi, qui erant ex sacerdotibus & ministris templorum, ad fidem conuerterentur, quam ignara reliqua plebs. Accidit autem fani Serapidis euersio anno Imperij Theodosij XI. qui fuit Christi 392. Horum auctores sunt, Rufinus, Sozomenus, Nicephorus, & Cedrenus historiae Ecclesiasticae scriptores, atque etiam Suidas. Hieroglyphicorum igitur peritis opinio & traditio fuit ad posterum deriuata, oraculum apud eos fuisse, tempus tandem fore, quo per hoc signum

Rufinus.
Sozomenus lib. 7.
c. 15. Cedrenus
pag. 267.
Nicephorus lib. 12
c. 25.
Suidas.

vita mortalibus daretur. Omnes namque caerimoniae ad crucem trahuntur, & in ea summum mysteriorum continetur, & totius nostrae fidei & religionis compendium existit. Bene autem cecidit, id Theodosij principatu annotatum, proditumque litteris fuisse, quo ex eo clarius euadat, nos non primos esse eorum, qui apud Aegyptios crucis signum inter hieroglyphica reppererunt. Vidimus namque huiusmodi crucis notas, non solum in obeliscis quos Sixtus V. Pont. Max. resectos erexit in Vrbe, sed & alibi in quibusdā alijs Aegyptiorum scalptis marmoribus, lapidibus, & gēmis. Et vt vno verbo crucis praedictiones concludamus: nullum fuit apud antiquos legitimum sacrificium, quod non ad victimam in cruce immolādam referretur, & ex ea quidquid virium haberet, assequeretur. Hoc signum si recte apprehenderimus, nos tandem totos corpore & animo caelo inferemus.

Creberrimum fuisse olim vsum crucis.

Cap. XXXVII.

QVAMQVAM nostra aetate frequēs sit inter vere Orthodoxos vsum crucis, & eius in fronte signaculum: vt in sacris Missae mysterijs, ad significandum multos dolo-

dolores & tormenta quae Christus in sua passione tolerauit : in sacramentis conferendis, & ordinatione Ecclesiae ministrorum : in consecrationibus templorum, basilicarum, altarium, calicum, & vestiũ, quibus Episcopi, sacerdotes, & alij administri diuinis in ministerijs vtuntur, & benedictionibus populo largiendis : & frontem ipsa cruce consignandi, ventrem, & latera ; quod communiter Christiani omnes vsurpant, diuina, vt creditur, doctrina ad hoc per traditionem Apostolicam instructi : quod tribus digitis exprimendum esse docet Innocentius, ad significandum Trinitatis mysterium. Ducitur autem primum a fronte vsque ad vmbilicum, vt indicetur, filium Dei vnigenitum de summo caelo egressum, in viscera matris descendisse. Deinde a sinistro brachio ad dextrũ, vbi caussa simul incarnationis eius exprimitur, vt qui eramus a sinistris inter haedos, transferret ad dextrã inter oues suas. Solent etiam huic signandi mori tres aliae cruces praemitti, & pollice imprimi in fronte, ore, & pectore, vt corde diligamus crucem, ore confiteamur, & fronte non erubescamus eius signaculum imprimere. Est enim frons pudoris sedes, & arcis veluti humanae facies, & praeclarius aspectus. Episcopi praeterea cruce vtun-

Innocentius lib. 1.
cap. 44. de
altaris sacramento.

tur in pectore, crucem ante se gestant, ut
continuum crucis memoriam retineant;
& exemplo Christi, cuius est illud regium
vexillum, & triumphale insigne, vitam pro
grege sibi commisso effundere, ubi oportue-
rit, sint parati: & re ipsa praestent munus
boni pastoris. In publicis supplicationibus
cruces etiam praecedunt, quo admonea-
mur preces tunc rite effundendas nostras,
& impetranda a Deo beneficia quae peti-
mus, si a cruce initium sumamus. Pugnam
conferturi cum hostibus signis militaribus
cruce signatis utuntur, sperantes feliciter
omnia ipsis casura, victori illo vexillo
protectis. Tempia ingressuri, vel aqua se
lustrali expiaturi, vel limen aedium tran-
sgressi, cubitum concedentes, siue lecto
assurgentes, & ante cibum sumendum, hoc
eodem signo fideles se muniunt. Verum non
est adeo frequens huiusmodi apud nos com-

signatio, atque olim extitit: quae omni-
bus ferme rebus & actionibus miscebatur.
Vnde Tertullianus, qui priori illo saeculo
Ecclesiae vixit; Ad omnem progressum,
inquit, atque promotum, ad omnem adi-
tum, & exitum, ad vestitum & calceatum,
ad lauacra, ad mensas, ad lumina, ad cubi-
lia, ad sedilia, quaecumque nos conuersa-
tio exercet, frontem crucis signaculo teri-
mus. B. Efrene eadem effert, inquiens: Pin-
gamus

Tertullia
nus in lib.
de coro-
na mili-
tis.
Efrene. lib.
de vera
poeniten-
tia, & lib.
de arma-
tura spiri-
tuali. c. 2.

gamus in ianuis, atque in frōtibus nostris ,
& in ore , & in pectore, atque in membris
omnibus viuificum signum crucis; arme-
mur insuperabili hac Christianorū arma-
tura. Ea enim victrix est mortis , fidelium
spes, lux orbis terrae , paradisi reſeratrix,
haeresum proſtigatrix , daemonum expul-
trix, monachorum adminiculū, firmamen-
tum fidei, magna salutarisque custodia, &
gloria perpetua Orthodoxorum in aeter-
num. Hanc, o Christiane , armaturam die-
bus singulis, & noctibus, horis , atque mo-
mentis , in omni loco circumferre nō desi-
nas, nihilque sine ipsa perficias. Scuti vice,
crucis signo te ipsum muni , signans ex eo
membra omnia , & cor tuum : validissima
quippe armatura haec est : nullusque vm-
quā tibi nocere poterit, si hac septus fue-
ris. Non pudeat igitur nos crucem confi-
teri , sed in fronte confidenter signaculum
crucis digitis imprimamus: & in alijs om-
nibus crux fiat ; in panibus comedendis, &
in poculis bibendis , & in egressu , & in in-
gressu, ante somnum , recumbendo , & sur-
gendo, eundo, & quiescendo . Magna nam-
que & firma haec custodia praetoriana , a
Deo fidelibus concessa , quae pauperibus
gratis datur, infirmi citra laborem ea po-
tiuntur . Crux ideo vbique terrarum & lo-
corum celebratur ; in domibus , in foro, in

solitudine, in vijs, in montibus, in collibus, in vallibus, in mari, in nauigijs, in insulis, in vestibus, in armis, in thalamis, & symposijs, in vasis argenteis, in aureis, in margaritis, in murorum picturis. In purpuris Regum crux, in diadematis crux, in precibus crux, in armis crux, in mensa sacra crux, & in toto orbe terrarum crux, & super Solem fulget crux : & quam omnes prius exhorrebant, atque execrabantur, eius tantopere vbique figuram expetunt. Ea inuenitur apud principes, apud subditos, apud mulieres, apud virgines, apud nuptas, apud seruos, apud liberos : subinde omnes ea se signant, inscribēdo in nobilissimum membrum nostrum. In fronte enim nostra, quasi in columna & arce, quotidie figuratur : & quod horrori antea fuit, nūc nobis cedit in gloriam & triumphum, & non erubescimus illam pro amuleto gestare. Qui enim illam ingenue confitebitur, confitebitur eum filius Dei coram patre suo, qui in caelis est : & qui eius puduerit, & erubuerit, vel abnegauerit, pudebit eius, & erubescet filius hominis, vbi venerit in gloria patris sui cum Angelis suis. ideo diuinus Paulus aiebat; Mihi absit gloriari, nisi in cruce Domini nostri Iesu Christi, per quem mihi mundus crucifixus est, & ego mundo. Etsi enim Christus sustinuit crucem, confusione

Mat. 10.
Marci 8.
Lucae 9.

Galat. 6.

Hebr. 12.

ne contempta; per crucem tamē imperium totius orbis illi accessit, & versa est in gloriam, victoriam, & trophaeum, quae tanto dedecori olim fuit, opprobrio & despectui. Exaltatus enim per crucem a terra, omnia traxit ad seipsum, & data est illi tandem per crucem omnis potestas in caelo & in terra. Et omnes principes Christiani, qui regnis, aut supremo imperio rite potiuntur, per crucem regnant, & vicarii sunt Christi, archimonarchae Angelorum & hominum. Hinc ortum, ut Imperatores & Reges orbem manu gestent, cui supereminet crux, ut sciant virtute & participatione crucis se regnare, & tamdiu suum imperium firmum futurum, quamdiu cruci paruerint, & se totos illi subiecerint, supremumque locum & arcem ea occuparit, & tamquam ad fastigium tenenti, omnis potētia, auctoritas, iura, & actiones ipsorum referantur. Hanc Apostoli summo opere venerati; Petrus gaudenter complexus, in ea gloriose martyrium subiit: Andreas eius frater visam salutavit, exclamans: Salve crux pretiosa, quae in sanguine Christi dedicata es, & ex membris eius tamquam margaritis ornata: suscipe discipulum eius, qui pependit in te magister meus. Thomas ad crucem orans a Brachmana occisus in India. Hanc in penula &
manu

manu nō solum Antonius, sed & alij Aegy-
 ptij monachi gestarunt. Sed & illud apud
 Rufinus. Alexandriam Aegypti gestum est; quod
 thoraces Serapis, qui per singulas quasque
 domos in parietibus, in ingressibus, in po-
 stibus etiam ac fenestris erant, ita abscissi
 sunt omnes & abradi, ut ne vestigium qui-
 dem usquam, vel nominis appellatio, aut
 ipsius, aut cuiuslibet alterius daemonis, re-
 maneret; sed pro his crucis Dominicae si-
 gnum unusquisque in postibus, in ingressi-
 bus, in fenestris, in parietibus, columnisq.
 depingeret. Quoniam vero in Aegypto
 aduerso flumine Nilo in Aethiopiam iter
 patet, & magna olim inter illas regiones
 commercia fuerunt; nō dubitandum, quin
 in religione quoque vetustissima, magna
 in multis fuerit concordia. Nusquam cer-
 te gentium maior est crucis simulacrorum
 vel in manibus vel in collo ferēdorū usus,
 quam apud Abyssinos: quod licet de cōmu-
 ni omniū Christianorū cōsuetudine ema-
 nasse dici possit; facit tamen Aegypti vici-
 nia, ut suspicemur, & etiam credamus, hāc
 tam assiduam & perennem cōsuetudinem,
 ad Aegyptiacam originem pertinere.
 Unusquisque enim Abyssinorum crucem e
 collo pendentem gestat, monachi singuli
 aliam etiam in manu. Quando cum alio
 procedunt, vel iter agunt, crux eos lignea
 ante-

Philippus
 Bergom.
 suppl.
 Chronic.
 lib. 17.
 pag. 417.
 Damia-
 nus Goës
 in lib. de
 moribus
 Aethio-
 pum.

antecedit in memoriã passionis Christi:
in suo exercitu viginti magnae cruces,
multis pretiosis ornamentis insignitae,
praeferuntur: & inter cetera professionis
suae dogmata, vnum est, credere sanctum
lignum crucis, lectum aegritudinis Do- *Frãciscus*
mini nostri Iesu Christi filij Dei esse. Apud *Aluarez*
Chinas etiam crux inter sacra signa habe- *in itinera*
tur, sed qua de caussa ab ijs ignoratur. *rio Ae-*
Nam vt ad Abyssinos per eunuchum Re- *thiopiae.*
ginae Candaces Euangelium venit, ita *cap.3.*
apud Chinas quoque, & vicinas Orientis
gentes per S.Thomam praedicatum fuit,
vt ex actis eius accipimus, quae apud In-
dos, vbi vixit, & necem subiit, asseruantur.
Immo, quod mirabilius existit, in nouo or-
be cruces repertae in fanis, & sepulcris
vetustissimis, quarum tamen originem vel
significationem incolae prorsus ignorant;
immo simulacra aliquot mitris episcopa-
libus & baculis insignita: de quibus nullam
rationem reddunt, sed tantum vetustissi-
ma esse monumenta longissimis seculis a
maioribus illic collocata. Quo fit, vt ali-
quem Christi discipulum illuc appulisse
& penetrasse credamus, qui illos rudes po-
pulos tunc instituerit in doctrina Euange-
lica, & Episcopos & sacerdotes aliquot or-
dinarit, qui illi genti praecessent, & crucis
cultum & adorationem induxerint. Reli-
gio

gio tamen sensim abolita, & ministri Euāgelici forsitan caesi, vt non potuerint de regionibus illis incognitis, & numquam antea lustratis, ceteros mortales instruere: nam vestigia crucis & episcopalis habitus, quae illic nunc vsque permanferunt, clare testantur ab aliquo fuisse Christi sectatore illuc inuecta, qui nūquam ad suos amplius sit reuersus. Nulla namque gens tam barbara, aut a cognitione hominum semota, quam non Apostoli aut alij primores Christi non lustrauerint, & crucis mysteria, quae rete sunt Apostolicum, non intonarint, iuxta illud regij Prophetae de iisdem multo ante vaticinium praedictū: In omnē terram exiuit sonus eorū, & in fines orbis terrae verba eorum. Crux enim Christi, mūdum designat; & quattuor eius cornua, totidem mundi partes. Vertex, est Oriens: dextra, Septentrio: laeua, Auster: inferior, Occidens: ad quas omnes notitia crucis vulganda & propaganda erat.

Psal. 18.

Signum crucis daemones vehementer formidare. Cap. XXXVIII.

PRETIOSAE Crucis signum adeo est daemonibus formidabile, vt obiectum continuo fugiant, non potentes tantum lūmē & splendorem suis caligantibus oculis suffer-

sufferre, Christianis quidem carum, ipsis maxime inuisum, illis faustum & plausibile, istis funestum, hostile, atque dirū. Triūphauit enim Christus Deus de illis in hoc signo: ideo quando vident crucem, recordantur crucifixi: metuunt enim eum, qui cōtriuit capita draconum. Sācti ideo martyres siue iudicio sistēdi essent, siue necem subituri, cōtra diabolicas tētationes, illusiones, & praestigias, ac terriculamenta, tutissimum, praesens, & salutare illis remedium crucis impressio fuit. Hac daemones ab obsessis corporibus pelluntur, magi confunduntur, incantamenta arte diabolica procurata soluuntur, idola corruūt, & tempestates arcentur, & compescuntur. Crux igitur cum sit insigne Christi victoriae trophaeum, gloria, & honor eius, mortis stimulus, de omni magia, de morte, de daemonibus triumphans, nostrumque sigillum ad salutem; merito illud daemones tantopere expauescunt, euanescent & fugantur hoc signo proposito. Quare si in fronte & mente crucē imprefferimus, nullus scelestorum daemonum, cum hastam videat, qua letale vulnus suscepit, congregari nobiscum audebit. quapropter & in penetralibus, & in parietibus, & in fenestris, & in fronte quoque ac mente magno studio crux esset nobis inferenda, & vexillum

lum militare aduersus daemonū infidias leuandū; & vt feliciter & tuto cum ipsis congregari & decertare possimus, hoc nos telo
 2. Cor. 10. & armatura munire debemus. Arma enim nostra nō carnalia, sed spiritualia sunt, potentia Deo, qualis crux est, aëreas spoliando & euertens potestates, tartareas legiones deuincens, lemures & laruas & spectra ac inania phantasmata nocturna & diurna propellens. Manifeste igitur crux in fronte imprimenda, vt daemones signum Regis videntes, tremore correpti, procul aufugiant. Faciamus autem hoc signum, manducantes, & bibentes, sedentes, ac stantes, & loquentes, & ambulantes: in summa, in omni nostro negotio accipiamus arma contra aduersarios huius crucis. In quo sensu videtur Paulus Corinthijs scribere,
 1. Cor. 10. inquit: Siue manducatis, siue bibitis, siue aliud quid facitis, omnia in gloriā Dei facite. Et rursus Colossensibus: Quodcumque facitis aut in verbo, aut in opere, omnia in nomine Domini nostri Iesu Christi facite, gratias agentes Deo & Patri per ipsum. In omni inuēns actione signum Christi praemittendum, quod est crux, in qua eius gloria & nomen inuocatur, & gratiae aguntur pro beneficio in ea cunctis collato. Videtur enim totius fidei nostrae compendium in hac vna cruce signandi ratione
 ne

ne contineri. Ea propter diabolus tantopere eam oppugnat, tantisque malis artibus & technis utitur, ad eam, si posset, evertendam. Habet enim suos milites & satellites, per quos, quod ipse nequit, exequitur, Iudaeos, Paganos, & haereticos. Crucis namque signum, ut maledictum & anathema, fugiunt Iudaei, nec in fronte pingere volunt: ita haeretici nostri temporis, crucis figuram multis in locis abolent, & tamquam maledictum in fronte aut ferre aut pingere horrent; adeo ut Lutherus ipse festum Crucis, quasi semiiudaeus, anathemate damnarit: & Brentius, cum alijs nostrae aetatis impijs Iconomachis, Catholicos ob pias sanctae Crucis caerimonias, sacrilegae magiae accusare non verentur. Simulacra praeterea crucis, quae ipsi daemones timent, neque audent contingere, aut laedere, non e vijs & compitis modo, verum e templis eijciunt, ut ne qua tanti beneficij memoria supersit. Benedictionum usum, quae per signum crucis fiunt, quibus nos per crucem a maledicto liberatos profiteamur, ludibrio habent, neque ferre possunt, ut per verbum Dei signo crucis aliqua creatura sanctificetur, audaciores daemonibus effecti, & magisterium fatanae supergressi, scelestiores ipso evadunt, abijcientes praesidium, quod ipsos servare

Lindanus
Dubitan-
tij sui dia-
logo 2.

re posset, & reducere ad auitam fidem, quã amentes & insensati tam temerarie abnegarunt: inermes omnino redditi, diaboli incurfibus, vt ita praedae & direptionibus pateant eius, quos videt auxilio crucis omnino destitutos.

Crucis signum morbis & periculis alijs auertendis salutare fuisse.

Cap. XXXIX,

SIGNVM Crucis seruauit Hebraeos in Aegypto, ne ab exterminatore delerentur; in deserto, ne perirent a serpentibus morfi: tempore Ezechielis, illo signati eadem euaserunt: Cōstantinianae victoriae, & Honorij, eiusdem virtutē partae, & pleraeque aliae, quarum superius diffuse meminimus. Moribunda femina, & mortuus vir, eius contactu, cum primum reperta, suscitati. Theodosius praeterea Magnus Imp. Honorio & Arcadio Constantinopoli relictis, in Occidentem copijs cum Orientalibus profectus, ordinum ducibus profectiōnem eam dissuadentibus, & in aliud tēpus differendam, quo essent maiores copiae collectae, proponentibus, nullatenus acquieuit: non esse tantam imbecillitatem tribuendam, dicens, omnipotenti crucis armaturae, quae ex aduerso Herculis im-

gini

Nicepho-
rus lib. 12
cap. 39.

gini opposita esset. Exercitui enim suo Cedre-
crux praeibat, hostium autem copias Her- n^o in An-
cules pro signo antecede-
bat. Ad Alpes igitur contendens, prima tyranni Eugenij
praesidia cepit. In locum autem pericu-
losum, cum hostium exercitu conflicturus,
perueniens, ante & a tergo aduersarios im-
minentes habens, proelium cum eis atrox
& dubium commisit. Ad preces igitur, re iam
ferme desperata, confugienti, Iohannes Euan-
gelista, & Philippus, sancti Apostoli Christi,
sui tutelares, in somnis apparent, & alij
etiam militi visi, victoriamque virtute
crucis pollicentur. Eugenius tandem ty-
rannus eo proelio victus, copiae eius dele-
tae, Arbogastes seipsum interimit, & vi-
ctoria insignis caelitus parta, pugnantibus
pro ipso multis legionibus Angelo-
rum: & tandem crux Herculem calcavit:
ut quae telum potentissimum ad victo-
riam pertinens, & illius signum sit saluta-
re. Constantinus etiam Maximus satelli-
tes quinquaginta, corporis robore, virtute
animi, pietatis institutis eximios, ex omni
suo exercitu delegit, qui in solam vexilli
S. crucis gubernationem omni cura ac stu-
dio incumberent, vallarent illud undique,
singulique suo ordine gestarent.
Accidit in quodam proelio turbatio re-
pentina: & qui vexillum crucis, quae in

pag. 266.

Imperatorio labaro habebatur, humeris gestabat, formidine exterritus, alteri tradidit, ut belli impetum effugeret. Postquam alter accepit, isteque fuit ex acie egressus, & extra vexilli praesidium locatus, telo in ventre coniecto confossus occubuit, timiditatis & diffidentiae poenas luens. ille autem, qui salutare trophaeum sublime & erectum portabat, omnino eius subsidio euasit incolumis; adeo ut saepe cum tela frequentia ab hostibus in eum iacerentur, qui ipsum ferebat, saluus extiterit, & vexilli hastile tela missa exceperit. Et quod omne plane superat admirationem, tum quod tela ab hostibus iacta, sic intra exiguum illum & angustum hastilis ambitum prouolabant, ut in eodem fixa haerescerent: tum quod ille qui illud ipsum gestabat, mortem effugeret. Immo vero, qui hoc ministerium obibant, nihil damni, incommodive umquam acceperunt. Quam historiam Eusebius ex ore ipsiusmet Constantini Imperatoris excepit: qui addebat, rem dignam esse, quae litteris ad posterorum memoriam commendaretur. Haec igitur miracula de Crucifero Constantiniano, & alijs, qui hoc munereungebantur, qui nec in grauem aliquam calamitatem inciderunt, aut vulnus acceperunt, aut captiui umquam abducti fuere, diuina Crucis virtute

Eusebius
de vita
Constantini lib. 2.
c. 8. & 9.
Nicephorus lib. 7.
cap. 37.
Sozomenus hist.
lib. 1. c. 4.

tutē id operante. Neque hoc loco sub-
cendus est Bogoris, Bulgarorum Rex, qui
Christianus factus contra procerum & po-
puli reliqui votum, aegreferentium muta-
tionem religionis: seditione & communi
tumultu excitato, vniuersis ferme aduer-
sus eum arma corripientibus, ipse parua
manu, signo crucis praelato, multitudi-
nem fudit. Cuius rei admiratione & inopi-
nato euentu perterriti, ad Christi fidem
perducti, Regisque propositum commen-
darunt. Addam & miraculum ingens, quod
crux edidit Apameae, huic nostro tracta-
tui accommodatum & peropportunum.
Apameēses intellexere Chosroēm Persarū
Regem, qui vixit tempore Iustiniani Imp.
Antiochiam igne succēdisse: quare Thomā
eius vrbis Episcopum, virum probitate
morū & litteris praestantissimū, quasi spe
salutis destituti, enixe rogarūt, vt salutare
vitaleque lignum Crucis in medium pro-
ferret, inque omnium oculis statueret; quo
iam, cum supremum vitae diem viderētur
obituri, illud contemplarentur, amplexa-
renturque, vtpote, in quo solo hominum
salus posita esset; atque adeo ad aliam iam
vitam profecturi, crucem venerādam ha-
berent pro viatico, quae posset eos ad me-
liorem locum incolumes perducere. Ac-
quieuit Thomas, licet consuetudo id mini-

Cedre-
nus in An-
nalibus
pag. 443.

Euagrius
hist. lib. 4.
cap. 25.
Nicepho-
rus lib.
17. c. 15.

me pati videretur : diebus ad eam rē prae-
stitutis, vitale lignum Crucis profert. Ado-
rant, amplexantur. Thomas sublatis mani-
bus, lignum sanctae Crucis, quo vetus pec-
cati maledictio deleta fuit, totum sanctua-
rium circuiens, omnibus ostendit. Ac Tho-
mam de loco in locum progredientem, in-
gens flamma ignis splendentis, non ar-
dentis, sequebatur; adeo ut totus locus, in
quo consistens, venerandam crucem popu-
lo ostendebat, conflagrare videretur. At-
que hoc factum est non semel, aut iterum,
sed saepius, cum Thomas omnem illum
locum circuiret. Quae res salutem, quae
postea Apameensibus contigit, praesigni-
ficauit. Ob quam causam imago in testu-
dine sanctuarij statuta fuit, quae inscriptio-
ne in basi incisa, hoc miraculum illis, qui
eiusdem ignari erant, commōstraret. Vrbs
igitur non solum tunc, sed multis postea tē-
poribus beneficio Crucis seruata. Accidit
hoc S. Vigili j Pontificatu, Belisario tunc
Iustiniani in Italia duce. Non solum autem
fidelibus, sed infidelibus bene cessit Crucis
consignatio, & a multis periculis eius sunt
virtute & potentia erepti. Miserat ali-
quando Chosroës Persarum Rex Constan-
tinopolim ad Heraclium Imperatorem
Turcas quosdam, cruces in frontibus im-
pressas gestātes, stigmatibus liquato atra-
mento

mento perennes. Imperator cruces eos habere conspicatus, sciscitatur, quam gratia, quae non crederent, aut colerent, alienae religionis signa circumferrent. Illi, grauem ante plures annos in Perside & patria sua pestem coortam esse, dixerunt; a qua cum multi homines infecti interirent, a Christianis, quos tunc interesse contigit, admoniti, ut crucis signaculum eo modo fronti imprimerent, incolumes non solum eos futuros, sed regionem eam a tali lue intactam, liberamque fore persuaferunt; idque ita esse ab eis factum, & ut Christiani praedixerant, euenisse. In hunc morem Isini quidam haeretici, partim Indiam, partim Aegyptum incolentes, cum suos infantes baptizant, eorum presbyteri ferro quodam igni candescente & peracuto, signum crucis frontibus infantulorum, velut characterem quemdam imprimunt. Sed & Agareni quidam Africae indigenae, crucem unam istiusmodi nigram in gena, alteram in vola manus incidunt: ignorantes tamen causam, nesciunt rationem reddere, nisi ex innumeris fere, paucissimi. Gothi aliquando in Africa imperarunt, & ad religionem Christianam ex paganismo multi conuersi; quos principes illi, ut pietati fauerent, immunes a tributis regiis fecerunt. Cumq. exactores vectigal a singulis

Nicephorus lib.
18. c. 20.

Ioannes
Leo in de
scriptio-
ne Afri-
cae lib. 4.
& 5.

recuperarent, multi qui Pagani erant, mē-
tiebantur se esse Christianos, vt ita regiū
censum eluderent. Huic fraudi subuentum,
consignatione perpetua crucis in gena &
vola manus, qua nemo posset vltius im-
ponere, & eo signo Christiani dignoscerē-
tur ab infidelibus. Et hic mos maxime vi-
guit Bugiae, Hipponae, & alijs vicinis vr-
bibus & oppidis. Sed hos non iuuat ad ani-
mae salutem huiusmodi crucis gestatio &
consignatio; cum inimici infensissimi eius
sint, & maxime ipsam auersentur: non se-
cus atque multae feminae Mahumetanae
in Africa, quae sacro baptismo intingunt
infantes suos recens natos, quo paedorem
& olidum quoddam virus ipsis innatum
aboleant, quod fieri per baptismum expe-
riuntur, alias hostiliter infectantur Chri-
stianum nomen & religionem.

*De ijs, qui peculiariter crucem reueriti
sunt.*

Cap. XL.

NON est defraudandus sua laude Ti-
berius II. Imp. qui post Iustinum II.
Imperium est orsus moderari Orientale,
anno D. DLXXVI. vere Orthodoxus,
liberalis in pauperes, cunctisque miseris
opem ferens. Hic quadam die in aula ob-
ambulans, lapidem in pavimento conspe-
xit,

xit, cui signum crucis erat insculptum: ad
astantes ideo conuersus, nefas esse aiebat,
crucem pedibus conculcari, quam Impe-
ratores in tiara gestarent, & cunctus po-
pulus Christianus supplex veneraretur, &
frontem & pectus eius signo muniret. Ius-
sit itaque lapidem sustolli, meliorique ac
honestiori loco reponi; sub quo & alius re-
pertus eadem cruce insignitus; quo etiam
sublato & tertius inuentus est. Hunc simili
modo etiam sustulerunt, mirati quidnam
res ea portenderet. Tum eo in loco ingens
auri thesaurus repertus est, tantamque au-
ri inde vim cepit, quantam hominis libe-
ralitas & beneficentia exigebant. Cuius
quidem magnam partem pauperibus ero-
gauit, & in alios pios vsus insumpsit. Ea-
dem religione ducti Theodosius & Valen-
tinianus Imperatores Augusti, Eudoxio
Praefecto praetorij scribentes, edicto ca-
uerunt: Cum sit, inquires, nobis cura di-
ligens per omnia superni numinis religionem
tueri, signum Saluatoris Christi nemini li-
cere vel in silice, vel in marmoribus humi
positis insculpere, vel pingere, sed quodcu-
que reperitur tolli, grauissima poena mul-
tando eo qui contrarium statutis nostris
tentauerit, specialiter imperamus. D. XII.
Kal. Iu. Hierio & Ardab. Coss. Habetur in
Codice Iustiniano, tit. nemini licere, &c.

Paulus
Diaconus
lib. 11.

Platina
in vita Be-
nedicti
primi
Papae.

datū anno Christi 427. Idem sexta Synodus in canone 73. statuit in haec verba; Cū crux viuifica illud salutare nobis ostenderit; nos omne studium adhibere oportet; vt ei, per quam antiquo lapsu saluati sumus, eum qui par est, honorem habeamus: vnde & mente, & sermone, & sensu adorationem ei tribuentes, crucis figuras, quae a nonnullis in solo ac pauimento fiunt, omnino deleri iubemus, ne incedentium conculcatione victoriae nobis trophaeum iniuria afficiatur. Qui secus fecerit, excommunicari decernimus.

Porro Tiberius ex ea crucis veneratione ingens emolumentū est cōsequutus. Victorias namque, vltra thesaurum, de Persis est adeptus insignes: & omnia illi pro votis cōtigerūt, quadriēnio illo, quo administrauit Imperiū. Beneficijs diuinis gratus, & cruci, quā in summa veneratione habebat, nummos aureos cudit, cum insigni sanctissimae Crucis, inscriptiōe adiecta: Victoria Augg. NN. Horum multi inuenti in demolitione aulae Lateranensis tempore Sixti V. Pont. Max. anno 1589. cum plerisque alijs Imperatorum Christianorum: quos idem Sixtus principibus viris, etiam cum indulgentijs, distribuit. Cum haec scriberem, bono omine, nummus aureus Tiberij cum insigni Crucis, dono mihi missus e Patauio ab Ambrosio

brofio Brixienfi monacho Benedictino ,
Decano Cafsinenfi, viro docto in primis, &
amicitia mihi coniunctiffimo: quem velut
e caelo lapfum ea occasione gratum ha-
bui; erat enim vnus illorum, qui fuerunt
Laterani reperti: & quasi rata eo pignore
effent, quae de cruce fcripiffem, mihi in
mentem veniebat, & indicio Crucis dele-
ctabar. Sed ad alia pergamus.

Quam grata fuerit omnipotenti Tibe-
rij pietas, thefaurus continuo repertus
comprobauit, qui non fortuna, aut casu
inuentus, fed pro fingulari ipfius merito, &
religiofa in Crucem obferuantia diuinitus
fuit oblatus: qui decies centena aureorum
millia exceffit, millionem popularius vo-
camus. Azo I. C. celebris adeo abufum con-
ftituendae in pauimento crucis, quae cal-
cari pedibus poffit, execratur, vt capitali
eos fupplicio damnandos cenfuerit. Ve-
rum qui non mala mente, fed inconfidera-
te id egiffet, nō effet ita feuerè plectendus:
qui autem iniquo animo, impie, vt pedibus
conculcaretur, fuppoiffet, vltimo effet
vtique fupplicio afficiendus. Sed deteftan-
da potius, quae confuetudo praua inoleuit,
eorum, qui in muris & parietibus domo-
rum, iuxta vias publicas, crucis fignacula
pingunt, vt arceant illic immingētes: quod
quantum imminuat, & detrahat dignitati

Paulus
Diaconus
lib. 17.

& venerationi Crucis, nemo qui recte sentiat, ambigere potest; cum despecto & abiecto loco res pretiosissima collocetur, & a nemine ferme transeunte, vt par erat, adoretur, quod tam humili & profano loco consistat: immo ludibrio sit, & derisui haereticorum & Iudaeorum exposita, & noctu siue ab inscijs, siue a nostrae religionis hostibus, non solum lotio, sed alijs etiam sordibus conspurcetur. Proinde, vt indecenti & impuro situ reposita, merito debuisset deleri. Si enim Pontificum aut Regum insignia, simili loco disposita, indignitatem aliquam ipsorum arguerent; quanto magis crux Christi, Regis Regum omnium, hominum & Angelorum insigne, debuisset decentius collocari? *de hoc. D. I. de A. l. 1. c. 1.*

Non minori laude efferendus est Ludovicus, nomen Gallorum Rex, qui ob eximias eius virtutes, & vitam innocenter & purissime actam, sanctorum meruit catalogo ascribi. Hic tantum est crucem reueritus, vt morbo letali correptus, cruci suscipiendae aduersus Christiani nominis hostes se deuouerit: & quamdiu post vixit, eam gestauit: & eadem, qua Tiberius, religione tactus, indignum iudicauit, crucis sanctissimae signum humanis pedibus calcari & teri, quod summo cultu & veneratione esset a mortalibus prosequendum.


Pro-

Proinde iussit, e lapidibus & marmoribus, quae in pavimento strata erant, signum crucis abradi, vel ad digniorem alium locum transferri. Notior est, quam ego tradere queam, reuerentia maxima, qua Constantinus Imperator crucem coluit & obseruauit. Cuius rei gratia, tot, eius virtute fultus, pugnas superauit, tot victorias de hostibus obtinuit, tot trophaea erexit, cumulum ea propter ingentem gloriae Imperio suo adiiciens.

Nō est hoc loco subticendus Petrus Gūdifaluus a Mendoza, vir vtique praeclarissimus, filius Ignigui a Mendoza, Marchionis Sātigliamae, digna proles tali parente. Qui ad illustrissimi ac peruetusti generis nobilitatē, multas animi dotes, sanctos mores, singularem doctrinā, multarumq. disciplinarū cognitionem, & variarum rerum gerendarū vsum, & prudentiam, parentem imitatus, qui litterarum fuit aequae ac rei militaris studiosissimus, adiunxit. Ob quae praecipue merita Episcopus primo Calagurritanus, & Palētinus, deinde Segūtinus creatus: mox Cardinalatus honor, qui in sacerdotum ordine proximū a Pontifice Maximo dignitatis locum obtinet, a Sixto IV. Papa anno 1473. tit. S. Mariae in Domini-
ca, mox basilicae S. Crucis in Ierusalē, eidē delatus. Archiepiscopus deinde Hispalen-
sis

sis, tandem Toletanus, & Hispaniarum Primas constitutus. In maximis & grauissimis negotijs, prudentiae, consilij, atque ingenij ita vim expressit, vt dignus maiori functione videretur. Erga egenos misericors, in omnes liberalis, viros praesertim doctos excoluit, fouit, & aluit, singularibusque beneficijs & praemijs semper est prosequutus. In primis vero summum religionis ac pietatis studium adhibuit in veneratione crucis, & cultu illi & honore peculiari impendendo. Vbicumque enim gentilitia sua insignia pingi, inseri, siue scalpi oportuisset, locis, structuris, ornamentis, ceteraque supellectili, & vasis aureis & argenteis, semper crucis signum Ierosolymitanum separatim exprimi a dextris eminentiorique loco curabat, quale hic oculis subiecimus.

Demum



Demum omnia siue publica, siue priuata,
siue sacra, siue profana ipsius monumen-
ta, crucis signū praeferabant, & nulla alia
magis re delectabatur. Insigne Vallisoleti,
ac celebre collegium sub titulo S. Crucis
magnis sumptibus erexit, amplissimis red-
ditibus eidem assignatis; ex quo multi vi-
ri docti, veluti ex Troiano equo, prodire,
qui ad varia munera obeunda, & multo-
rum magistratuum functionem assumpti,
Christianae reipublicae mirum in modum
profuerunt. Toleti praeterea valetudina-
rium

riū ingens & magnificentissimum pro curandis & lactādis pueris expositis, non solum titulo Crucis, sed forma eiusdem, iussit aedificari, ita ut structura crucem per omnia referret, & in singulis brachijs singula intercolumnia (claustra vocant) cōtineret, pulcherrimū ea ratione & symmetria spectaculum praebens: & quod admiratione dignum existit, crux est in vno illorum claustrorum, nulla opera aut studio hominum, sed sua sponte, ex herbis quibusdam conflata, proueniens; quae quantumuis auulsa, & decerpta, sub eadē semper forma & figura renascitur. Quo fit, ut religiosa populo habeatur, & particulam quisque illius herbae nascentis euellat, & salutarem morbis experiatur: & ideo ne vno tēpore dissiparetur, oportuit clatris cingi, & ita opportune distribui. Tectum praeterea basilicae S. Crucis in Ierusalem vetustate deformatum refecit, & laquearibus inauratis ornauit, ubi crux Ierosolymitana, sibi familiarissima, conspicitur. Expugnationi regni Granatensis, cū Ferdinando & Helisabetha, Catholicis Hispaniae Regibus, assiduus interfuit; magnamque pecuniae vim in eo aduersus Agarenos, inimicos Crucis Christi, bello gerendo, insumpsit. Crux vero Patriarchalis, quae ipsum solebat Cardinalem antecedere,

re, velut dux, & antesignana, prima urbem
Granatam deditione captam ingreditur,
& victrix ac triumphans de Christi hosti-
bus laeta processit: & in hodiernum vsque
diem ibidem asseruata, quando publicae
supplicationes fiunt, ceteras ecclesiarum
cruces, veluti ductrix & insignior, anteit.
Sed quod admirationem mouit, & myste-
rio haud vlllo vacasse credendum, id sin-
gulare fuit: eodem anno, mense, & die, quo
crux Patriarchalis Cardinalis Granatam
intrabat, Romae, in ecclesia sui tituli S.
Crucis in Ierusalem, triumphalis titulus
Crucis sanctissimae detectus, qui per mul-
ta ante secula hominibus incognitus deli-
tuerat: & dum Crux Granatae hostes supe-
rat Crucis, eius titulus trophaeum excitat
Romae, & publicam pro cunctis orbis ec-
clesijs sibi subditis agit laetitiam: & prae-
terea eo indicio Deus videbatur per Cru-
cis titulum obseruantiam Cardinalis &
religionem erga Crucem peculiariter cõ-
mendare. Bello Granatenfi tam feliciter
absoluto, duas res praeclarissimas, & ae-
terna memoria dignas, Catholicis Regi-
bus suggessit, Ferdinando & Helisabe-
thae, apud quos plurimum auctoritate &
gratia valuit: alteram, vt petitioni Chri-
stophori Columbi Liguris inclinarent, qui
nouas insulas & continentem versus Occi-
den-

dentem se reperturum pollicebatur, cum non solum ab Angliae & Lusitaniae Regibus esset explosus, sed a cunctis veluti delirus & impostor ludibrio & risui haberetur: tantum autem Cardinalis effecit, ut classis illi, milite, annona, & rebus omnibus alijs necessarijs instructa, nullo certo argumento aut experientia ductus, concederetur. Quod portam aperuit innumeris populis & gentibus ad Christi fidem & baptismum perueniendi. Alteram autem, sanctum munus in haereticos inquirendi auctoritate Apostolica, ut in Hispania institueretur: quod salutare illi prouinciae extitit, & fidei sinceritatem eius opera, diuino numine adiutum conseruauit: & si quando procellae aliquot subortae, ipsius beneficio sedatae, atque a censoribus, & violatae religionis vindicibus repressae conquieuerunt. Haec tam praeclara, post Deum, & Reges Catholicos, Cardinali Petro Cundisaluo a Mendoza accepta referimus. Qui in palatio, quod ipse magnificum Guadalagiarae cōdiderat, & nūc in principū suae familiae habitationē cēssit, lecto, morbo letali inuasus decubuit: ipsoque die obitus crux in caelo cādida apparuit, quae supra cubiculum impēdebat, vbi decessit, continuo euauit spectantibus illius urbis ciuibz prodigiosum, & diuinitus ostensum

sum signum, qui adfuerunt: mox autem ipso obeunte disparuit. Crux ita noluit deesse morienti, quam viuens tantopere excoluerat. Corpus eius Toletum translatum, & in primario sacello templi maximi honorificentissimo tumulo sepultum, non sine opinione sanctitatis. Cuius anniuersaria memoria saepe a clero, senatu populoque Toletano recolitur, & cunctis laudi & benedictioni est. Haec ex multis pauca ab historicis partim hausi monumentis, partim ex narratione Illustrissimi Cardinalis Ioannis a Mendoza excepi; qui tantae probitatis, candoris, & fidei existit, ut sermones eius pro fidissimo & firmissimo testimonio & certissima historia habeamus.

Quare Christus Crucis mortem prae ceteris elegerit. Cap. XLI.

MULTA & diuersa genera mortis, in eos, qui iure aut iniuria plectuntur, homines excogitarunt inferenda, Quandoque igne torrent, sicut Laurentium; flammis absumunt, sicut Agnetem; aquis immergunt, sicut Callistum Papam; saxis interimunt, veluti Stephanum; feris dilaniant obiectis, sicut Ignatium; patibulo stranguant, velut multos martyres in Anglia; caudis equorum ligatos discerpunt, veluti Hip-

M poly-

polytum; sagittis configunt, vt Sebastia-
num; gladio feriunt, veluti Paulum; vel
cruci suffigūt, veluti Petrum & Andream;
vel fame, velpaedore & squallore carceris,
aut venenis propinatis, exanimant, sicut &
alios plerosque. Inter tot tamen variaque
supplicia, Christus Deus redēptor noster,
non aliud magis quam crucem elegit, qua
mortem subiret, vt haec gloria, & honor,
palma, & victoria ipsi soli seruaretur, &
vnica de morte & diabolo triumpharet.
Tum vt letali signo, per quod mors &
peccatum in orbem inducta, vitale aliud
obijceretur, quod vitam & peccati anti-
dotum ministraret: atque melius lignum
alterius infausti ruinas & iacturas repa-
raret: & victoria penes lignum esset, sub
quo primus homo turpiter fuerat supera-
tus. Tū vt charitatis suae viscera erga nos
ostenderet, qui non solum humanum ge-
nus diligeret, sed impense & incredibiliter
amaret, saeuus & acerbior mortis suppli-
cium alijs mitioribus praeferendo: quo te-
staretur, nihil quantumuis durissimū prae-
termisisse vmquam, quod non in nostram
salutem & commodum impenderit, exces-
su quodam amoris impulsus. Summum
namque supplicium videtur, crucis affixio,
& viui concrematio. Sed cruci suffixio eo
est rigidior, quo productior, & tēpore diu-
turnior,

turnior ; ignis namque cito absumit & suffocat, crux autem diutius torquet, & in biduum & triduum necem differt, nisi crurifragio occurratur. Intolerabiles interim sunt cruciatus, cum e manibus & pedibus, clavis transfixis, totum corpus pendeat citra ullum solatium. Ideo igitur Christus hoc dirius mortis supplicium pertulit, ut non momentanea ea esset, sed diutius duraret, doloribusque intensius torqueretur. Vaticinia praeterea Prophetarum, quae multa de Christi morte edita, in cruce subeundam praedixere. Immo ipse Christus se Ioan. 8. exaltandum, ut credentes in eum non peri- Mat. 20. rent, Nicodemo ; & discipulis, tradendum Gentibus ad crucifigendum, aperte exposuit. Non potest autem verbum diuinum umquam deficere, neque prophetica oracula praeteriri, aut falli. Adde, quod Seruator noster, in altum sublatus, aërem voluit sua praesentia expiare, hominum sceleribus corruptum, eorumque contagijs veluti infectum : quod terrae praestiterat, eam suis sanctissimis pedibus calcando. Voluit etiam cuncta in sua morte honorare, herbas in funibus, dumos in corona spinea, metalla in clavis & lancea, animantia bruta in agno paschali, faxes & linteamina in sepulcro, telas laneas in purpureo vestimento, volucres in gallo negationem Pe-

tri cantu prodente; homines in matre, & Ioanne, atque alijs bonis feminis cruci assistentibus, sancto latrone, Iosepho Arimatheensi, ac Nicodemo, eius funus & sepulturam curantibus; panem & vinum in sacramento altaris; & ne quid superesset, omnes arbores in ligno crucis ornauit. Placuit eidem sublimis vndique conspici, qui pro omnibus vitam effundebat suam: tum vt plagas orbis omnes liberius spectaret, in quas esset sua crux & dona testamento & vltimo foedere deleganda: tum vt excelso & edito loco tribunal & regium solium suum locaret, iura cuncto terrarum orbi inde redditurus, qui alterum duorum latronum in caelitum consortium admittit, alterum in tartareas cohortes & voragines damnat. Cathedram item doctoris ibi statuit: e cruce docens mortales veram sapiētiam & virtutes, quibus suam admirabilem crucem discipuli tanti magistri sectentur. Hae igitur causae, praeter alias quas ipse solus nouit, vt Christus mortem crucis e cunctis supplicijs vnā elegerit, ac praestantiorē iudicarit.

Quod omnis nostra salus a cruce pendeat, & vitam immortalem nemo citra ipsam consequi possit. Cap. XLII.

HVNC librum vnico exemplo hic proposito absoluiam, ad explicandum quantae virtutis & potetiae sit Christi sanctissima crux, ex Nicephoro historiae Ecclesiasticae scriptore, petito. Constantino Maximo Imperatori per visum Michaël supremus spirituum creatorum princeps, & signifer totius militiae caelestis, atque protector Ecclesiae Catholicae ab exordio mundi vsque ad finem, iuuenis specie, alatus apparuit: Ego, inquit, sum Michaël, archidux Domini virtutum Sabaoth, Christianorum fidei tutor, qui tibi contra impios tyrannos belligeranti, fidei & germano illius ministro, auxiliaria arma contuli. Somno euigilās Imperator, regionem eam pulcherrime excoluit, & celeberrimum eo in loco Michaeli Archangelo tēplum aedificauit. Sacram eam aedem, apparitionibus suis, non secus atque in Gargano Apuliae monte, & Normandiae in Gallia promontorio, idem Michael illustrauit. Nullus enim fuit, qui morbo graui aut incurabili laboraret, & illic accurrens Deum imploraret, cui non facile opem & auxi-

Nicephorus lib. 7.
cap. 50.

lium tulerit, eiusdem precibus Michaelis & intercessione inclinatus. Et certo satis creditur, eum apparere ibi solitum, salutiferum illum efficere locum; cuius rei gratia ab antiquis etiam Michaelium est vocatus. A Probiano medico idem Nicephorus se audiuisse dicit, qui in Imperatoria cohorte aliquando militarat, graui correptum morbo, pedibus affectum, iuncturis, connexionibusque eorum longo tempore distortis, visione diuina in eo templo, prorsus fuisse liberatum. Hic porro, quod Graeca superstitione imbutus, ad Christianam pietatem transierat, alia quidem religionis nostrae quodammodo credibilia atque probabilia esse dicebat; crucem autem diuinam, salutis causam esse, omnino non admittebat. Atque in hac illi sententia periculose satis perseveranti, Archangeli visio assistens, crucis signum, quod in sacro templi eius altari collocatum fuerat, exhibuit; disertisque verbis ostendit, ex quo tempore Christus sit crucifixus, nullam esse rem, quae opitulari generi humano priuatim & publice, finemque debitum & effectum consequi, absque augusti huius ligni virtute possit, neque apud Angelos, neque apud pios, sanctosque, quicumque veri in Deum amoris testimonium obtinerent, homines. Qua perluasione, beatissimi
illius

illius principis beneficio, saniores is mentem recepit, & ab errore adeo pernicioso reuocatus est. Sapiencia namque in sola crucis cognitione versatur, & prosperitas tota homini de cruce pendet: ut quae sustentaculum sit & fulcimentum collapsi generis humani. Vita proinde omnis nostra sub cruce transigenda: & gloria nulla alia in re magis, quam in cruce, collocanda. Quam nisi quis post Christi necem receperit, & spem omnem in ea defixam habuerit, ad vitam aeternam peruenire haud potest. Eius signaculo crebro frons & pectus munienda, ne exterminator Aegypti in nobis locum reperiatur. Quam tandem, protritit vndique hostibus suis, laetam speramus victoriam relaturam. Qui igitur perseverauerit usque in finem, splendore illo eximio aeternae lucis, & crucis diademate coronabitur. Trophaeum namque nobis erigitur ante ora pulcherrimum, & insigne regium Christi, quod ipsum ad iudicium hominum venientem magna cum maiestate & gloria antecedit: in cuius numine omne genu flectendum, caelestium, terrestrium, & infernorum: & strenue in eius virtute & potentia pugnandum aduersus fidei hostes, aduersus tartareas & aëreas potestates, ac aduersus quoscumque impetus, & impendentia mala. Cruci obtreant Ethnici, at-

que eius doctrinam delirium existimant. Cum Iudaeis sit offendiculū, Gētibus stultitia; nobis tamē Christianis, eius sectatoribus, sapiētia & Dei virtus existit. Crucis diuinitatem si Ethnici cognoscerent, rem tantam risui non haberent; cum in ipsa sit omnis virtus & potestas, & mortis ideo non timeatur periculum, vbi tantae reuerentiae conspicitur signum. Crucis sublimitate iacentem Christus hominem excitauit, salutem peperit, & peccatum omne aboleuit. Crux olim, & nunc etiam, maximum & praestantissimum signum bellicum: eius mysterium caelo durabilius, terra stabilius, & omnium rerum constitutione diuturnius. Crux clarior cunctis astris, splendidior Sole & Luna: eius quattuor proiecturae, latitudo, longitudo, profunditas, & altitudo, quod a quattuor plagis mundi per eam homines euocentur, Oriente, Occidente, Meridie, & Septentrione. Per crucem pretiosam vniuersae terrae regnum obtinuit Christus: nobis aduersus daemones amuletum existit: & demum eius in caelo apparitiones, vix fieri nequit, quin nobis sint salutare, & victoriam pariant Christi militibus praestolatam. Placet distichum Cornelij Gemmae, in simile negotium ab ipso editum:

Corne-
lius Gem-
ma de di-
uinis cha-
racteris-
mis lib. 2.
cap. 3.

*Dux homini, noua lux caeli ad fastigia, crux est:
Vincet,*

Vincet, qui sub luce, Deo duce, pro cruce pugnat.
Et licet bellum quandoque crux ostensa significet, id fit in ordine ad pacem & tranquillitatem per ipsam adeptam. Quodammodo enim pace ipsa nobis bellum utilitatem adfert maiorem; propterea quod tentationes istae, ut Ecclesia magis etiam refulgeat, efficiunt. Pax enim nos molles, desides, & timidos reddit: bellum autem cum animos nostros acuit, tum rebus praesentibus nos affigi non patitur: sed ut eas despiciamus, & fluxa haec atque caduca pro nihilo habeamus, suadet. Deum autem, hoc symbolo crucium ostensarum, non existimo gravius pondus velle humeris nostris imponere, sed potius nuper positum, propediem ablaturum. Timenda tamen veniunt huiusmodi signa, quod oraculum sit Christi, qui Ecclesiam suam praedixit afflictione gravissima supremis temporibus agitandam. Nec huic sententiae adversatur illa Hieremiae, qua inquit: *Hieremias 10.*
A signis caeli nolite metuere, quae timent Gentes. De Ethnicis namque superstitionibus & idolomania sermo est, a qua fideles deterret. Cultum namque & adorationem exhibebant Gentiles statuis in signorum caelestium figuras efformatis, credentes ab illis se obtinere posse rerum copiam, vel timere inopiam, quasi numen haberet aliquod,

quod, velut erant arietis, tauri, Geminis, & ceterorum simulacra. Quod aperte contextus indicat eorum quae subiunguntur. Quia lignū, inquit, de saltu praecidit opus manuum artificis in ascia: argento & auro decorauit illud: clauis & maleis compegit, vt non dissoluatur. Et totum denique caput expendit Propheta in huiusmodi dehortatione, ne fideles prauum in hac re infidelium sequerentur exemplum. Timeri quidem potuit & debuit miranda illa Solis defectio in passione Christi. Timenda erunt signa in Sole & Luna & stellis, quae praecedent iudicij diem: quia ad hoc immittuntur, vt timeantur, & arescant homines prae timore. Timenda sunt astra crinita seu cometes; quia ad exitium plerumque hominum vergunt, & futurae alicuius calamitatis solent esse praenuncia, & legatione veluti fungi diuina, ad hominum meliorem mentem excitandam. Timendae sunt apparitiones crucium, sicut in terris, ita in caelis, colendae & adorandae, tamquam diuinitatis symbolum & magni Regis vexillum, eodem prorsus cultu & adoratione, qua ipse Deus, prosequendae, vt quae sint eius signa, subscriptiones, & characteres diuina sua manu impressi. Speramus, & optamus, has, quae in Gallia & Anglia nuper visae, felices & salutare toti
Chri-

Christiano orbi, & murum inexpugnabilem sacrae militiae esse futuras. Proinde oculos ad tam praeclarum & diuinum monumentum erigamus, & praestolemur pijs aucturum iustitiam, reisque donaturum veniam. Hoc vno signo diuino confidimus potestates tartareas debellandas, haereticos, eorum fautores, & illos, qui cum nihil credant, se tamen Christianos mentiuntur, & religionis sunt simulatores: omnia demum diaboli praestigia propellenda, & insidias hostiles superandas: & quod Orthodoxis est medicina & antidotum, haereticis autem, & crucis inimicis, & persecutoribus eiusdem, nisi opportune poeniteant, letale sit futurum venenum, daemonibus exitium, quod summopere expauescunt. Crux igitur diuina, vnica & vera spes nostra, quae meruisti talentum & pretium mundi super te sustinere, & eius sanguine cruentari, & vitam cunctis mortalibus elargiri, plebi Christianae tot miserijs & aerumnis afflictæ, tot modis collabenti, subueni precamur: vt in te vnice gloriemur, & tuo simus semper tuti praesidio.

Haec pauca de cruce, inter tam multa, quae de eius potentia & maiestate sublimia & ineffabilia dici possent, triginta octo diebus & coepi & absolui: & ex ijs aliquotum acgritudo, tum aestus vrbani intercepere,

pere, vt studijs vacare haud possem. Proinde boni consulat benignus lector; & si aliquid recte praestitū, diuinae cruci adscribat; sin minus, imbecillitati mei ingenij, qui non melius sciui ista pro rei dignitate tractare. Neque hāc prouinciam ego suscepissem, nisi eam D. Consalius Pontius a Leone demandasset, cuius hortatu & impulsu subeundam duxi. Qui ultra generis nobilitatem, doctrinam, & variam in disciplinis eruditionem, & propensissimum animum in viros doctos, dignus est ob ceteras virtutes a cunctis amari: a me praesertim, quem semper praecipuum expertus sum amicum. Illi, qualiscumque hic meus labor, acceptus ferendus, qui, vt scriberem, induxit me. Non sinet autem crux sanctissima, in cuius obsequium haec fiunt, suo quemque merito, praemio, & fructu fraudari.


De trino Sole & Cruce supra Lunam Theodosiae ostensa. Cap. XLIII.

A Typographis fuit praetermissa singularis quaedam crucis apparitio, quae suo genuino esset loco inferenda: tamen excudendam sub finem censui, ne illi defuisse videremur, quae insignis valde fuit.

Anno

Anno 1567. die 16. Ianuarij, in Scythia, Tartaria populariter appellata, Theodosia vrbe, ad Bosphorum seu mauiis Euxinū mare sita, Caffa nunc dicta, ad quam ante biennium Turcarum Imperator captiuos, quos ex Chio insula, Ioniae adiacente, inter Samum & Lesbum, in qua laudatissima nascitur mastiche, fraude circumuentos abduxerat, exulesque relegauerat, tres Soles in caelo visi, quos circulus ambiebat superiore parte candidus, inferiori varicolor, sicut Iris. Post tres circiter horas, Sol vnus versus Orientem, alter versus Occidentem progressus, tertius legitimus solito tempore occubuit. In eodem etiam loco, die eiusdem mensis Ianuarij 28. hora quarta noctis, crux splēdens supra Lunam cauam, qualis esse solet quae a Turcis pro insigni vsurpatur, apparuit; supra crucem stella emicuit, & ad auroram vsque splendidissima perdurauit, vt sequens figura ostendit.

Quod



Quod certe prodigium ad solatiū captiuorū a Deo caelitus immissum, qui pro Christi nomine a Barbaris, Christiani nominis hostibus, a patrio solo abducti, fortunis omnibus spoliati, in eā miseram & inopem vitam, nihil tale commeriti, fuissent coniecti. Indicabat etiam hoc portentum victoriam, quā de classe Turcica, Christiana foedere iuncta gloriosissimā quadriēnio post ad sinum Corinthiacum prope Actiacum promontorium habuit: & aliquando crucem Lunam, hoc est Turcicum imperium subacturam: & suscitandum Dauidem aliquando, qui istos Philistaeos, gentem impiam & execrandam, deleat; & Ierosolyamam, cum Syria, Aegypto, Graecia, ac Constantinopolitano Imperio, obediētia Catholicae Ecclesiae, cui olim subfuerant, restituat: & secunda de tam formidabili & immani hoste laetiores progressus faciat, & laeta crux ipsa triumphet. Et certe illud imperium, & legem Mahometanam breui exterminandam, etiam sua vaticinia praedicunt, aut defectione populorum, aut receptione Euangelij, aut bellis ciuilibus, aut multis alijs vijs, quas Deus nouit, & homines non assequuntur. Vnum certe constans est, illud imperium lenta quasi febris correptum in dies absumi, & debilitari, thesauris, & strenuis militibus in bello

lo

lo Persico absumptis, & obedientia popu-
lorum decrescente, & Mauritanis in Afri-
ca deficientibus. Deus tandem hanc fae-
uissimam Ecclesiae pestem auertet.

Aliae forsan crucis apparitiones me
praeterierunt, quas, diligentia adhibita,
& varia lectione assequi nequiverim. Prae-
stiti quod potui in tanta temporis angu-
stia, contentus haec qualiacumque in ob-
sequium Crucis Christi delibasse. Hoc est
autem nostra tempestate plausibile, cruces
caelitus ostensas nobis, in Gallia & Anglia,
quas nonaginta circiter ante annos in
Europa numquam contigit videri, uti-
nam, ut speramus & optamus, salutares
cuncto Christiano populo existant.

F I N I S.



INDEX

I N D E X
RERVM INSIGNIORVM
QVAE IN HOC LIBRO
CONTINENTVR.

Numeri facies paginarum designant.

A



- AVSVS* pingendi cruces, quo mi-
cturientes arceantur, detesta-
bilis. 164
- Abyssinos* cum alijs procedentes
crux lignea anteit. 149
- Abyssinos* in bello viginti cruces antecedunt. 150
- Abyssinis* & *Aegyptijs* frequētissimus vsus crucis.
149
- Abyssini* monachi crucem manu gestant. 149
- Abyssini* singuli crucem collo pendentē gestāt. 149
- Abyssinorū* Imp. crucem *Emanueli* Regi misit. 122
- Agareni* in gena & vola manus cruce signati. 167
- Agarenius* Rex cum suis aulicis baptizatur. 132
- Alexius* Imp. crucem *Alfonso* Regi misit. 120
- Alfonsus* *Alburquecius* crucem ad sinum *Persi-*
cum vidit. 49. 50
- Alfonsus* *Alburquecius* de pietate laudatus. 49. 50
- Alfonsus* IX. cum *Agarenis* felicissime ad *Nauas*
Tolosanas confligit. 28
- Alfonsus* IX. monachis ad *Sahagum* crucem dono
dedit. 120

N

Ambro-

I N D E X.

<i>Ambrosius Brixienſis, Decanus Caſſinenſis, laudatus.</i>	164
<i>S. Andreas Apoſtolus Hunſo Regi apparuit.</i>	26
<i>S. Andreae cruceſ in Anglia conſpectae.</i>	65
<i>S. Andreae cruceſ quid portendere videantur.</i>	67.
<i>uſque ad 70.</i>	
<i>S. Andreae crux eadem cum Chriſti.</i>	27
<i>S. Andreae crux Scotis & Burgundis in bello inſigne.</i>	26
<i>Anglia Eccleſiae reconciliata die S. Andreae.</i>	71
	72
<i>Antenna nauis crucem exprimit.</i>	140
<i>Apameenſis crucis miraculum.</i>	158
<i>Apameenſes crucis praefidio ſeruati.</i>	158
<i>Arbor vitae in paradifo typus crucis.</i>	136
<i>Arcadij militum veſtibus cruceſ inſederunt.</i>	40
<i>Arca Noë typus crucis.</i>	136
<i>Archiepiſcopoſ progredientes crux antecedit.</i>	32
<i>Arcuſ caeleſtiſ quando imbrium copiam ſignificet.</i>	1
<i>Arcuſ caeleſtiſ quando ſerenitatiſ ſignum.</i>	1
<i>Arcuſ caeleſtiſ pulchritudo.</i>	2
<i>Arcuſ caeleſtiſ reconciliationiſ ſignum.</i>	1
<i>Arcuſ triumphaliſ Conſtantino erectuſ.</i>	7
<i>A ſignis caeli nolite metuere, explicatur.</i>	180
<i>Athelſtanuſ Rex ab Hunſo in proelio occiſſuſ.</i>	26
<i>Auium volatuſ crucem ſignat.</i>	140

B

B <i>Aioaria ſubaſta a Carolo Magno.</i>	46
<i>Balduinuſ Imp. crucem Venetiſ oppignorat.</i>	121
<i>Bellum</i>	

I N D E X.

<i>Bellum saepissime vtile.</i>	180
<i>Bogoris Bulgarorū Rex virtute crucis hostes fudit.</i>	158
<i>Bona subsequuta ex conuersione Constantini.</i>	11
<i>Burgūdi & Scoti cruce S. Andreae in vexillis vtū- tur.</i>	32
C	
C <i>Allisti III. Papae pietas circa cometem.</i>	4
<i>Cancellatio manuum Iacob, typus crucis.</i>	137
<i>Carauaca, Hispaniae Tarraconensis vrbs.</i>	130
<i>Cardinalis Senonensis laudatus.</i>	78
<i>Christus in altum sublatus, aërem expiauit.</i>	174
<i>Christus crucis necem prae ceteris elegit.</i>	173
<i>Christus in cruce cunctis conspicuus.</i>	175
<i>Christus in morte res omnes voluit honorare.</i>	175
<i>Christiani in sua quique a Constantino restituti.</i>	11
<i>Clauī intra sepulchrum Christi reperti.</i>	108
<i>Columna castra sequens.</i>	3
<i>Columnae duae 40. annis perstiterunt.</i>	3
<i>Columna ignis antecedens.</i>	3
<i>Columna nubis fulgens.</i>	3
<i>Columna nubis qualis.</i>	2
<i>Columna in mari rubro qualis.</i>	2
<i>Columna porphyretica a Constantino erecta.</i>	13
<i>Cometae, dira sidera.</i>	4
<i>Cometae vix impune visuntur.</i>	4
<i>Cometes admirandus anno 1572.</i>	5
<i>Constantinus Maximus ter vidit in caelo crucem.</i>	11
<i>Constantinus tres magnas cruces fecit.</i>	12
<i>Constantini victoria de Maxentio.</i>	7

I N D E X.

Constantini victoria de Byzantinis.	12
Constantini victoria de Scythis.	12
Constantino crux in caelo visa.	6
Constantinus auro & gemmis crucem ornat.	7
Constantinus crucis signo in bellis usus.	6
Constantinus milites suos cruce signavit.	9
Constantinus quinquaginta cruciferos instituit.	8
Constantinus V. Imp. Iconoclasta, & Simulacriperda.	43.
Constantinus V. ideo Copronymus, quod sacram vndam oleo foedarit.	43
Constantinus V. sacrarum imaginum osor & euersor.	43.
Corona, victoriae & aeternitatis symbolum.	19
Corporalia Darocensia quae.	30
Cruces caelitus ostenduntur aut singulares, aut plu- rales.	5
Cruces admirandae in Germania visae.	59
Cruces apud noui orbis incolae repertae.	150
Cruces iterum in Germania conspectae.	63
Cruces in Germania quid portenderint.	62
Cruces cruentae quid significarint.	53
Cruces Ierosolymis quid significarint.	39
Cruces in Iudaeorum vestibis.	38.39
Cruces Toleti in Iudaeorum vestibis apparent.	57
58.	
Cruces in Heluetiorum pagis.	58.59
Cruces super corpus B. Iordani.	55.56
Cruces tres in Gallia visae.	53.54
Cruces inter sese cōcussae quid significarint.	89.91
Cruce	

I N D E X.

- Cruce se signandi vsus olim frequentissimus.* 144.
 146.
Crucis in Gallia nouissime visae. 74
Crucis in Gallia, quid portendere videantur. 79
 vsque ad 84.
Crucis in Iuliani Apostatae & comitū vestibus. 33
Crucis Christi materia quae. 91. vsque ad 102.
Crucis Christi mensura. 103
Crucis figura supra Lunam, quid innuerit. 48
Crucis insigne in palatio Constantini. 8
Crucis notae in obeliscis Romae visuntur. 143
Crucis ope Magnentius in Gallia victus. 16
Crucis signa in Lombardia & Liguria. 41
Crucis signa in vestibus. 51
Crucis signa in vestibus Francorum. 45
Crucis signatio tribus digitis quid significet. 144
Crucis signa frequentia quid significant. 143
Crucis signum alijs coniunctis distrahitur. 51. 52
Crucis signum morbis curandis salutare. 155
Crucis signum inter alia Chinae habent. 150
Crucis signum & hastae in caelo visae. 46
Crucis signum in victima Iuliani varie interpretatū.
 19.
Crucis supplicium eo saeuus, quo diuturnius. 173
Crucis supplicium Constantinus interdixit. 10
Crucium cruentarum signa apparent. 152
Crux S. Thomae Apostoli in India admiranda. 123.
 124.
Crux ab Angelis confecta. 127. 128
Crux acies hostiles illaesa penetrauit. 28

I N D E X.

<i>Crux Carauacensis ab Angelis delata.</i>	129. 131
<i>Crux herbacea miraculosa Toleti.</i>	169
<i>Crux Carauacensis.</i>	129. 130
<i>Crux in urbis direptione furto sublata.</i>	119
<i>Crux cathedra & tribunal Christi.</i>	175
<i>Crux in India caelitus ostensa.</i>	64
<i>Crux in caelo visa in obitu Card. P. a Mēdoza.</i>	171
<i>Crux a Columbo erecta, miraculorū operatrix.</i>	134
<i>Crux Christi moribundam restituit, & mortuum suscitauit.</i>	107
<i>Crux coronata in extis victimae Iuliani.</i>	18
<i>Crux visa tempore Iuliani quid significarit.</i>	22
<i>Crux Ierosolymis visa.</i>	3
<i>Crux diuersitate figurae & vario colore milites distinguunt.</i>	33
<i>Crux draconem vulneratum subiiciens.</i>	9
<i>Crux Gallo Caesari in caelo apparuit.</i>	16
<i>Crux lectulus aegritudinis Christi.</i>	150
<i>Crux in fimbria nobilis feminae.</i>	31
<i>Crux in Vuallia intra fraxinum apparuit.</i>	31
<i>Crux signum militare.</i>	32
<i>Crux diuersae formae & figurae fiebat apud Romanos.</i>	27
<i>Cyrilli Episcopi Ierosolymitani ad Constantiū Imp. epistola.</i>	14
<i>S. Cyrillus tres libros scripsit in Iulianum Apostatam.</i>	18

D

D <i>Amiata, olim Heliopolis, id est, ciuitas Solis.</i>	116
<i>Daemones signū crucis maxime expauescūt.</i>	15

Decem-

I N D E X .

<i>Decennius laqueo se strangulavit.</i>	17
<i>Deipara virgo Hispaniae peculiaris patrona.</i>	28
<i>Deiparae virginis imago in vexillis militaribus gestabatur.</i>	28. 32
<i>Draco subactus a cruce, daemon significatur.</i>	9
<i>Dominus regnavit a ligno, expositum.</i>	140

E

<i>Ecclesiae, Constantino fauente, resurgunt.</i>	11
<i>Esaiae testimoniū de materia crucis Christi.</i>	100
<i>Esaías crucem praedixit.</i>	139
<i>Ethelstanus ensē Constantini cum signo crucis detinuit.</i>	120
<i>S. Eustachio crux visa inter cornua cervi.</i>	24
<i>Expansio manuum Moysis, figura crucis.</i>	138
<i>Expeditiō Caroli Magni in Agarenos Hispaniae.</i>	46

F

<i>Famem pestis horrenda subsequuta.</i>	42. 43
<i>Federicus Aenobarbus Ecclesiae hostis.</i>	49
<i>Federicus Aenobarbus malus male perijt.</i>	49
<i>Festiuitas triumphī crucis in Hispania 17. Iulij.</i>	28. 29
<i>Fidei nostrae compendium in cruce.</i>	153
<i>Frons pudoris sedes.</i>	144

G

<i>Galli alba cruce in vexillis militaribus utuntur.</i>	32
<i>Garciae Ximenio crux supra quercum apparuit.</i>	27
<i>Gregorij Theologi orationes quatuor in Iulianum Apostatam.</i>	18

I N D E X.

S. Georgius Angliae tutelaris. 73

D. Gonsaluus Pontius a Leon laudatus. 183

H

H *Aeretici e templis & vijs crucem extermināt.* 154.

Haereticis, Iudaeis, & Paganis crux inuisa. 154

Helena, quaesitam, crucem Dominicam reperit.

106. 107.

Helena crucis lignum distribuit. 108

Helena multas naues terra sancta onustas Romam misit. 108

Helena prope octogenaria Ierosolymam petijt. 105.

Helisabethae Pseudoreginae Angliae impietas. 68

Henricus Albertus commendatus. 78

Henricus Dux Ghisianus ex captiuitate liberatus. 83. 64.

Heraclius Imp. crucem redemit a Persis. 114

Heraclius Imp. crucem Constantinopolim transtulit. 115

Hispani non fuderūt copias Caroli Magni, sed Galli. 47. 48.

Hispani rubra cruce in vexillis militaribus vtuntur. 32

Hungus Pictorū Rex crucem S. Andreae in caelo vidit. 26

I

I *Ierosolymae crux cum iride apparet.* 21

Ierosolyma a Christianis expugnata. 115

Ierosolymam Saladinus occupat. 116

Ignigo

I N D E X.

<i>Ignigo Aristae crux caelitus ostensa.</i>	27
<i>Ignis caelestis Iudaeorum instrumenta exurit.</i>	38
<i>Imperium Turcicum lenta velut feberi absumitur.</i>	187
<i>Ioannes Cardinalis a Mendoza laudatus.</i>	171
<i>Iosephus Cresquillius Societatis Iesu laudatus.</i>	69
<i>Instinctu diuinitatis victoria Constantino parta.</i>	8
<i>Iris nunciat tranquillitatem & pacem.</i>	22
<i>Isini infantibus crucem ferro candenti imprimunt.</i>	160
<i>Iudaei argenteis cophinis, scaphis, & ligonibus vsi.</i>	36
<i>Iudaei vndique reaedicādo templo pecunias transmittunt.</i>	36
<i>Iudaei inuiti Christum confitentur.</i>	38
<i>Iudaei plurimi exanimati.</i>	38
<i>Iudaei templū Ierosolymae reaedicare moliūtur.</i>	35
<i>Iudaei tēplum instaurare diuinitus prohibētur.</i>	36
<i>Iudicium de crucibus nouissime in Gallia visis.</i>	79
<i>vsque ad 89.</i>	
<i>Iulianus Apostata.</i>	17
<i>Iulianus acerrimus Christianorum hostis.</i>	18
<i>Iulianus a Labaro Imperatorio crucem sustulit.</i>	23
<i>Iulianus, vice crucis, Iouem supposuit.</i>	23
<i>Iulianus aduersus Euangelia tres libros conscripsit.</i>	18
<i>Iuliani arcae capitibus humanis plenae inuētae.</i>	23
<i>Iulianus arreptitiuus.</i>	21
<i>Iulianus baptismum eluere conatus.</i>	18
<i>Iulianus</i>	

I N D E X.

<i>Iulianus Christum nothum & spurium vocabat.</i>	18
<i>Iulianus Christum Galilaeum appellabat.</i>	35
<i>Iulianus Christianos Galilaeos nuncupabat.</i>	35
<i>Iulianus Christi religionem penitus abolere tenta- bat.</i>	22
<i>Iulianus cruce se munit, quam insectabatur.</i>	20
<i>Iulianus daemoniorum cultor effectus.</i>	18
<i>Iulianus ingenuis artibus Christianos erudiri ve- tuit.</i>	22
<i>Iulianus in monasterio monachorum nutritus.</i>	17
<i>Iuliani nex.</i>	23
<i>Iulianus Pötificē se Maximū Ethnicorū cōstituit.</i>	18
<i>Iulianus sacris litteris eruditus.</i>	17
<i>Iulianus ventres feminarum dissecuit.</i>	23
<i>Iuliani nex communi plausu & laetitia accepta.</i>	23

L

L <i>Apis super lapidem non māsit in templo Iero- solymitano.</i>	37
<i>Lanceae Christi ferrum Antiochiae repertum.</i>	121
<i>Ligna portata ab Isaac, figura crucis.</i>	137
<i>Lignum amaras aquas dulces reddens, crucis sym- bolum.</i>	137
<i>Litterarum in cruce S. Thomae interpretatio.</i>	126
<i>Lucenti sex Eucharistiae formae cruentae.</i>	30
<i>Lucenti centum post annos crux apparuit.</i>	30
<i>S. Ludouicus crucis lignum a Venetis redemit.</i>	121
<i>S. Ludouicus religiosissimus erga crucem.</i>	161
<i>Leo Imp. partē ligni crucis Duci Venetorū mittit.</i>	119
<i>Leo Imp. corpus Zachariae Prophetae Duci Vene- torum donat.</i>	119

Magnen-

I N D E X.

M

M Agnenti ^{us} matrem & fratrem necat.	17
Magi ex India venerunt.	3
Magi longissimum inter emensi.	4
Magorum stella.	3
Materia crucis querna. 92. vsque ad 102.	
Michaël alatus Constantino Maximo apparuit.	
176	
Michaël in Gargano, & Normandiae promontorio apparuit.	176
Michaëlium aedes sacra Michaëli dicata.	177
Milites Alcantarae.	33
Milites Auis in Lusitania.	33
Milites Calatrauae.	33
Milites Christi in Lusitania.	33
Milites S. Georgij.	33
Milites S. Iacobi Ensigeri.	33
Milites S. Ioannis Ierosolymitani.	33
Milites S. Lazari.	33
Milites Montesae in regno Valentino.	33
Milites Pereiri.	33
Milites Prussici.	33
Milites S. Stephani in Etruria.	33
Milites Templarij.	33
Milites diuersorum institutorum, variam crucem pectore gestant.	33
Militia Constantiniana.	10
Mos cruce se signandi vnde effluxit.	10
Mors violenta aequè bonis atque malis contingere potest.	56. 57
	Narses

I N D E X.

N

N Arses eunuchus qualis.	40
Natantes crucis formam exprimunt.	140
Nulla citra crucem salus.	177
Nummi Constantini cruce signati.	10
O	
O Dium ingens inter quercum & oliuam.	101
P	
P Arisiensium fides, & constantia commendata.	
79. vsque ad 88.	
Pars ligni crucis basilicæ S. Petri a Constantino donata.	119
Pars ligni S. crucis cum titulo Romam ab Helena transmissa.	108
Particulæ S. crucis insigniores ubi.	109. 110
Pauli testimonia de cruce.	153
Pestis horrenda post crucium indicium.	41
Pestis ingens Constantinopoli.	44
Pestis miseranda describitur.	41. 42
Pestis saeuissimæ descriptio.	44. 45
Petrus Gundisalvus a Mendoza Card. laudatus.	
166. vsque ad 172	
Phocas pessimus Imperator.	91
Pietas Tiberij Imp. erga crucem.	167
Placido crux inter cornua cerui ostensa.	24
Placidus, idem, qui post Eustachius.	24
Postibus Iudaeorum signum in Aegypto impressum, crucem adumbravit.	137
Praediectio Christi de tēplo Ierosolymitano quando expleta.	37

Pugnam

I N D E X.

Pugnam conferturi, cruce vtuntur. 145

Q

Q *Vantum temporis crux Christi delituerit.* 104
105

R

R *Eges Aragonum & Nauarrorum crucem pro
insigni gestarunt.* 27

Richardus, Anglorum Rex, crucē in caelo vidit.
25

Richardus expeditionem in Syriam suscipit. 25

Roma cur sancta dicatur. 109

S

S *Acrificia omnia olim typus crucis.* 137

*Sacerdotes Ethnici Aegypti ad Christi fidem
conuersi.* 142

*Sacri foederis sociorum tolerantia & merita. 79. vs-
que ad 88.*

*Scoti cruce S. Andreae candida pro insigni militari
vtuntur.* 32

Sectae Mahometanae breui futurum exterminium.
187

Sergius Papa signum S. crucis in Vaticano inuenit.
118

*Sergius Papa crucem inuentam, in Lateranū trans-
tulit.* 118

Serpens aeneus figura crucis. 138

Sibyllae, de cruce Christi, vaticinium. 141

Solatium sociorum sacri foederis. 87. 88

Sol trinus, & Sol supra Lunā, Theodosiae apparuit.
188

Statua

I N D E X.

Statua, crucem tenens, Constantino dicata. 7
 Stella Magorum. 3
 Synodus sexta cauit crucis signum in pavimento fieri. 163

T

T Au, vitae venturae nota. 141
 Tau, crucis genuinum signaculum. 140
 Tau Graecorum, & Latinorū, crucis est forma. 139
 Tau Indorum, crucis formam exprimit. 140
 Tau Samaritanorum, crucis forma. 139
 Tau S. Antonij crucis in figuram efformatum. 139
 Tau in templo & pectore Serapidis repertum. 142
 Theodosii & Valentiniiani circa crucem edictū. 162
 Theodosio Imp. Ioannes & Philippus Apostoli apparent. 156
 Theodosius Magnus Imp. virtute crucis hostes superat. 155. 156
 Theophilus delubra & idola demolitur omnia. 142
 Terræmotus ingens in Palaestina. 43
 Thesaurus religione crucis a Tiberio Imp. inuentus. 162
 S. Thomae corpus in Malipur olim sepultum. 122
 S. Thomae crucis ingens miraculum. 124
 Thoraces Serapidis cruce insignitae. 149
 S. Thuribius Palentinus, Episcopus Asturicensis. 116
 S. Thuribius bonam crucis partem in Hispaniam vexit. 116
 Tiberij Imp. numisma aureū mihi missum. 163. 164
 Tiberij Imp. nummi aurei reperti in demolitione aulae

I N D E X.

<i>lae Lateranensis.</i>	163
<i>Tiberius II. Imp. crucis signum nummis expresfit.</i>	163
<i>Titulus crucis Romae quando detectus.</i>	171
<i>Triginta octo diebus hic de cruce liber coeptus & absolutus fuit.</i>	182
<i>Turcarum quorundam frontes cruce signati.</i>	16
V	
<i>V Ascanes copias Caroli Magni ad Pyrenaeos delent.</i>	46.47
<i>Vaticinia Prophetarum, Christum in cruce moriturum, praedixerunt.</i>	174
<i>Vaticinium Davidicum de ligno crucis.</i>	140
<i>Vaticinium Sibyllae de cruce.</i>	141
<i>Vaticinium Simeonis de cruce.</i>	141
<i>Vexillifer crucis inter tela illaesus evasit.</i>	157
<i>Vexillum crucis deferens, continuo occiditur.</i>	156
<i>Vites post vindemiam novas vuas denuo produxerunt.</i>	34
<i>Vuae intempestivae quid significarint.</i>	34
<i>Urbes, oppida, & familiae multae crucem gestant pro insigni.</i>	33

F I N I S.

REGESTVM.
ABCDEFGHIKLMN.

Omnes sunt quaterniones.

R O M AE,

Apud Ascanium, & Hieronymum
Donangelos. 1591.

125. —

BAS 91

C431d

